

庫文有萬

種百七集二第

編主五雲王

史繹

(五)

撰驢馬

行發館書印務商

# 繹史卷十一

三代第一

禹平水土

【大戴禮記】顓頊產鯀，鯀產文命，是爲禹。鯀娶於有莘氏，有莘氏之子，謂之女志氏。產文命，〔世本〕鯀取有莘氏女。

謂之女志  
是生高密

【史記】夏禹名曰文命。禹之父曰鯀。鯀之父曰帝顓頊。顓頊之父曰昌意。昌意之父曰黃帝。禹者，黃帝之玄孫，而帝顓頊之孫也。禹之曾大父昌意及父鯀，皆不得在帝位，爲人臣。

【漢書】伯禹，帝系曰：顓頊五世而生鯀。鯀生禹。〔山海經〕黃帝生駒明，駒明生白馬。白馬是爲鯀。○史言顓頊生鯀，漢書言五世生鯀，山海經謂黃帝駒明，其說異也。

【吳越春秋】鯀娶於有莘氏之女，名曰女嬉。年壯未葬，嬉於砥山，得薏苡而吞之，意若爲人所感，因而妊娠。

孕剖脅而產高密，家於西羌，地曰石紐。石紐在蜀西川也。〔隨菑子〕禹產於嵬石。○史言禹生於嵬石。〔通甲開山圖〕古有大禹，名鳩十九代孫，壽三百六十歲，入九疑山仙飛去。後三千六百歲，堯理天下，洪水既甚，人民塗溺，大禹念之，乃化生於石紐山泉。女狄暮汲水，得石子如珠，愛而吞之，有娠十四月生禹。及長，能知泉源，代父禹理洪水。堯帝知其功，如古大禹知水源，乃賜號禹。

【帝王世紀】伯禹，夏后氏姒姓也。父鯀，妻修己，見流星貫昴，夢接意感，又吞神珠薏苡，脅拆而生禹於石坳，虎鼻大口，兩耳參漏，首戴鈎鈴，胸有玉斗，足文履已，故名文命。字高密，身長九尺二寸，長於西羌，西羌。

夷人也。〔宋符瑞志〕帝禹有夏氏，母曰修己。出行見流星貫昴，夢接意感，既而吞神珠，修己背剖而生禹於石組長有聖德，長九尺九寸。〔尚書帝命期〕禹，白帝精，以星感修己。山行見流星，意感栗然，生姒戎文禹。

禹母之名，諸書不同。〔論衡〕禹母吞薏苡而生禹，故夏姓曰姒。〔淮南子〕禹耳參漏，是謂大通，興利除害，疏河決江。

〔尚書帝命期〕有人大口，兩耳參漏，足文履已，首戴鈎鉛，胸懷玉斗，分別九州，隨山濬川，任土作貢。

〔書〕帝曰：咨四岳，湯湯洪水方割，蕩蕩懷山襄陵，浩浩滔天下。民其咨有能俾乂。僉曰：於鯀哉！帝曰：吁，咷哉！方命圮族。岳曰：异哉！試可乃已。帝曰：往欽哉！九載績用弗成。

○前編堯六十一載洪

堯舉鯀俾乂

〔史記〕當帝堯之時，鴻水滔天，浩浩懷山襄陵，下民其憂。堯求能治水者，羣臣四嶽皆曰：鯀可。堯曰：鯀爲人負命毀族，不可。四嶽曰：等之未有賢於鯀者，願帝試之。於是堯聽四嶽，用鯀治水。九年而水不息，功用不成。於是帝堯乃求人，更得舜。舜登用，攝行天子之政，巡狩行視。鯀之治水無狀，乃殛鯀於羽山以死。天下皆以鯀之誅爲是。

〔越絕書〕堯遭帝嚳之後亂，洪水滔天。堯使鯀治之。九年弗能治。堯七十年而得舜。舜明知人情，審於地形，知鯀不能治，數諫不去。堯殛之羽山，此之謂舜之時。鯀不從令也。

〔楚辭注〕鯀治水，績用不成。堯乃放殺之。羽山，飛鳥水蟲，曳衡而食之。堯長放鯀。

於羽山，絕在不毛之地，三年不舍其罪。〔述異記〕堯使鯀治水，不勝其任，遂誅鯀于羽山，化爲黃能，入于羽泉。黃能即黃熊也。陸居曰熊，水居曰能。〔拾遺記〕堯命夏鯀治水，九載無績，鯀自沈於羽淵，化爲玄魚，時揚鬚振鱗，橫修波之上。見者謂爲河精。羽淵與河海通源也。淹民於羽山之中，修立鯀廟，四時以致祭祀。常見玄魚與蛟龍跳躍而出，觀者驚而畏矣。至舜命禹疏川奠岳，濟巨海，則鼉鼈而爲梁，踰翠岑，則神龍而爲駁，行徧日月之墟，惟不踐羽山之地。

〔歸藏〕鯀死三歲不腐，剝之以吳刀，化爲黃龍。

〔山海經〕洪水滔天，鯀竊帝之息壤，以堙洪水。不待帝命，帝令祝融殺鯀于羽郊。鯀復生禹，帝乃命禹卒。

布土定九州。〔說文〕堯遭洪水·民居水中文高士·故曰九州·

【史記】於是舜舉鯀子禹而使續鯀之業。〔易林〕舜升大禹·石夷之野·徵詔王庭·拜治水土·禹爲人敏給克勤。其德不違。其仁可親。其言可信。聲爲律。身爲度。稱以出。亹亹穆穆。爲綱爲紀。禹乃遂與益后稷。奉帝命。命諸侯百姓。興人徒。以傅土行山表木定高山大川。禹傷先人父鯀功之不成受誅。乃勞身焦思。居外十三年。過家門不敢入。薄衣食。致孝于鬼神。卑宮室。致費於溝濶。陸行乘車。水行乘船。泥行乘檣。山行乘櫂。左準繩。右規矩。載四時。以開九州。通九道。陂九澤。度九山。令益予衆庶稻。可種卑溼。命后稷予衆庶難得之食。食少調有餘。相給。以均諸侯。〔尚書刑德考〕禹長於地理水泉九州。得括象圖。故堯以爲司空。

【帝王世紀】禹其父既放。降在匹庶。有聖德。夢自洗於河。而四嶽師舉之。舜進之堯。堯命以爲司空。繼鯀治水。乃勞身涉勤。不重徑尺之璧。而愛日之寸陰。手足胼胝。故世傳禹病偏枯。足不相過。至今巫稱禹步。是也。〔法言〕昔者姒氏治水土。而巫步多禹。〔尚書大傳〕禹其跳。其跳者。跨也。

【鹽鐵論】禹蹙洪水。身親其勞。澤行路宿。過門不入。當此之時。簪墮不掇。冠挂不顧。

【吳越春秋】禹傷父功不成。循江泝河。盡濟甄淮。乃勞身焦思以行。七年聞樂不聽。過門不入。冠挂不顧。履遺不躡。功未及成。愁然沈思。

【尸子】古者龍門未開。呂梁未鑿。河出於孟門之上。大溢逆流。無有丘阜高陵。盡皆滅之。名曰鴻水。禹於

是疏河決江十年不闢其家手不爪脛不生毛生偏枯之病步不相過人曰禹步禹長頭烏喙面貌亦惡矣天下從而賢之好學而已

〔莊子〕兩祖女浣於白水之上者禹過之而趨曰治天下奈何女曰

脛無肢脛不生毛顏色變凍手足胼胝何以至是也○今本無

【呂氏春秋】禹東至搏木之地日出九津青羌之野攢樹之所搘天之山鳥谷青丘之鄉黑齒之國南至交阯孫樸續構之國丹粟漆樹沸水漂漂九陽之山羽人裸民之處不死之鄉西至三危之國巫山之下飲露吸氣之民積金之山共肱一臂三面之鄉北至人正之國夏海之窮衡山之上犬戎之國夸父之野禺彊之所積石之山不有懈墮憂其黔首顏色黎黑竅藏不通步不相過以求賢人欲盡地利至勞也得陶化益真窺橫革之交五人佐禹故功績銘乎金石著於盤孟禹入裸國裸入衣出因也

【墨子】禹治天下西爲西河漁竇以泄渠孫皇之水北爲防原派注后之邸磽池之竇洒爲底柱鑿爲龍門以利燕代胡貉與西河之民東爲漏之陸防蓋諸之澤灑爲九澗以楗東土之水以利冀州之民南爲江漢淮汝東流之注五湖之處以利荆楚越與南夷之民

○疑有脫誤民皆得耕種黑黍於蘆蒲之地盡爲良田

〔楚辭注〕禹平治水土萬

【淮南子】舜之時共工振滔洪水以薄空桑龍門未開呂梁未發江淮通流四海溟涬民皆上丘陵赴樹木舜乃使禹疏三江五湖闢伊闕導瀍澗平流溝陸流注東海鴻水漏九州乾萬民皆寧其性

〔山海經〕共工之臣曰相

柳氏九首以食於九山相柳之所抵厥爲澤谿禹殺相柳其血腥不可以樹五穀種禹厥之三仞三沮乃以爲衆帝之臺共工臣名曰相繇九首蛇身自環食於九土其所歎所尼卽爲源澤不幸乃苦百獸莫能處禹湮洪

水殺相繇其血腥臭不可生穀其地多水不可居也禹湮之三仞三水乃以爲池堯帝是以爲臺○一事兩載之奇文變幻不厭疊出禹沐浴霪雨櫛扶風決江疏河鑿龍

門闢伊闕修彭蠡之防乘四載隨山栱木平治水土定千八百國

河圖括地象禹所治四海內地東西二萬八千里南北二萬六千里有君長之州九

阻中土之文德及而不治山海經帝命豎亥步自東極至于西極五億十選九千八百步豎亥右手把算左手指青丘北一曰禹令豎亥一曰五億十萬九千八百步禹之時天下大水禹身執

囊垂以爲民先剔河而道九岐鑿江而通九路辟五湖而定東海當此之時燒不暇搘濡不給挖死陵者葬陵死澤者葬澤故節財薄葬簡服生焉

**【史記】**禹抑洪水十三年過家不入門陸行乘車水行載舟泥行蹈毳山行卽橋以別九州隨山浚川任土作貢通九道陂九澤度九山然河蓄衍溢害中國也尤甚唯是爲務故道河自積石歷龍門南到華陰東下砥柱及孟津雒汭至于大邳於是禹以爲河所從來者高水湍悍難以行平地數爲敗乃斲二渠以引其河北載之高地過降水至于大陸播爲九河同爲逆河入于勃海九川旣疏九澤旣瀧諸夏艾安功施于三代淮南子禹爲水以身解於陽門之河水經注禹治洪水西至洮水之上見長人受黑玉書博物志昔夏禹觀河見長人魚身出曰吾河精蓋河伯也禹書中候禹觀於濁河而授綠字

**【吳越春秋】**乃案黃帝中經曆蓋聖人所記曰在於九山東南天柱號曰宛委赤帝在闕其巖之巔承以文玉覆以盤石其書金簡青玉爲字編以白銀皆瑑其文禹乃東巡登衡嶽血白馬以祭不幸所求禹乃登山仰天而嘯因夢見赤繡衣男子自稱玄夷蒼水使者聞帝使文命於斯故來候之非厥歲月將告以期無爲戲吟故倚歌覆釜之山東顧謂禹曰欲得我山神書者齋於黃帝巖嶽之下三月庚子登山發石金簡之書存矣禹退又齋三月庚子登宛委山發金簡之書案金簡玉字得通水之理復返歸嶽乘四載

以行川始於霍山徊集五嶽。

岣嶁碑文

以行川始於霍山徊集五嶽  
岣嶁碑文



〔譯文〕承帝曰嗟！翔輔佐卿，洲渚與登，鳥獸之門，參身宏流，而明發爾興，久旅忘家，宿獄蘢庭，智營形析，心罔弗  
辰，往來平定。嶽大衡，宗疏事衰，勞餘仲禮，鬱塞昏徒，南瀆宿亭，衣制食備，萬國其寧，竄舞永奔。○按衡山記  
云：夏禹導水通瀆，刻石書名山之嶺，迺不復見。〔荊州記〕禹登南嶽而祭之，獲金簡玉字之書曰：祝融司方治水，遙望衡山如陣雲，泓湘千里，九向九背  
操，禹治洪水，上會稽山，顧而作此歌曰：嗚呼洪水滔天，下民愁悲，上帝憲咨，三過吾門不入，父子道衰，嗟嗟不欲  
煩下民。〔遁甲開山圖〕禹開委宛山，得赤珪如日，碧珪如月，長一尺二寸。○宛委在會稽，一名玉笥山，按禹未嘗兩  
至會稽，其至越會計，非治水時也，蓋傳疑矣。

【吳越春秋】遂巡行四瀆，與益夔共謀，行到名山大澤，召其神而問之，山川脈理，金玉所有，鳥獸昆蟲之類，及八方之民俗，殊國異域，土地里數，使益疏而記之，故名之曰山海經。〔論衡〕禹益並治洪水，禹主治水，  
以所聞見，作山海經，非禹益行遠，山海不造，然則山海之造，見物博也。使太章步東西，豎亥度南北，暘八極之廣，旋天地之數，於是周行寓

內東造絕迹。西延積石。南踰赤岸。北過寒谷。徊崑崙。察六扈脈地理。名金石。寫流沙於西隅。決弱水於北漢。青泉赤淵。分入洞穴。通江東流。至於碣石。疏九河於潛淵。開五水於東北。鑿龍門。闢伊闕。平易相土。觀地分州。殊方各進。有所納貢。民去崎嶇。歸於中國。〔淮南子〕天下大雨。禹令民聚土積薪。擇丘陵而處之。  
〔呂氏春秋〕禹周於天下。以求賢者。東利點首。水潦川澤之湛滯壅塞可通者。禹盡爲之。禹通三江五湖。決伊闕。濬迴陸。注之東海。因水之力也。  
•驚風迅雷。石號木鳴。五伯擁川。天老肅兵。不能興。禹怒。召集百靈。授命夔龍。桐柏于君長稽首請命。禹因鴻家氏商。章氏兜氏。虞氏契妻氏。乃護淮濶水神。名巫支祈。善應對。普語。辨江淮之淺深。原隰之遠近。形若獮猴。縮鼻高額。青軀白首。金目雪牙。頭伸百尺。力踰九象。搏擊騰踔。疾奔輕利。倏忽間視。不可久。禹乃授之童稚。不能制。授之烏木田。不能制。授之庚辰。能制。鳴牌桓胡。水魅山靈。木妖石怪。奔號聚繞。以幾千數。庚辰持載逐去。頸鎖大索。鼻穿金鉛。徒之淮陽之龜山足下。淮永安流。○岳瀆經措逸亡。不多見。據此。文亦奇矣。集仙錄云。禹見雲華夫人。其後鑠淮濶之神無支祇於龜山也。〔拾遺記〕禹鑠龍關之山。亦謂之龍門。至空巖。深數千里。幽暗不可復行。禹乃負火而進。有獸狀如豕。銜夜明珠。其光如燭。又有青犬。行吠於前。禹計可十里。迷於晝夜。既覺漸明。見向來豕犬。變爲人形。皆著玄衣。又見一神。蛇身人面。禹因與語。神即示禹八卦之圖。列於金板之上。又有八神侍側。禹曰。華胥生聖子。是汝邪。答曰。華胥是九河神女。以生余也。乃探玉簡授禹。長一尺二寸。以合十二時之數。伊量度天地。禹即執持此筒。以平定水土。蛇身之神。卽羲皇也。○今本

【淮南子】禹南省方。濟於江。黃龍負舟。舟中之人。五色無主。禹乃熙然而稱曰。我受命於天。竭力而勞萬民。生寄也。死歸也。何足以滑和。視龍猶蝘蜓。顏色不變。龍乃弭耳掉尾而逃。〔抱朴子〕禹乘二龍。郭支爲馭。以尾畫導水徑所當決者。因而治之。  
〔拾遺記〕禹盡力溝洫。導川夷岳。黃龍曳尾於前。玄龜負青泥於後。玄龜之使者也。龜額下有印。文皆古篆字。作九州山川之字。禹所穿鑿之處。皆以青泥封記其所。使玄龜印其上。  
〔文嘉〕禹卑宮室。垂意於溝洫。百穀用成。神龍至。靈龜服。玉女敬養天賜。〔宋符瑞志〕玉女。天賜妾也。  
〔記〕南潯之國。有洞穴陰源。其下通地脈。中有毛龍。時蛻骨於曠澤之中。魚龍同穴而處。其國獻毛龍。一雌一雄。放置蒙龍之宮。至夏代。養龍不絕。因以命族。禹導川。乘此龍。及四海攸同。反放河汭。

**【書】禹敷土隨山刊木奠高山大川冀州既載壺口治梁及岐既修太原至于岳陽覃懷底績至于衡漳厥土惟白壤厥賦惟上上錯厥田惟中中恒衛既從大陸既作島夷皮服夾右碣石入于河濟河惟兗州九河既道雷夏既澤灘沮會同桑土旣蠶是降丘宅土厥土黑墳厥草惟繇厥木惟條厥田惟中下厥賦貞作十有三載乃同厥貢漆絲厥筐織文浮于濟漯達于河海岱惟青州嵎夷旣略濰淄其道厥土白墳海濱廣斥厥田惟上下厥賦中上厥貢鹽絲海物惟錯岱畎絲枲枲鉛松怪石萊夷作牧厥筐槧絲浮于汶達于濟海岱及淮惟徐州淮沂其父蒙羽其藝大野旣豬東原底平厥土赤埴墳草木漸包厥田惟上中厥賦中中厥貢惟土五色羽畎夏翟嶧陽孤桐泗濱浮磬淮夷蠻珠暨魚厥筐玄纖縞浮于淮泗達于河淮海惟揚州彭蠡旣豬陽烏攸居三江旣入震澤底定篠簜旣敷厥草惟夭厥木惟喬厥土惟塗泥厥田惟下下厥賦下上上錯厥貢惟金三品瑤琨篠簜齒革羽毛惟木島夷卉服厥筐織貝厥包橘柚錫貢沿于江海達于淮泗荆及衡陽惟荊州江漢朝宗于海九江孔殷沱潛旣道雲土夢作乂厥土惟塗泥厥田惟下中厥賦上下厥貢羽毛齒革惟金三品杬榦柏礪砥砮丹惟箇轄楷三邦底貢厥名包匱菁茅厥筐玄纏璣組九江納錫大龜浮于江沱潛漢逾于洛至于南河荆河惟豫州伊洛瀍澗旣入于河滎波旣于洛達于河華陽黑水惟梁州岷嶓旣藝沱潛旣道蔡蒙旅平和夷底績厥土青黎厥田惟下上厥賦下豬導菏澤被孟諸厥土惟壤下土壤墳厥田惟中上厥賦錯上中厥貢漆枲絲紵厥筐織纊錫貢磬錯浮于洛**

中三錯。厥貢璆鐵銀鏤砮磬。熊熊狐狸織皮。西傾因桓是來。浮于潛。逾于沔。入于渭。亂于河。黑水西河惟雍州。弱水既西。涇屬渭汭。漆沮既從。灊水攸同。荆岐既旅。終南惇物。至于烏鼠原隰底績。至于豬野。三危既宅。三苗不敍。厥土惟黃壤。厥田惟上上。厥賦中下。厥貢珠琳琅玕。浮于積石。至于龍門。西河會于渭汭。織皮崑崙。析支渠搜。西戎卽敍。導岍及岐。至于荆山。逾于河壺口雷首。至于太岳。底柱析城。至于玉屋。太行恆山。至于碣石。入于海。西傾朱圉鳥鼠。至于太華。熊耳外方桐柏。至于陪尾。導嶓冢。至于荆山。內方。至于大別。岷山之陽。至于衡山。過九江。至于敷淺原。導弱水。至于合黎。餘波入于流沙。導黑水。至于三危。入于南海。導河積石。至于龍門。南至于華陰。東至于底柱。又東至于孟津。東過洛汭。至于大伾。北過洚水。至于大陸。又北播爲九河。同爲逆河。入于海。嶓冢導漾。東流爲漢。又東爲滄浪之水。過三澨。至于大別。南入于江。東匯澤爲彭蠡。東爲北江。入于海。岷山導江。東別爲沱。又東至于澧。過九江。至于東陵。東迤北會于匯。東爲中江。入于海。導沈水。東流爲濟。入于河。溢爲榮。東出于陶丘北。又東至于菏。又東北會于汝。又北于河。導洛自熊耳。東北會于澗瀍。又東會于伊。又東北入于河。九州攸同。四隩既宅。九山刊旅。九川濂源。九澤既陂。四海會同。六府孔修。庶土交正。底慎財賦。咸則三壤。成賦中邦。錫土姓。祇台德先。不距朕行。五百里甸服。百里賦納。總二百里納鈸。三百里納秸服。四百里粟。五百里米。五百里侯服。百里采。二百里男

邦三百里諸侯五百里綏服三百里揆文教二百里奮武衛五百里要服三百里夷二百里蔡五百里荒服三百里蠻二百里流東漸于海西被于流沙湖南暨聲教訖于四海禹錫玄圭告厥成功

〔書序〕禹別九州隨山濬川

原任土作貢

〔史記〕禹乃行相地宜所有以貢及山川之便利禹行自冀州始冀州既載壩口治梁及岐既修太原至于嶽陽覃懷致功至於衡漳其土白壤賦上上錯田中中常衛既從大陸既爲烏皮服夾石入於濟濟河維沈州九河既道雷夏既澤雍沮會同桑土既蠶於是民得下丘居土其土黑墳草繇木條田中下賦貞作十有三年乃同其貢漆絲其篚織文浮於濟漯通於河海岱維青州嵎夷既略瀕滻其道其土白墳淮濱廣溫厥田斥鹵田上下賦中上厥貢鹽絲海物維錯岱畎絲枲鉛松怪石英夷爲牧其篚青絲浮於濟濟淮岱及淮維徐州淮沂其治蒙羽其藝大野既都東原底平其土赤埴埴草木湖包其田上中賦中中貢維土五色羽畎夏翟蟬陽孤桐泗濱浮磬淮夷蠻珠泉魚其篚玄纖縞浮于淮泗通于河淮海維揚州彭蠡既都陽鳥所居三江既入震澤致定竹箭既布其艸惟天其木惟喬其土塗泥田下下賦下上上雜貢金三品瑤琨竹箭蠻革羽毛島夷卉服其篚職貝其包橘柚錫貢均江海通淮泗荆及衡陽維荊州江漢朝宗于海九江甚中沱澨已道雲土夢爲治其土塗泥田下中賦上下貢羽旄箒革金三品純絲栝柏礪砾磬丹維筭轄桔三國致貢其名包拯蕡茅其篚玄纖縞組九江入賜大龜浮於江沱潛於漢踰于雒至於南河荆河維豫州伊雒瀍澗既入於河榮播既都道荷澤被明都其土壤下土墳墳田中上賦雜上中貢漆絲繩綺其篚職梨錫貢磬銅既於雒達於河華陽黑水維梁州岐嶓既蓺沱澨既道葵蒙旅平和夷底績其土青驥田下上賦下中三錯貢璆銀鏹磬馨熊羆狐狸織皮西傾因桓是來浮于渭踰于河入于渭亂于河黑水西河維雍州弱水既西關渭汭汎沮既從澧水所向荆岐已旅終南敦物至于鳥鼠原隰底績至于都野三危既度三苗大序其土黃黃淺原道九川弱水至於今黎餘波入於流沙道黑水至于三危入于南海道河積石至于龍門南至華陰東至砾柱又東至于盟津東過雍汭至于大邳北過降水至于大陸北播爲九河同爲逆河入于海嶓冢道灤東流爲漢又東爲蒼浪之水過三澗入于大別南入于江東匯澤爲彭蠡東爲北江入于海汶山之陽至于衡山過九江至于數東至于荷又東北會于汝又東北入于海道淮自桐柏東會于泗沂東入于海道渭自烏鼠同穴東會于澧又東北至于涇東過漆沮入于河道雒自熊耳東北會于澗澗又東會于伊東北入于河於是九州攸同四奧既居九東

山梁旅・九川滌原・九澤既陂・四海會同・六府甚修・衆土交正・致慎財賦・咸則三壤・成賦中國・賜土姓・祇台德先  
不距朕行・令天子之國以外・五百里甸服・百里賦納總・二百里納經・三百里納秸服・四百里粟・五百里米・甸服外  
五百里侯服・百里采・二百里在國・三百里諸侯・侯服外・五百里綏服・三百里揆文教・二百里奮武衛・綏服外五百  
里要服・三百里夷・二百里蔡・要服外・五百里荒服・三百里蠻・二百里流・東漸于海・西被于流沙・朔南暨聲教・乾  
于四海・於是帝錫禹玄圭・以告成功於天下・天下於是太平治・○史載禹貢・多增損變易其文・  
天賜玄珪・西戎渠搜國・服禹之德・獻其珍裘・〔宋符瑞志〕玄圭水泉・流通四海・會同則出・  
日行三萬里・禹治水・勤勞歷年・救民之害・天應其德而至・  
〔十洲記〕禹治洪水既畢・乃乘驥車・度弱水・而到鐘山・祠上帝於北阿・歸大功於九天・○前編・禹受命平治水而至  
水土・在帝堯七十二載・禹告成功・  
在帝堯八十載・卽舜攝位之八載・

【呂氏春秋】禹之決江水也・民聚瓦礫・事已成功已立・爲萬世利・禹之所見者遠也・而民莫知之.

【新書】大禹曰・民無食也・則我弗能使也・功成而不利於民・我弗能勸也・故環河而導之九牧・鑿江而導之九路・澄五湖而定東海・民勞矣・而弗苦者・功成而利於民也.

【史記】帝顓頊之苗裔孫曰女脩・女脩織玄鳥隕卵・女脩吞之・生子大業・大業取少典之子曰女華・女華  
生大費・與禹平水土已成・帝錫玄圭・禹受曰・非予能成・亦大費爲輔・帝舜曰・咨爾費贊禹功・其賜爾阜游  
爾後嗣將大出・乃妻之・姚姓之玉女・大費拜受・佐舜調馴鳥獸・鳥獸多馴服・是爲柏翳・舜賜姓嬴氏・  
姓嬴○  
祖少昊氏・帝顓頊其母家耳・史但舉其母氏而遺其祖・疏矣・○按百蟲將軍顓頊碑云・將軍姓伊  
氏韓益字隕跋・帝高陽之第二子伯益者也・據此・則伯益卽八愷中之隕跋・與伯翳爲二人矣・

【山海經】招搖之山・臨于西海之上・多桂多金玉・有草焉・其狀如韭而青花・其名曰祝餘・食之不饑・有木  
焉・其狀如穀而黑理・其花四照・其名曰迷穀・佩之不迷・有獸焉・其狀如禺而白耳・伏行人走・其名曰狴犴

食之善走麗麌之水出焉而西流注于海其中多育沛佩之無痕疾力少辛明目蠻廉迅足豈食斯肉爰有奇樹產自招搖厥華流光上映重霄佩之不惑潛有靈標桓山西臨流黃北望諸毗東望長石英水出焉西南流注于赤水其中多白玉多丹粟有獸焉其狀如豚有距其音如吠狗其名曰狸力見則其縣多土功有鳥焉其狀如鷗而人手其音如獐其名曰鶡其鳴自號也見則其縣多放士〔圖讚〕彗星橫天鯨魚死浪鶡鳴於邑賢士見放賤理至微言之無況成而四方其高五千仞其廣十里鳥獸莫居有蛇焉名曰肥壙六足四翼見則天下大旱削成四方爰有神女是挹玉漿其誰述之龍駕雲裳肥壙爲物與災合契鼓翼陽山以表亢厲桑林既禱倏忽潛逝自錢來之山至于驥山凡十九山華山冢也其祠之禮太牢踰山神也祠之用燭齋百日以百犧瘞用百瑜湯其酒百樽嬰以百珪百璧以餘十七山之屬皆毛牷用一羊祠之燭者百草之未灰白蘚采等純之崇吾之山在河之南北望冢遂南望畠之澤西望帝之搏獸之丘東望蠮淵有木焉員葉而白柟赤華而黑理其實如枳食之宜子孫有獸焉其狀如禺而文臂豹虎而善投名曰舉父有鳥焉以狀如鳧而一翼一目相得乃飛名曰蠻蠻見則天下大水〔圖讚〕比翼青赤雖云一形氣同體隔延頸離鳥翻飛合翮泰山其狀多丹木員葉而赤莖黃華而赤相其味如飴食之不饑丹水出焉西方五色發作以和柔剛天地鬼神是食是饗君子服之以禦不祥自泰山以至鍾山四百六十里其間盡流注于稷澤其中多白玉是生玉膏其源沸沸湯湯黃帝是食是饗是生玄玉玉膏所出以灌丹木丹木五歲五色乃清五味乃馨黃帝乃取泰山之玉榮而投之鍾山之陽瑾瑜以玉爲良堅粟精密濁澤而有光五色發作以和柔剛天地鬼神是食是饗君子服之以禦不祥自泰山以至鍾山四百六十里其間盡

澤也是多奇鳥怪獸奇魚皆異物焉。

○韻語奇古

〔圖讚〕鍾山之寶爰有玉華

光彩流映氣如虹霞君子是佩象德閑邪

鍾山之神名曰燭陰視爲

晝暝爲夜吹爲冬呼爲夏不飲不食不息息爲風身長千里其爲物人面蛇身赤色居鍾山下槐江之

山丘時之水出焉而流注于泐水其中多蠃母其上多青雄黃多藏琅玕黃金玉其陽多丹粟其陰多采

黃金銀實惟帝之平圃神英招司之其狀馬身而人面虎文而鳥翼徇于四海其音如榴南望崑崙其光

熊熊其氣魂魄西望大澤后稷所潛也其中多玉其陰多搖木之有若北望諸毗槐鬼離侖居之鷙鵠之

所宅也東望恒山四成有窮鬼居之各在一搏爰有澑水其清洛洛有天神焉其狀如牛而八足二首馬

尾其音如勃皇見則其邑有兵○雜敍山川鬼神事物追湊曲折生動〔圖讚〕槐江之山英招是主巡遊四海

撫翼雲儻實惟帝臣有謂玄圃搖惟靈樹爰生若木重根增駕流光旁燭

〔食之靈化〕崑崙之丘是實惟帝之下都神陸吾司之其神狀虎身而九尾人面而虎爪是神也司天之

九部及帝之囿時有獸焉其狀如羊而四角名曰土蠻是食人有鳥焉其狀如蜂大如鴛鴦名曰欽原蟲

鳥獸則死蟲木則枯有鳥焉其名曰鶉鳥是司帝之百服有木焉其狀如棠黃華赤實其味如李而無核

名曰沙棠可以禦水食之使人不溺有草焉名曰蘆草其狀如葵其味如葱食之已勞

〔圖讚〕安得沙棠制

〔遙然遐遊聊以道〕任波去俗

海內崑崙之墟在西北帝之下都崑崙之墟方八百里高萬仞上有木禾長五尋大五

圍而有九井以玉爲檻而有九門門有開明獸守之百神之所在在八隅之巖赤水之際非仁羿莫能上岡之巖崑崙南淵深三百仞開明獸身大類虎而九首皆人面東嚮立崑崙上開明西有鳳凰鸞鳥皆戴

蛇踐蛇膺有赤蛇。開明北有視肉珠樹文玉樹。珥琪樹不死樹。鳳凰鸞鳥皆戴噉。又有離朱木禾柏樹。甘水聖木曼兌。一曰挺木牙交。開明東有巫彭巫抵巫陽巫履巫凡。巫相夾窻窳之尸。皆操不死之藥以距之。窻窳者蛇身人面貳負臣所殺也。服常樹其上有三頭人。伺琅玕樹。開明南有樹烏六首蛟蝮蛇雌豹烏秩樹於表池。樹木誦烏鵲視肉。圖讀崑崙之湯。鴻臚之阿。爰有嘉穀。號曰木禾。匪植匪藝。自然靈播。文地。請藥西姥。不死之樹。壽藏天人生如寄。不<sub>死</sub>之樹。壽藏天。崑崙之丘。有神人面虎身。有文有尾。皆白處之。其下有弱水之淵環之。其外有炎火之山。投物輒然。有人戴勝虎齒。有豹尾穴處。名曰西王母。此山萬物盡有。圖讀天帝之女。蓬髮虎顏。玉珥琪方以類叢。翠葉倚萎。丹柯玲瓏。玉光爭煥。彩艷火龍。萬物暫見。文事難以。西王母梯几而戴勝杖。其南有三青鳥爲西王母取食。在崑崙虛北。有沃之國。沃民是處。沃之具言。野鳳鳥之卵是食。甘露是飲。凡其所欲。其味盡存。爰有甘華。甘祖。白柳。視肉。三驩。璇瑰。瑤碧。白木。琅玕。白丹。青丹。多銀鐵。鸞鳥自歌。鳳鳥自舞。爰有百獸。相羣爰處。是謂沃之野。有三青鳥。赤首黑目。一名曰大鸞。一名少鸞。一名曰青鳥。積石之山。其下有石門。河水冒以西流。是山也。萬物莫不有焉。天山多金玉。有神焉。其狀如黃囊。赤如丹火。六足四翼。渾敦無面目。是識歌舞。實惟帝江也。圖讀實則混沌。神則旁通。自然發照。聽不以囁。強爲之。名曰惟帝江。泐山。神蓐收居之。其上多嬰短之玉。其陽多瑾瑜之玉。其陰多青雄黃。是山也。西望日之所入。其氣員。神紅光之所司也。青要之山。實惟帝之密都。北望河曲。是多駕鳥。南望蟬渚。禹父之所化。是多僕蠶蒲盧。魁武羅司之。其狀人面而豹文。小腰而白齒。而穿耳以鑄。其鳴如鳴玉。是山也。宜女子。畛水出焉。

而北流注于河。其中有鳥焉。名曰鶠。其狀如鳩。青身而朱目赤尾。食之宜子。有草焉。其狀如葢而方莖。黃華赤實。其本如蘿。本名曰荀草。服之美人色。〔圖讚〕鶠鳥似鳩。翠羽朱目。既麗其形。亦奇其肉。婦女是食。子孫繁育。〔圖讚〕荀草赤實。厥狀如管。婦人服之。練色易顏。夏姬是艷。三遷。〔圖讚〕厥媚洞庭之山。其上多黃金。其下多銀鐵。其木多粗梨橘櫟。其草多葢蘿蕪芍藥。芎藭。帝之二女居之。是常遊于江淵。澧沅之風交瀟湘之淵。是在九江之間。出入必以飄風暴雨。是多怪神。狀如人而載蛇。左手操蛇。多怪鳥。〔圖讚〕厥苞橘櫟。奇者維甘。朱實金鮮。葉蒨翠藍。靈均是詠。以爲美談。帝之二女。爰宅洞庭。游化五江。惚恍窈冥。號曰夫人。是維湘靈。豐山有獸焉。其狀如蟻。亦目赤喙黃身。名曰雍和。見則國有大恐。神耕父處之。常遊清冷之淵。出入有光。見則其國爲敗。有九鐘焉。是知霜鳴。其上多金。其下多穀柞杻檣。〔圖讚〕清冷之淵。在乎山頂。耕父是遊。流光灑景。黔首祀禦。以弭災眚。是謂吉量。豐山有獸焉。其狀如蟻。亦目赤喙黃身。名曰吉量。乘之壽千歲。〔圖讚〕金睛朱痏。龍行駿時。拾節鴻鷺。湯塵不及起。是謂吉量。釋聖牖里。有女和月母之國。有人名曰鳧。北方曰鳧來之風。曰惔。是處東極隅。以止日月。使無相間。出沒司其短長。林氏國有珍獸。大若虎。五彩畢具。尾長於身。名曰驕吾。乘之日行千里。〔圖讚〕怪獸五彩。尾參於身。矯足千里。一條急若神。是謂驕虞。詩歎其仁。巴蛇食象。三歲而出其骨。君子服之。無心腹之疾。其爲蛇。青黃赤黑。一曰黑蛇青首。〔圖讚〕象貳巨獸。有蛇吞之。越出其骨。三年爲期。厥大如何。屈生是疑。有木。其狀如牛。引之有皮。若纓。黃蛇其纓如羅。其實如蠻。其木如蘆。其名曰建木。〔圖讚〕爰有建木。黃實紫柯。皮如蛇纓。葉有素蘿。絕蔭弱水。義人則過。○山海經所

有怪物。太史公以爲不經。不敢言之。然其書奇古。上世遺文。略有數則。以備一家。○《漢書》山海經十三篇。

【說文】昔禹收九牧之金鑄鼎荆山之下入山林川澤螭魅魍魎莫能逢之以協承天休。

【漢書】禹收九牧之金鑄九鼎象九州皆嘗齋享上帝鬼神其空足曰鬲以象三德饗承天祐。

〔史記〕禹收九牧之金。

鑄九鼎。皆皆烹鷩。〔拾遺記〕禹鑄九鼎。五者以應陽法。四者以象陰數。使工師以雌金爲陰鼎。以雄金爲陽鼎。鼎中常滿。以占氣象之休否。當夏桀之世。鼎水忽沸。及周將沒。九鼎咸震。皆應滅亡之兆。後世聖人。因禹之迹。代代鑄鼎焉。〔墨子〕夏后開使蜚廉析金於山。而陶鑄之於昆吾。是使翁雞雉乙卜於白若之龜。曰。鼎成三足而方。不仄而自立。不舉而自藏。不遷而自行。以祭於昆吾之墟上。乙又言兆之繇曰。鑄矣。逢逢白雲。一南一北。一西一東。九鼎既成而謀。豈能知數百歲之後哉。而鬼神知之。是故曰。鬼神之明。智於聖人也。猶聰耳明目之與聾瞽也。○晉傳皆言禹鑄九鼎。墨子云。夏后開。開即啓也。前編因之。亦好奇之過。

【書】肇十有二州封十有二山濬川。○前編。在堯八十一載。堯別九州。舜爲十二。〔博物志〕

帝堯在位。萬邦時雍。越六十載。而有洪水之患。此天行之運。抑聖人不能違乎。帝用憂之。命鯀俾乂。九年載無成。於是舉舜輔治。舜乃殛鯀於羽山。是始命禹治水。纘成厥功。爰暨益稷。焚山澤。導河濟。決江淮。濬畎澠。治溝洫。定田賦。八年而奏績。地平天成。四海艾安。功施於三代。世稱堯有九年之水。其當湯湯之間。鯀之所經營。捍禦者。非盡無功。但不能成功耳。方僉之舉鯀也。方命圮族。帝固明知之。但是時舜禹未升。諸臣之才。未有如鯀者。故命之以欽而遣之。鯀若能用帝之欽。而濟之以才。水患之平。何必九

戴夫惟自恃其才。違棄帝命。功既有緒。自任益專。咈戾衆議。訖潰於成。此其所以敗也。故鯀之治水也。障之禹之治水也。導之。障之。則墮高堙庳。不知幾費民力。非不暫愈。及有潰決。爲患滋深。禹則順而導之。因水之性。相地之宜。濬之以利其流。分之以殺其勢。注海注江。行所無事。而功成矣。是鯀之敗。專與水爭地。禹之成。能以地讓水。其事正相反也。然則何以謂之修鯀之功。方當泛濫之時。鯀務多爲隄防。以堙之。水性逆。故其患不息。禹導水由地中行。向鯀所爲隄防以障水者。皆可用之以輔水。事固有因敗以爲功者。存乎其人之善用耳。寧獨治水哉。禹不惟克勤于邦。功濟天下。且以蓋前人之愆。其大孝尤不可及也已。其始也。乘四載。隨山刊木。焚歐鳥獸。且以相度大勢。知水患所由起。則與益共其事。然後酌其緩急。因其高下。首自冀都。次及堦青。而終於梁雍。決川以距海。濬畎澗以距川。播奏艱食。則與稷共其事。禹惟以不矜不伐之德。孜孜勤勞。三聖協心。用襄厥成。八年之内。不但疏滄決排而已。盡疆制井。任土作貢。分封胙土。弼五服以至五千。聲教訖於四海。八年而垂萬世之功。故曰。禹之明德遠矣。功成於唐虞之際。而禹貢一篇。則夏史之所追書也。敍爲夏書之首。所以昭王業所由起。於斯義有竊取焉。至如山海志怪。太史公所不敢言。然諸子類多稱述。後世所有奇詭靈異。往往指爲禹蹟。號曰神禹。豈有由乎。

# 繹史卷十二

## 三代第二

夏禹受禪后啓附

【吳越春秋】堯曰：「俞以固冀於此，乃號禹曰伯禹。」官曰司空，賜姓姒氏，統領州伯，以巡十二部。堯崩，禹服三年之喪，如喪考妣，晝哭夜泣，氣不屬。舜薦大禹，改官司徒，內輔虞位，外行九伯。

【史記】於是天下皆宗禹之明度數聲樂，爲山川神主。〔河圖經拒記〕帝告禹曰：予告汝九術五勝之背，可以克之。汝能從之，師徒其興。

【尚書大傳】維五祀，奏鐘石，論人聲，乃及鳥獸，咸變於前。秋養耆老，春食孤子，乃淳然招樂，興於大麓之野，報事還歸。二年，謙然乃作大唐之歌，歌者三年，昭然乃知乎王世明有不世之義，招爲賓客，而雍爲主人。始奏肆夏，納以孝成，舜爲賓客，而禹爲主人。樂正進贊曰：「尚考大室之義，唐爲虞賓，至今衍于四海。成禹之變，垂于萬世之後。」帝乃倡之曰：「卿雲爛兮，禮縵縵兮。日月光華，旦復旦兮。八伯咸進稽首曰：「明明上天，爛然星陳。日月光華，弘于一人。」帝乃載歌曰：「日月有常，星辰有行，四時順經，萬姓允誠。」於予論樂配天之靈，遷于賢善，莫不咸聽，鬱乎鼓之，軒乎舞之。菁華已竭，褰裳去之。於是八風循通，卿雲叢聚，蟠龍憤信於其藏，蛟龍躍躍於其淵，龜龍咸出於其穴，遷虞而事夏也。○玉梅引·〔宋符瑞志〕舜在位十有四年，奏鐘石笙筦，未罷而天大雷雨，疾風發屋拔木，桴鼓播地。

禹鑄磬亂行。舞人頓伏。樂正狂走。舜乃擁簮持衡而笑曰。明哉。夫天下非一人之天下也。亦乃見於鐘石笙匏乎。乃薦禹於天。使行天子事。於時和氣普應。慶雲興焉。若烟非烟。若雲非雲。郁郁紛紛。蕭索輪囷。百工相和。而歌慶雲。舜乃設壇於河。依堯故事。至於下民。榮光休氣至。黃龍負圖。長三十二尺。廣九尺。出於壇畔。赤文綠錯。其文言當禪禹。○宋志所載慶雲之歌。與大傳同。

【書】曰若稽古大禹。曰文命敷于四海。祇承于帝。曰后克艱厥后臣。克艱厥臣政乃乂。黎民敏德。帝曰俞。允若茲。嘉言罔攸伏。野無遺賢。萬邦咸寧。稽于衆。舍己從人。不虐無告。不廢困窮。惟帝時克。益曰都。帝德廣運。乃聖乃神。乃武乃文。皇天眷命。奄有四海。爲天下君。禹曰惠迪吉。從逆凶。惟影響益曰吁。戒哉。儆戒無虞。罔失法度。罔遊于逸。罔淫于樂。任賢勿貳。去邪勿疑。疑謀勿成。百志惟熙。罔違道以干百姓之譽。罔嘒百姓以從己之欲。無怠無荒。四夷來王。禹曰於帝念哉。德惟善政。政在養民。水火金木土穀。惟修正德。利用厚生。惟和九功。惟敍九敍。惟歌戒之用。休董之用。威勸之以九歌。俾勿壞。帝曰俞。地平天成。六府三事尤治。萬世永賴。時乃功。帝曰格汝禹。朕宅帝位三十有三載。耄期倦于勤。汝惟不怠。總朕師。禹曰朕德罔克。民不依。臯陶邁種德。德乃降。黎民懷之。帝念哉。念茲在茲。釋茲在茲。名言茲在茲。允出茲在茲。惟帝念功。帝曰臯陶。惟茲臣庶。罔或干予正。汝作士。明于五刑。以弼五教。期于予治。刑期于無刑。民協于中。時乃功懋哉。臯陶曰。帝德罔愆。臨下以簡。御衆以寬。罰弗及嗣。賞延于世。宥過無大刑。故無小罪。疑惟輕。功疑惟重。與其殺不辜。寧失不經。好生之德。治于民心。茲用不犯于有司。帝曰。俾予從欲以治。四方風動。惟乃之休。帝曰來。禹涤水儆予。成允成功。惟汝賢。克勤于邦。克儉于家。不自滿假。惟汝賢。汝惟不矜。天下莫

與汝爭能。汝惟不伐。天下莫與汝爭功。予懋乃德。嘉乃丕績。天之曆數在汝躬。汝終陟元后。人心惟危。道心惟微。惟精惟一。允執厥中。無稽之言勿聽。弗詢之謀勿庸。可愛非君。可畏非民。衆非元后。何戴后非衆罔。與守邦。欽哉。慎乃有位。敬修其可願。四海困窮。天祿永終。惟口出好興戎。朕言不再。禹曰。枚卜功臣。惟吉之從。帝曰。禹官占。惟先蔽志。昆命于元。龜朕志先定。詢謀僉同。鬼神其依。龜筮協從。卜不習吉。禹拜稽首。固辭。帝曰。毋惟汝諧。正月朔旦。受命于神宗。率百官若帝之初。

【尚書大傳】維王后元祀。帝令大禹步于上帝。維時洪祀六沴。用咎于下。是用知不畏。而神之怒。若六沴作見。若是共禦。帝用不差。神則不怒。五福乃降。用章于下。若六沴作見。若不共禦。六伐既侵。六極其下。禹乃共辟厥德。受命休令。爰用五事。建用王極長事。一曰貌。貌之不恭。是謂不肅。厥咎狂。厥罰常雨。厥極惡。時則有服妖。龜孽雞禍。下體生於上之癟。青眚青祥。維金沴木。次二事。曰言。言之不從。是謂不乂。厥咎僭。厥罰常陽。厥極憂。時則有詩妖。介蟲之孽。犬禍。口舌之癟。白眚白祥。維木沴金。次三事。曰視。視之不明。是謂不憲。厥咎荼。厥罰常燠。厥極疾。時則有草妖。倮蟲之孽。羊禍。目癟。赤眚赤祥。維水沴火。次四事。曰聽。聽之不聰。是謂不謀。厥咎急。厥罰常寒。厥極貧。時則有鼓妖。豕禍。耳癟。黑眚黑祥。維火沴木。次五事。曰思心。思心之不容。是謂不聖。厥咎霑。厥罰常風。厥極凶。短折。時則有脂夜之妖。華孽牛禍。心腹之癟。黃眚黃祥。金木水火沴土。王之不極。是謂不建。厥咎霑。厥罰常陰。厥極弱。時則有射妖。蛇蟲之孽。馬禍。下人伐上之

禍。日月亂行。星辰逆行。維五位復建辟厥沴。曰二月三月。維貌是司。四五月視。六七月言。八九月聽。十一月思心。十二月與正月王極。凡六沴之作。歲月日之朝。則王后受之。歲月日之中。則正卿受之。歲月日之夕。則庶民受之。其二辰以次相將。其次受星辰莫同。是離逢非沴。維鮮之功。禦貌於喬忿。言於訖衆。視於忽似。聽於恍攸。思心於有尤。王極於宗始。以其月從其禮祭之。參乃從其祀禮曰格祀。曰某也方祀。曰播國率相行祀。其祀也。曰若爾神靈洪祀。六沴是合。無差無傾。無有不正。若民有不敬事。則會批之。六沴六事之機。以垂示我。我民人無敢不敬事。上下王祀。○玉海引。容。當爲睿。鄭氏曰。王。謂禹也。禹始居攝君之年也。〔宋符瑞志〕洛出龜書六十五字。是爲洪範。此謂洛出書者也。○邵子  
謂世。是年。復九州。

【書】帝曰。咨禹。惟時有苗弗率。汝徂征。禹乃會羣后。誓于師。曰。濟濟有衆。咸聽朕命。蠢茲有苗。昏迷不恭。侮慢自賢。反道敗德。君子在野。小人在位。民棄不保。天降之咎。肆予以爾衆士。奉辭伐罪。爾尙一乃心力。其克有勳。三旬苗民逆命。益贊于禹。曰。惟德動天。無遠弗屆。滿招損。謙受益。時乃天道。帝初于歷山。往于田。日號泣于昊天。于父母負罪引慝。祇載見瞽瞍。夔夔齊慄。瞽亦允若。至誠感神。矧茲有苗。禹拜昌言。曰。俞。班師振旅。帝乃誕敷文德。舞干羽于兩階。七旬有苗。格。○前編。征有苗。在舜三十五載。

【韓詩外傳】當舜之時。有苗不服。其不服者衡山在南。岐山在北。右洞庭之陂。左彭澤之水。由此險也。以其不服。禹請伐之。而舜不許。曰。吾喻教猶未竭也。久喻教而有苗氏請服。天下聞之。皆薄禹之義。而美舜。

之德

〔呂氏春秋〕三苗不服。禹請攻之。舜曰：「以德可也。」行德三年，而三苗服。孔子聞之，曰：「通乎德之情，則孟門太行不爲險矣。故曰：『德之速，疾乎以郵傳命。』〔隨巢子〕昔三苗大亂，天命殛之。夏后受於玄宮，有大神，人面鳥身，降而輔之。司祿益食，而民不饑。司金益富，而國家實。司命益年，而民不夭。禹乃克三苗，而神民不違。四方歸之。〔五穀變化〕民乃大振。高陽乃命玄宮禹，親把天之瑞令，以征有苗。四電誘紙，有神人面鳥身，若瑾以侍，燭矢有苗之祥。苗師大亂，后乃遂滅。禹既已克有三苗，焉廢爲山川，別物上下，嚮制大極，而神民不違。天下乃靜，則此禹之所以征有苗也。」

**【史記】**帝舜薦禹於天爲嗣。十七年而帝舜崩。三年喪畢，禹辭辟。舜之子商均於陽城。天下諸侯皆去商均而朝禹。禹於是遂卽天子位。南面朝天下。國號曰夏。后姓姒氏。〔吳越春秋〕舜崩，禪位命禹。禹服三年，形體枯槁，面目黎黑，讓位商均，退處陽山之南。陰河之北，萬民不附商均，追就禹之所，狀若驚鳥。陽天駭魚入淵，晝歌夜吟，登高號呼。曰：禹棄我，如何所戴？禹三年服畢，哀民不得已，卽天子之位。〔符子〕舜禪夏禹於洞庭之野。〔宋符瑞志〕夏道將興，草木暢茂，青龍露霧，大禹之興，黑風會紀。〔春秋演孔圖〕文命之候，玄龍御雲。〔詩含神聖〕禹踐天子位，堯子丹朱、舜子商均皆有疆土。禹之時，天先見草木，以奉先祀。服其服，禮樂如之。以客見天子，天子弗臣示，不敢專也。

**【淮南子】**夏后氏其社用松，祀戶葬牆，置翫，其樂夏籥九成，六佾六列六英，其服尚青。

**【呂氏春秋】**禹立勤勞天下，日夜不懈，通大川，決壅塞，鑿龍門，降通漻水，以導河疏三江五湖，注之東海，以利黔首。於是命臯陶作爲夏籥九成，以昭其功。〔春秋元命苞〕禹之時，民大樂其耕，聖相繼，故樂名夏。夏者，大也。禹之時，天先見草木，秋冬不殺。禹曰：木氣勝，木氣勝，故其色尚青。其事則木。

**【鬻子】**禹之治天下也，以五聲聽門，懸鐘鼓鐸磬而置韜，以得四海之士爲銘於箕庾曰：教寡人以道者。

擊鼓教寡人以義者擊鐘教寡人以事者振鐸語寡人以憂者擊磬語寡人以獄訟者揮鉞此之謂五聲是以禹嘗據一饋而七十起日中而不暇飽食曰吾猶恐四海之士留於道路是以四海之士皆至是以禹當朝廷閒也可以羅爵禹之治天下也得臯陶得杜子業得旣子得施子黯得季子寧得然子湛得輕子玉得七大夫以佐其身以治天下以天下治〔尚書中候〕文命盛德後又在官則瑞草生郊醴泉出山

【史記】帝禹立而舉臯陶薦之且授政焉而臯陶卒封臯陶之後於英六或在許而后舉益任之政

【說文】昔太嶽爲禹心呂之臣故封大呂

【淮南子】昔者夏鯀作三仞之城諸侯背之海外有狡心禹知天下之叛也乃壞城平池散財物焚甲兵施之以德海外賓服四夷納職合諸侯於塗山執玉帛者萬國〔博物志〕處士東鬼槐責禹亂天下事禹退作三章疆者攻弱者守敵戰城郭蓋禹始也

【新書】大禹之治天下也諸侯萬人而禹一皆知其體故大禹豈能一見而知之也豈能一聞而識之也諸侯朝會而禹親服之故是以禹一皆知其國也其士月朝而禹親見之故是以禹一皆知其體也然且大禹其猶大恐諸侯會則問於諸侯曰諸侯以寡人爲驕乎朔日士朝則問於士曰諸大夫以寡人爲汰乎其聞寡人之驕之汰邪而不以語寡人者此教寡人之殘道也滅天下之教也故寡人之所怨於人者莫大於此也〔帝王世紀〕禹納禮賢人一沐三握髮一食三起

【荀子】禹見耕者耦立而式過十室之邑必下

**【說苑】**禹出見罪人下車問而泣之。左右曰：「夫罪人不順道故使然焉。君王何爲痛之至於此也？」禹曰：「堯舜之人皆以堯舜之心爲心。今寡人爲君也。百姓各自以其心爲心。是以痛之也。」而哭。益曰：斯人犯法。自合如此。哭之何也。禹曰：天下有道。民不罹辜。天下無道。罪及善人。吾聞一男不耕。受其饑。一女不桑。有受其寒。吾爲帝統治水土。調民安居。使得其所。今乃罹法如斯。此吾德薄。不能化民證也。故哭之悲也。○此言哭罪人

在治水時。與說苑異。梧而見紳人。禹拊其背。謂之曰：斯人犯法。自合如此。哭之何也。禹曰：天下有道。民不罹辜。天下無道。罪及善人。吾聞一男不耕。受其饑。一女不桑。有受其寒。吾爲帝統治水土。調民安居。使得其所。今乃罹法如斯。此吾德薄。不能化民證也。故哭之悲也。

**【莊子】**堯治天下。伯成子高立爲諸侯。堯授舜。舜授禹。伯成子高辭爲諸侯。堯授舜。舜授予。吾子辭爲諸侯。而耕。敢問其故何也。子高曰：昔堯治天下。不賞而民勸。不罰而民畏。今子賞罰而民且不仁。德自此衰。刑自此立。後世之亂自此始矣。夫子盍行邪。無落吾事。危愧乎耕而不顧。「符子」禹讓天下於奇子。奇子曰：君言佐舜。勞矣。鑿山川。通河漢。首無髮。股無毛。故舜也。以勞報子。我生而逸。不能爲君之勞矣。○「世本」禹作宮室。禹時。儀狄始作酒醪。變五味。大禹三十七篇。傳言禹所作。○師古曰：帝古禹字。「述異記」夏禹時。天雨金三日。古詩云。安得天雨金。使金賤。如土。是也。大禹時。天雨稻。古詩云。安得天雨稻。飼我天下民。

**【吳越春秋】**三載考功。五年政定。周行天下。歸還大越。登茅山以朝四方羣臣。一示中國諸侯防風侵至。斬以示衆。示天下悉屬禹也。「博物志」穿胸國。昔禹平天下。會諸侯會稽之野。防風氏後到。殺之。夏禪之盛。二龍降之。禹使范成光御之行域外。既周而還。至南海。經防風。防風之二臣。以塗山之戮。見禹使。怒而射之。迅風雷雨。二龍昇去。二臣恐。以刃自貫其心而死。禹哀之。乃拔其刃。療以不死之草。是爲穿胸民。○「紀年」八年春。會諸侯于會稽。殺防風氏。秋八月。帝陟于會稽。

**【史記】**禹會諸侯江南計功而崩。因葬焉。命曰會稽。會稽者。會計也。

【越絕書】問天地之道，萬物之紀，莫失其本。神農嘗百草水土甘苦，黃帝造衣裳。后稷產穡，制器械，人事備矣。疇糞桑麻，播種五穀，必以手足。大越海濱之民，獨以鳥田。小大有差，進退有行，莫將自使。其故何也？曰：禹始也，憂民救水，到大越上茅山，大會計，爵有德，封有功，更名茅山曰會稽。及其王也，巡狩大越，見耆老納詩書，審銓衡，平斗斛，因病亡死葬會稽，葦柳桐棺，穿墳七尺，上無漏泄，下無即水，墳高三尺，土墻三等，延袤一畝，尚以爲居之者樂，爲之者苦，無以報民功。教民鳥田，一盛一衰，當禹之時，舜死蒼梧，象爲民田也。禹至此者亦有因矣，亦覆釜也。覆釜者，州土也。填德也。禹美而告至焉。禹知時晏歲暮，年加中酉，求書其下，祠白馬禹井，井者法也，以爲禹葬以法度，不煩人衆。〔水經注〕會稽山上有禹廟，晉大禹東巡，崩於會稽，因葬其地，鳥爲之耘，春拔草根，秋啄其穢。山東有井，深不見底。即禹穴也。

【墨子】禹東教乎九夷，道死葬會稽之山，衣衾三領，桐棺三寸，葛以纖之，絞之不合，道之不堵，土地之深，下毋及泉，上毋通吳。既葬，收餘壤，其上壘若參耕之畝。〔呂氏春秋〕禹葬于會稽，不變人徒。

【史記】夏后帝啓禹之子，其母塗山氏之女也。〔世本〕禹娶塗山氏之女，名女媧。

【吳越春秋】禹三十未娶，行到塗山，恐時之暮，失其度制，乃辭曰：吾娶也，必有應矣。乃有白狐九尾，造於禹。禹曰：白者吾之服也，其九尾者，王之證也。塗山之歌曰：綏綏白狐，九尾瘞瘞。我家嘉夷，來賓爲王，成家成室，我造彼昌。天人之際，於茲則行明矣哉！禹因娶塗山，謂之女媧。〔呂氏春秋〕禹行功，見塗山之女，禹未之遇，而巡省南土，塗山氏之女，乃令其妾

待禹於塗山之陽。女乃作歌。歌曰：「候人兮，猶實始作爲南音。周公及召公取風焉，以爲周南召南。」

【列女傳】塗山氏長女夏禹娶以爲妃。既生啓，辛壬癸甲，啓呱呱泣。禹去而治水，三過其家，不入其門。塗山獨明教訓，及啓長化其德，而從其教。卒致令名。君子謂塗山彊於教誨。〔楚辭注〕禹引治水道，娶塗山氏之女，而通夫婦之道於台桑之地。禹治水道，娶石，憂無繼嗣耳。故以辛酉日娶，甲子日去，而有啓也。塗山氏見之，懸而去。至嵩高山下，化爲石。禹曰：「歸我子。」石破北方而生啓。○荒誕。

【史記】十年，帝禹東巡狩，至于會稽，而崩。以天下授益。益讓帝禹之子啓，而辟居箕山之陽。禹子啓，賢天下屬意焉。及禹崩，雖授益，益之佐禹日淺，天下未洽，故諸侯皆去益而朝啓。曰：「吾君帝禹之子也。」於是啓遂卽天子之位。是爲夏后帝啓。

【吳越春秋】啓卽天子之位，治國於夏，遵禹貢之美，悉九州之土，以種五穀，累歲不絕。〔紀年〕帝啓元年癸亥，大饗諸侯于鈞臺。諸侯從帝歸于冀都。〔大饗〕諸侯于堵臺。二年，費侯伯益出就國。

【史記】大戰于甘，乃召六卿。王曰：「嗟！六事之人，予誓告汝。有扈氏威侮五行，怠棄三正，天用勦絕其命。今予惟恭行天之罰，左不攻于左，汝不恭命；右不攻于右，汝不恭命；御非其馬之正，汝不恭命；用命賞于祖，不用命戮于社，予則孥戮汝。」〔書序〕啓與有扈戰于甘之野，作甘誓。

【史記】有扈氏不服，啓伐之。大戰于甘，遂滅有扈氏。天下咸朝。〔淮南子〕有扈氏爲義而亡。〔楚辭注〕禪與益，益遷啓於箕山之陽。天下皆去益而歸啓。以爲君益卒不得立。有扈氏叛啓，啓率六卿以伐之也。有扈氏本牧豎之人耳，因何逢遇而得爲諸侯乎？啓攻有扈之時，親於其牀上擊而殺之。

【呂氏春秋】夏后相與有扈戰于甘澤而不勝。六卿請復之。夏后相曰：不可。吾地不淺，吾民不寡，戰而不能期年而有扈氏服。○相宜作啓。其事亦異。

【越絕書】益於禹臣於舜。舜傳之禹薦益而封之百里。禹崩，啓立。曉知王事，達於君臣之義。益死之後，啓歲善犧牲以祠之。經曰：夏啓善犧於益，此之謂也。〔紀年〕益于啓位，啓殺之。○此好事者爲之也。〔山海經〕夏后啓之臣曰孟涂，是司神于巴人。請訟於孟涂之所，其衣有血面，面文爲星辰。背記山川日月。〔刀劍錄〕夏后啓以庚戌八年鑄一銅劍，長三尺九寸。後藏之秦望山，腹上刻二十八宿，文有背面歌九招。〔楚辭注〕九辯九歌，啓所作樂也。嘗啓能修明禹業，陳列宮商之音，備其禮樂也。○山海荒唐，此爲近正。〔紀年〕夏后開上三壤于天，得九辯與九歌以下。此天穆之野，高二千仞，開焉得十五年。武觀以西河叛。彭伯壽帥師征西河。武觀來歸。○注云：武觀卽五觀也。邾國今頓丘衛縣。○前編：后啓九歲崩。

昔者堯老，舜攝自文祖受終以後。堯無事焉。及舜卽位，三十三載，命禹總師，總師亦攝位也。既而有苗弗率，帝命徂征。干羽敷德，是舜猶行天子事也。若此者與堯異，其故何邪？曰：堯舜之禪讓，其心則同。其時勢則異也。何也？堯之禪舜，創舉也。前此未有也。舜在畎畝之中，登試任職三年，卽欲遜以帝位。舜不受，然後命之攝。方是時也，堯唯恐天下之戴舜不專，而欲天下之忘己也。唯恐其不速，故巡守賞罰諸大政，悉委之舜而已。不與焉，逮後施澤既久，堯乃殂落。若其受攝之時，則猶未久耳。舜之與禹，則同事帝堯者也。禹平水土，其施功於民最切。天下之戴禹，猶之乎戴舜以之禪授？則帝堯之前事可循矣。舜

何必遺忘百姓哉。今有人於此爲其子得一慈母而廬其子之不相依也。則己從而避之。今有人於此其子於慈母旣相依矣。猶之依己也。則己又從而顧之。是故或避或顧兩父之心一也。堯舜之子民亦一也。詎有異哉。商均之不肖。未必如朱之傲虐。嚚訟然。舜以其德不若禹。終不以天下私其子。猶復躬勤民事。南崩蒼梧。舜之不能恝然於百姓。有如此者。若夫禹益之事。則與此異矣。有夏之受命方新。嗣子之敬承又賢。天眷正殷。不可移也。而況益德未洽。禹遂以崩。天下之人。舍啓其曷歸哉。而或者曰。帝堯禪舜。其鯀不服。夏禹傳子。有扈以叛。豈當時人情狃於習見。或借以稱亂乎。然考甘誓之辭。不過數其威侮怠棄之罪。用是恭奉天討。明正賞罰。而鈞臺大饗。復有塗山之餘烈焉。恢葉承家。綿祚四百三代。守成之主。斷以夏啓爲首稱矣。



# 繹史卷十三

## 三代第三

### 少康中興

【史記】夏后帝啓崩。子帝太康立。帝太康失國。昆弟五人。須于洛汭。作五子之歌。

〔紀年〕帝太康元年癸未  
〔帝即位〕居斟鄩  
〔表〕羿入居斟鄩  
〔楚辭注〕夏王太康。不遵禹啓之樂。而更作淫聲。放縱情慾。以自娛樂。不顧患難。不謀後世。卒以失國。兄弟五人皆居於閭巷。

【書】太康尸位。以逸豫滅厥德。黎民咸貳。乃盤遊無度。畋于有洛之表。十旬弗反。有窮后羿。因民弗忍。距于河。厥弟五人。御其母以從。溪于洛之汭。五子咸怨。述大禹之戒。以作歌。其一曰。皇祖有訓。民可近。不可下。民惟邦本。本固邦寧。予視天下。愚夫愚婦。一能勝予。一人三失。怨豈在明。不見是圖。予臨兆民。懷乎若朽索之馭。六馬爲人上者。奈何不敬。其二曰。訓有之。內作色荒。外作禽荒。甘酒嗜音。峻宇雕牆。有一于此。未或不亡。其三曰。惟彼陶唐。有此冀方。今失厥道。亂其紀綱。乃底滅亡。其四曰。明明我祖。萬邦之君。有典有則。貽厥子孫。關石和鈞。王府則有。荒墜厥緒。覆宗絕祀。其五曰。嗚呼易歸。予懷之悲。萬姓仇予。予將疇依。鬱陶乎予心。顏厚有忸怩。弗慎厥德。雖悔可追。〔書序〕太康失邦。昆弟五人。須于洛汭。作五子之歌。  
〔死〕四年。帝陟。○路史云。太康在位十九歲。失政又十歲。而通鑑前編因之。

【史記】太康崩弟中康立是爲帝中康帝中康時羲和湎淫廢時亂日胤往征之作胤征

〔紀年〕帝仲康元年己丑帝卽位居

斟鄩五年秋九月庚戌朔日有食之命胤侯帥師征羲和

【書】惟仲康肇位四海胤侯命掌六師羲和廢厥職酒荒于厥邑胤侯承王命徂征告于衆曰嗟予有衆聖有謨訓明徵定保先生克謹天戒臣人克有常憲百官修輔厥后惟明明每歲孟春逾人以木鐸徇于路官師相規工執藝事以諫其或不恭邦有常刑惟時羲和顛覆厥德沈亂于酒畔官離次倣擾天紀遐棄厥司乃季秋月朔辰弗集于房瞽奏鼓嗇夫馳庶人走羲和尸厥官罔聞知昏迷于天象以干先生之誅政典曰先時者殺無赦不及時者殺無赦今予以爾有衆奉將天罰爾衆士同力王室尚弼予欽承天子威命火炎岷岡玉石俱焚天吏逸德烈于猛火殲厥渠魁脅從罔治舊染汚俗咸與惟新嗚呼威克厥愛允濟愛克厥威允罔功其爾衆士懋戒哉

〔書序〕羲和湎淫廢時亂日胤往征之作胤征〔紀年〕六年錫昆吾命作伯七年陟世子相山居商丘依鄩侯○前編仲康

〔十三歲崩經世曰相繼立依同姓諸侯斟鄩胤氏與紀年異

【後漢書】昔夏后氏太康失國四夷背叛及后相卽位乃征畎夷七年然後來賓

〔紀年〕帝相元年戊戌帝卽位居商丘征畎夷

二年征風夷黃夷七年千夷來賓〔古琴疏〕帝相元年條谷貞桐芍藥帝命羿植桐於雲和命武羅伯植芍藥於後苑武羅伯諫曰帝方崇厥德怪草奇木懼遷厥嗜宜食駕車之善馬帝不從於是作諺諫羿乃伐桐爲琴以進帝帝善之名曰條谷帝稍移於音樂不聽政事爲羿所逐居於商丘接琴作源水之歌歌曰涓涓源水不壅不塞穀既破碎庸大其幅事以敗矣乃作大息

【帝王世紀】帝羿有窮氏未聞其姓何先帝嚳以上世掌射正至嚳以彤弓素矢封之于鋤爲帝司射

歷虞夏羿學射於吉甫其臂長故以善射聞及夏之衰自鋤遷于窮石因夏民以代夏政帝相徙於商丘依同姓諸侯斟尋羿恃其善射不修民事淫於田獵棄其良臣武羅伯姻熊髡龍圉而信寒浞寒浞伯明氏之讒子伯明后以讒棄之而羿以爲已相寒浞殺羿於桃梧而烹之以食其子其子不忍食之死于窮門浞遂代夏立爲帝

〔楚辭注〕傳曰河伯化爲白龍游於水旁羿見射之眇其左目河伯上訴天帝天帝曰使汝深守神靈羿何從得罪也汝今爲蟲獸當爲人所射固其宜也羿何罪歟羿獵射封豨

以其肉膏祭天帝天帝猶不順羿之所爲羿夢與雒水神宓妃交接

〔帝王世紀〕羿與吳賀北遊賀使羿射雀羿曰生之乎殺之乎賀曰射其左目羿引弓射之誤中右目抑首而媿終身不忘

〔楚辭注〕羿因夏衰代之爲政

蒙娛樂田獵不恤民事信任寒浞使爲國相浞行媚於內施賂於外樹之誑慝而專其權勢羿田將歸使家臣逢

張衡靈憲

〔女媧也〕竊西王母不死之藥服之奔月將往枚筮之於有黃有黃占之曰吉翩翩歸妹獨將西行逢天晦芒母驚毋恐後且大昌

〔隨巢子〕奚祿山壞天賜玉玦於羿遂殘其身

以此爲福而至於禍

〔紀年〕帝相八年寒浞殺羿五年相居於斟灌

寒浞襲有窮之號因羿之室生奡及灌奡多力能陸地行舟使奡帥師滅斟灌斟尋殺夏帝相封奡於過封灌於戈恃其詐力不恤事初奡之殺帝相也妃仍氏女曰后縉歸有仍生少康初夏之貴臣曰靡事羿羿死逃於有鬲氏收斟尋二國餘燼殺寒浞立少康滅奡於過后杼

子杼帥師滅戈伯靡殺寒浞少康自縗歸于夏邑

〔楚辭注〕浞娶純狐氏女眩惑愛之遂與浞謀殺羿浞取羿妻而生澆強梁多力縱放其情不忍其欲以殺夏后相安居無憂日作淫樂忘其過惡卒爲相子少康所誅其頭顱墮而墮地澆無義淫佚其嫂往至其戶佯有所求女岐爲之縫裳於是共舍而宿止少康夜製得女岐頭以爲澆

論澆才力益衆驟其勇武而卒以亡

○按澆卽奡也

【史記】中康崩子帝相立。帝相崩子帝少康立。

○羿浞之亂。帝相被弒。夏統中絕四十年。而後少康興。史直云相崩少康立。疎略之甚。

【後漢書】夏后氏太康失德。夷人始畔。自少康已後。世服王化。遂賓于王門。獻其舞樂。〔紀年〕帝少康元年丙午。帝卽位。諸侯來朝。賓虞公。二年。方夷來賓。十八年。遷于原。二十二年。陟。〔世本〕少康作秫酒。少康作箕帶。

【吳越春秋】少康恐禹祭之絕祀。乃封其庶子於越。號曰無余。余始受封。人民山居。雖有烏田之利。租貢繢給宗廟祭祀之費。乃復隨陵陸而耕種。或逐禽鹿而給食。無余質朴。不設宮室之飾。從民居。春秋祠禹墓於會稽。

【史記】帝少康崩。子帝予立。

〔紀年〕帝杼元年己巳。帝卽位。居原。五年。自原遷于老丘。八年。征于東海。及三壽。得一狐九尾。十七年。陟。注。或作帝守。一曰伯杼。杼能帥禹者也。故

夏后氏報焉。

〔世

本〕季佇作甲。

帝予崩。子帝槐立。

〔紀年〕帝芬元年戊子。帝卽位。六年。作圜土。四十四年。陟。○前編。二十六歲。崩。

芒立。

〔紀年〕帝芒元年壬申。帝卽位。

以玄珪寶于河。

十三年。東狩于澮。獲大魚。五十八年。陟。

帝芒崩。子帝泄立。

〔紀年〕

〔後漢書〕始加爵命。由是服從。

〔紀年〕三十五年。陟。○前編。十六歲。崩。

帝泄崩。子帝不降立。

〔紀年〕

〔後漢書〕帝不降元年己亥。帝卽位。

二十年。帝不降。

三十一年。帝不降。

〔紀年〕

惟不降實。帝不降崩。弟帝局立。

〔紀年〕帝局元年戊戌。帝卽位。

十八年。陟。○前編。二十一歲。崩。

帝局崩。子帝屢立。

〔紀年〕帝屢元年己未。帝卽位。

出。其年。陟。

○前編。二十一歲。崩。

帝屢崩。立帝不降之子孔甲。是爲帝孔甲。

羿浞之亂。史不具載。故少康之中興。夏紀泯闕。猶幸傳記所稱可得而述焉。太康之失國。或曰元年。或

曰十有九年。五子作歌。唯哀宗社之不保。痛故府之淪亡。歸責於君。而無忿羿之辭者。以爲棄國違民。

亂由上作於羿何尤是可謂忠厚和平怨而不怒者哉舊都雖失天命未改自河以南猶夏之天下也故太康越在南服尙能立國斟尋以傳仲康仲康卽五子之一也向者追述祖訓引君罪已是宜爲君哉書稱肇位四海則自冀方一區外靡不來享來王矣胤侯命掌六師則八柄九伐鮮不操自一人矣義和顛覆沈湎放羿之德以爲德棄司脅從乘羿之亂以爲亂且國遷以來王命所墾止有羿耳義和守天官而廢時棄職將令正朔不頌於天子諸侯不稟於王朝失統亂紀端自此始故出師致討必明正其罪而保邑拒命猶其細焉者矣羿未可驟圖先圖其類羿者自此威克允濟元老壯猶功業未可量也享年不永志弗克終帝相嗣之亦能討伐畎夷七年致其來賓然有窮內亂未聞過而問焉豈其師老外攘東略則西否而治羿反疎乎寒浞奮其詐力二子濟惡於是滅二斟弑帝相夏后之統至是遂中絕焉少康以先君遺腹之子在襁褓之中有夏孤臣靡託身於鬲蓋未嘗一日忘夏也經營謀慮以至四十年之久終能滅賊立君復禹之績歷艱厄而不渝瀕死亡而不悔誠有夏之貞臣矣而少康實當元凶竊國澆殼彊梁之日乃能戒備奔逃保身除害依帝舜之哲胤一成一族卒用以興豈非聞出之英辟哉後世若安史之繼亂唐帝猶存新莽之移祚漢宗尙盛未有年歷四紀社稷爲墟一君一臣崎嶇險阻之間以開創爲中興如是其光顯也離騷曰羿淫遊以佚田兮又好射夫封狐國亂流其鮮終兮浞又貪夫厥家虞人之箴曰在帝夷羿冒于原獸亡其國恤而思其鹿牡此羿之所以亡也離

騷又曰澆身被於強圉夸縱欲殺而不忍日康娛以自忘兮厥首用夫顛隕此浞之所以敗也彼二凶以淫欲絕世少康以困窮復國不有廢也其何以興有伯靡以爲臣有季杼以爲子有仍鬲斟虞先後以爲輔佐撫黎賢於播越收餘燼之既亡禹之明德遠矣夏后之澤未宜殄滅然岌岌乎絕而後續顛而後起少康之功業所由不可及哉

# 繹史卷十四

## 三代第四

### 商湯滅夏

**【史記】**殷契母曰簡狄。有娀氏之女爲帝嚳次妃。三人行浴。見玄鳥墮其卵。簡狄取吞之。因孕生契。〔列傳〕簡女史考。契生堯世。舜始舉之。以其父微。故不著名。其母娀氏女。與宗婦三人浴于川。玄鳥遺卵。簡狄吞之。則簡狄非帝嚳次妃明也。

**【呂氏春秋】**有娀氏有二佚女。爲之九成之臺。飲食必以鼓。帝令燕往視之。鳴若謐隘。二女愛而爭搏之。覆以玉筐。少選發而視之。燕遺二卵。北飛。遂不反。二女作歌一終。曰：燕燕往飛。實始作爲北音。〔拾遺記〕南神女簡狄。遊於桑野。見黑鳥遺卵於地。有五色文。作八百字。簡狄拾之。貯以玉筐。覆以朱紱。夜夢神母謂之曰。爾懷此卵。卽生聖子。以繼金德。狄乃懷卵。一年而有娠。經十四月而生契。祚以八百。叶卵之文也。雖遭旱厄。後嗣興焉。〔宋書符瑞志〕高辛氏之世。妃曰簡狄。以春分玄鳥至之日。從帝祀郊廟。有玄鳥銜卵而墜之。簡狄得而吞之。遂孕。剖而生契。

**【史記】**契長而佐禹治水。有功。帝舜乃命契曰：百姓不親。五品不訓。汝爲司徒。而敬敷五教。五教在寬。封於商。賜姓子氏。契興於唐虞。大禹之際。功業著於百姓。百姓以平。〔論衡〕高母吞燕卵而生高。故殷姓曰子。

**【詩】**濬哲維商。長發其祥。洪水茫茫。禹敷下土。方外大國是疆。幅隕旣長。有娀方將。帝立子生商。玄王桓

撥受小國是達受大國是達率履不越遂視既發相土烈烈海外有截

長發二章

**【史記】**契卒子昭明立。〔世本〕昭明居砥石。昭明卒子相土立。作乘馬。相土卒子昌若立。昌若卒子曹圉立。曹圉死。殷人祖契而郊冥也。冥卒子振立。振卒子微立。〔紀年〕殷王子亥寶于有易。而淫焉。有易之君綿於獸方食之。名曰搖民。〔孔叢子〕書曰。維高宗報上甲微定公問曰。此何謂也。孔子對曰。此謂親盡廟毀。有功而不及祖。有德而不及宗。故於每歲之大嘗而報祭焉。所以昭其功德也。其母以甲日生故也。商家生子以日爲名。蓋自微始。〔白虎通〕殷道尚質。故直以生日名子。微卒子報丁立。報

丁卒子報乙立。報乙卒子報丙立。報丙卒子主壬立。主壬卒子主癸立。

**【帝王世紀】**主癸之妃曰扶都。見白氣貫月。意感以乙日生湯。故名履。字天乙。是謂成湯。豐下銳上。哲而有鬚。倨身而揚聲。長九尺。臂四肘。〔洛書〕黑帝子湯長八尺一寸。珠庭。〔春秋元命苞〕湯臂四肘。是謂神剛。象月推移。以綏四方。〔白虎通〕湯臂三肘。是謂柳翼。攘去不義。萬民蕃息。

**〔尚書大傳〕**湯半體枯。湯母感狼星之精。又感黑龍而成。

**【史記】**帝孔甲立。好方鬼神。事淫亂。夏后氏德衰。諸侯畔之。天降龍二。有雌雄。孔甲不能食。未得豢龍氏。陶唐既衰。其後有劉累。學擾龍于豢龍氏。以事孔甲。孔甲賜之姓曰御龍氏。受豕韋之後。龍一雌死。以食夏后。夏后使求。懼而遷去。

**【呂氏春秋】**夏后氏孔甲。田於東陽蕡山。天大風晦盲。孔甲迷惑。入於民室。主人方乳。或曰。後來見良日也。之子是必大吉。或曰。不勝也。之子是必有殃。后乃取其子以歸。曰。以爲余子誰敢殃之。子長成人。幕動。

拆掠斧，斫斬其足，遂爲守門者。孔甲曰：嗚呼有疾命矣夫，乃作爲破斧之歌，實始爲東音。

〔刀劍錄〕孔甲九年歲次甲辰九

採牛首山鐵鑄一劍，銘曰夾。古文篆書，長四尺一寸。  
甲龍師孔甲不能順其意，殺而埋之外野。一旦風雨迎之，訖則山木皆焚。孔甲祠而禱之，還而道死。

**【史記】**孔甲崩，子帝皋立。○紀年作帝昊

〔紀年〕后發即位元年

帝皋崩，子帝發立。〔紀年〕夷賓于王門，諸夷入舞

帝發崩，子帝履癸立。

是爲桀。

帝桀之時，自孔甲以來，而諸侯多畔。夏桀不務德而武傷百姓，百姓弗堪。

〔淮南子〕桀之力制駱仲鈎，金椎移大犧，水殺鼉鼴，陸捕熊羆。

〔帝王世紀〕帝桀淫虐，有才力，手能搏虎。

**【列女傳】**末喜者，夏桀之妃也。美於色，薄於德，亂擊無道。女子行丈夫心，佩劍帶冠。桀旣棄禮義，淫於婦人，求美女，積之於後宮。收倡優侏儒狎徒，能爲奇偉戲者，聚之於旁。造爛漫之樂，日夜與末喜及宮女飲酒，無有休時。置末喜於膝上，聽用其言，爲酒池，可以運舟。一鼓而牛飲者三千人，騎其頭而飲之於酒池。醉而溺死者，未喜笑之以爲樂。造瓊臺瑤室，以臨雲雨，殫財盡幣，意尚不饜。○國語云：桀伐有施，有施人以蒙山之國，而得妹喜。

〔河圖始開圖〕孔甲見蓬氏抱小女妹喜，說之，以爲太子履癸妃。〔帝王世紀〕妹喜好聞製絪之聲，爲發緝裂之，以順適其意。以人駕車，肉山脯林，以酒爲池。一鼓而牛飲者三千人，醉而溺水，以虎入市，而視其驚。

〔紀年〕后桀命扁伐岷山，岷山女於桀二人，曰琬，曰琰。后愛二女，無子焉，斲其名菩華之玉，菩是琬，華是琰。而棄其元妃於洛，曰妹嬉氏，以與伊尹交，遂以夏亡。

○據此則元妃妹嬉非桀所寵。

〔尸子〕桀紂欲長樂以苦百姓，珍怪遠味，必南海之薑，北海之鹽，西海之菁，東海之鯨，禍天。

下厚矣。

〔纏子〕桀爲天下酒濁而殺廚人。

〔博物志〕桀作五屋。

**【史記】**主癸卒，子天乙立，是爲成湯。成湯自契至湯八遷。湯始居毫，從先王居，作帝誥。〔書序〕自契至于成湯

從先王居，作帝告釐

沃。○二篇俱亡。湯征諸侯，葛伯不祀。湯始伐之。湯曰：予有言。人視水見形，視民知治。不伊尹曰明哉。

言能聽道乃進君國子民爲善者皆在王官勉哉勉哉湯曰汝不能敬命予大罰殛之無有攸赦作湯征。  
〔書序〕湯征諸侯葛伯不祀湯始征之。作湯征。○篇亡。○史敍湯征葛伯。在用伊尹之前。然已載伊尹之言矣。金仁山云。史載湯征之辭不類。蓋非湯征之舊也。孟子引毫衆往耕之事。疑出此書。

【越絕書】湯行仁義敬鬼神天下皆一心歸之當是時荆伯未從也湯於是乃飾犧牛以事荆伯乃媿然

曰失事聖人禮乃委其誠心此謂湯獻牛荆之伯也。

○此復似事葛事。

【史記】伊尹名阿衡。阿衡欲干湯而無由。乃爲有莘氏媵臣。負鼎俎以滋味說湯致于王道。○伊尹名摯。阿衡者。其官也。史說誤。〔呂氏春秋〕有侁氏女子採桑。得嬰兒於空桑之中。獻之其君。其君令婦人養之。察其所以然。曰。其母居伊水之上。孕。夢有神告之曰。臼出水而東走。毋顧。明日。視臼出水。告其鄰。東走十里。而顧其邑。盡爲水。身因化爲空桑。故名之曰伊尹。此伊尹生空桑之故也。長而賢。湯聞伊尹。使人請之。有侁氏。有侁氏不可。伊尹亦欲歸湯。於是請取婦爲婚。有侁氏喜。以伊尹爲媵送女。〔楚辭注〕湯東巡狩。至有莘國。以爲婚姻。從有莘氏乞得伊尹。因得吉善之妃。以爲內輔也。〔墨子〕伊尹爲莘氏女師僕。使爲庖人。湯得而舉之。立爲三公。〔列女傳〕有莘之妃湯也。統領九嫔。後宮有序。咸無妒媚。通理之人。卒致王功。〔荀子〕伊尹之狀。面無須麋。

【帝王世紀】湯思賢夢見有人負鼎抗俎對己而笑寤而占曰。鼎爲和味俎者割截天下。豈有人爲我宰者哉。初力牧之後曰伊摯。耕於有莘之野。湯聞以幣聘。有莘之君留而不進。湯乃求婚於有莘之君。遂嫁女於湯。以摯爲媵臣。至毫。乃負鼎抱俎見湯也。

【新語】伊尹負鼎屈於有莘之野。修達德於草廬之下。躬親農夫之作。意懷帝王之道。身在衡門之裏。志圖八極之表。故釋負鼎之志爲天子之佐。

【韓非子】上古有湯至聖也。伊尹至智也。夫至智說至聖。然且七十說而不受。身執鼎俎爲庖宰。昵近親

習而湯乃僅知其賢而用之。〔楚辭注〕湯初奉伊尹以爲凡臣耳。後知其賢，乃以備輔翼承疑。用其謀也。〔鶴冠子〕伊尹酒保立爲世師。

【呂氏春秋】湯得伊尹，祓之於廟，燭以燿火，釁以犧牲，明日設朝而見之，說湯以至味。湯曰：可。對而爲乎。對曰：君之國小，不足以具之。爲天子然後可。具夫三羣之蟲，水居者腥，肉玃者臊，草食者羶。臭惡猶美，皆有所以。凡味之本，水最爲始。五味三材，九沸九變。火爲之紀，時疾時徐。減腥去臊除羶，必以其勝，無失其理。調和之事，必以甘酸苦辛鹹。先後多少，其齊甚微。皆有自起，鼎中之變，精妙微纖，口弗能言，志弗能喻。若射御之微，陰陽之化，四時之數，故久而不弊，熟而不爛，甘而不嗰，酸而不酷，鹹而不減，辛而不烈，澹而不薄，肥而不膩。肉之美者，猩猩之唇，燭燭之炙，雋鱠之翠，述蕩之擧，旄象之約，流沙之西，丹山之南，有鳳之丸，沃民所食。魚之美者，洞庭之鱈，東海之鯀，醴水之魚，名曰朱鼈，六足有珠，百碧，蒼水之魚，名曰鯀，其狀若鯉而有翼，常從西海夜飛遊於東海。菜之美者，崑崙之蘋，壽木之華，指姑之東，中容之國，有赤木，玄木之葉焉，餘瞀之南，南極之崖，有菜，其名曰嘉樹，其色若碧，陽華之芸，雲夢之芹，具區之菁，浸淵之草，名曰土英。和之美者，陽樸之薑，招搖之桂，越駱之菌，鰐鮪之醢，大夏之鹽，宰揭之露，其色如玉，長澤之卵，飯之美者，玄山之禾，不周之粟，陽山之穄，南海之秬，水之美者，三危之露，崑崙之井，沮江之丘，名曰搖水，曰山之水，高泉之山，其上有湧泉焉，冀州之原，果之美者，沙棠之實，常山之北，投淵之上，有百果焉，羣帝所食，箕山之東，青島之所有，甘櫨焉，江浦之橘，雲夢之柚，漢上石耳，所以致之，馬之美者，青龍之匹，遺風之

乘非先爲天子不可得而具。天子不可彊爲必先知道道者止彼在己。己成而天子成。天子成則至味具。故審近所以知遠也。成己所以成人也。聖王之道要矣。豈越越多業哉。○先設珍異。而曲終奏雅。〔楚辭注〕以事於湯。湯賢之。遂以爲相。伊尹始仕。因緣烹鵠鳥之羹。修飾玉鼎。伊尹負鼎佩刀。以干湯。得意。故尊宰舍。〔魯連子〕

【史記】或曰。伊尹處士。湯使人聘迎之。五反然後肯往。從湯言素王及九主之事。湯舉任以國政。〔楚辭注〕湯出鵠風俗。乃憂下民。博選於衆。而逢伊尹。舉以爲相。〔宋書符瑞志〕伊摯將應湯命。夢乘船過日月之旁。〔劉向別錄〕九主者。有法君。專君。授君。勞君。等君。等君。破君。國君。三歲社君。凡九品。圖畫其形。○索隱曰。九主名稱甚奇。不知所據耳。〔易坤〕靈圖。湯臣伊尹振烏陵。

【墨子】湯將往見伊尹。令彭氏之子御。彭氏之子半道而問曰。君將何之。湯曰。將往見伊尹。彭氏之子曰。伊尹天下之賤人也。君若欲見之。亦令召問焉。彼受賜矣。湯曰。非女所知也。今有藥於此。食之則耳加聰目加明。則吾必說而強食之。今夫伊尹之於我國也。譬之良醫善藥也。而子不欲我見伊尹。是子不欲我善也。因下彭氏之子。不使御。

【史記】伊尹去湯適夏。既醜有夏。復歸于亳。入自北門。遇女鳩女房。作女鳩女房。〔書序〕伊尹去毫適夏。復歸于亳。入自北門。乃遇女鳩女房。○篇亡

【新序】桀作瑤臺。罷民力。殫民財。爲酒池糟隄。縱靡靡之樂。一鼓而牛飲者三千人。羣臣相持而歌曰。江水沛沛兮。舟楫敗兮。我王廢兮。趣歸薄兮。薄亦大兮。又曰。樂兮樂兮。四牡蹻兮。六轡沃兮。去不善而從善。

何不樂兮。伊尹知天命之至。舉觴而告桀曰。君王不聽臣之言。亡無日矣。桀拍然而作。啞然而笑曰。子何妖言。吾有天下。如天之有日也。日有亡乎。日亡。吾亦亡矣。於是接履而趣。遂適湯。湯立爲相。故伊尹去官入殷。殷王而夏亡。〔尚書大傳〕夏人飲酒。醉者持不醉者。不醉者持醉者。相和而歌曰。盍歸于薄。盍歸于薄。薄亦大都也。〔新書〕矣。伊尹居而閑居。深聽樂聲。更曰。覺兮覺兮。吾大命格兮。去不善而就善。何樂兮。薄。薄。湯之

桀自謂天父。

【淮南子】湯夙興夜寐。以致聰明。輕賦薄斂。以寬民氓。布德施惠。以振困窮。弔死問疾。以養孤孀。百姓親附。政令流行。

【墨子】湯封於毫。絕長繼短。方地百里。與其百姓兼相愛。交相利。率其百姓以上尊天事鬼。是以天鬼富之。諸侯與之。百姓親之。賢士歸之。未殞其世而王天下。政諸侯。

【新序】湯見祝網者置四面。其祝曰。從天墜者。從地出者。從四方來者。皆罹吾網。湯曰。嘻。盡之矣。非桀其孰爲此。湯乃解其三面。置其一面。更教之。祝曰。昔蜘蛛作網。今之人循序。欲左者左。欲右者右。欲高者高。欲下者下。吾取其犯命者。漢南之國聞之。曰。湯之德及禽獸矣。四十國歸之人。置四面。未必得鳥。湯去三面。置其一面。以網四十國。非徒網鳥也。○呂覽云。昔蜘蛛作網。今之人學紓。新書云。今之人修繕。大紀云。桀疾其大得諸侯和也。召之。因於重泉夏臺。

【帝王世紀】夏桀無道。臯諫者。湯使人哭之。桀囚湯使于夏臺。而後釋之。諸侯由是咸叛桀。附湯同日供職者五百國。三年而天下咸服。○據言四湯使非也。使字衍。

【史記】迺召湯而囚之夏臺。已而釋之。湯修德。諸侯皆歸湯。〔楚辭注〕桀拘湯于重泉。而復出之。夫何用罪尤之不審也。〔尚書大傳〕桀無道。囚湯。後釋之。諸侯入譯來朝者六國。

【太公金匱】桀怒湯以訛臣趙梁計。召而囚之均臺。實之種泉。嫌於死。湯乃行賂。桀遂釋之。而賞之贊茅。【歸藏】桀筮伐有唐。枚于熒惑曰。不吉。不利出征。惟利安處。彼爲狸。我爲鼠。勿用作事。恐傷其父。

【呂氏春秋】夏太史令終古出其圖法。執而泣之。夏桀迷惑暴亂愈甚。太史令終古乃出奔如商。湯喜而告諸侯曰。夏王無道。暴虐百姓。窮其父兄。恥其功臣。輕其賢良。棄義聽讒。衆庶咸怨。守法之臣。自歸於商。【韓詩外傳】桀爲酒池。可以運舟。糟丘。足以望十里。而牛飲者三千人。關龍逢進諫曰。古之人君。身行禮義。愛民節財。故國安而身壽。今君用財若無窮。殺人若恐弗勝。君若弗革。天殃必降。而誅必至矣。君其革之。立而不反朝。桀囚而殺之。君子聞之。曰。天之命矣。〔荀子〕桀觀炮烙於堦室。謂龍逢曰。樂乎。龍逢曰。天下苦也。履春冰也。未有冠危石而不墜。履春冰而不陷者。桀歎曰。子知我之亡。而不自知其亡。子就炮烙之刑。吾觀子亡。我不亡。龍逢行歌曰。造化勞我以生。休我以炮烙乎。○桀用炮烙。未聞。

【博物志】夏桀之時。爲長夜宮於深谷之中。男女雜處。十旬不出聽政。天乃大風揚沙。一夕填此宮谷。又爲石室瑤臺。關龍逢諫。桀言曰。吾之有民。如天之有日。日亡我則亡。以爲龍逢妖言。而殺之。其後山復於谷下。及在上者老相與諫。桀又以爲妖言。而殺之。〔尚書帝命驗〕夏桀無道。殺伐龍逢。絕滅皇圖。壞亂歷紀。殘賊天下。賢人遁逃。淫色嬪易。不事祖宗。桀失其玉鏡。用中地。有此板異也。龍同姓。稱族。王虐殺我。必見禽也。〔論語陰陽識〕庚子之旦。金板冠書。出地庭中。曰。臣族虐。王禽。○注曰。謂殺關龍逢之後。庚子旦。庭后偷任威。折其玉斗。失其金椎。○注。后。

者也。偷。苟且自奉也。玉斗。  
潭儀金椎。言國之寶。

【太公金匱】夏桀之時以十月發民鑿山穿陵通于河民諫曰孟冬鑿山穿陵是泄天氣發地之藏天子失道後必有敗桀殺之暮年岑山崩爲大澤。

【淮南子】夏桀之時主闇晦而不明道瀾漫而不修棄捐五帝之恩刑推蹶三王之法籍是以至德滅而不揚帝道掩而不興舉事戾蒼天發號逆四時春秋縮其和天地除其德仁君處位而不安大夫隱道而不言羣臣準上意而懷富疏骨肉而自容邪人參耦比周而陰謀居君臣父子之間而競載驕主而像其意亂人以成其事是故君臣乖而不親骨肉疏而不附植社槁而塉裂容臺振而掩覆犬羣嗥而入淵豕銜蓐而席澳美人挈首墨面而不容曼聲吞炭內閉而不歌喪不盡其哀獵不聽其樂西姥折勝黃神嘯吟飛鳥鏽翼走獸廢腳山無峻榦澤無注水狐狸首穴馬牛放失田無立禾路無莎蘋金積折廉珠囊無理磬龜無腹蓍策日施。〔尚書中候〕夏桀無道地吐黃霧  
〔隨巢子〕夏桀德衰岱淵沸  
〔述異記〕桀時泰山山走石泣周武謂周公曰桀爲不道走山泣石  
〔搜神記〕夏桀之時厲山亡  
〔紀年〕瞿山扇哈墜災  
〔博物志〕夏桀之時費昌之河上見二日，在東者爛爛將起，在西者沈沈將滅若疾雷之聲  
〔帝王世紀〕昌問於馮夷曰何者爲殷何者爲夏馮夷曰西夏東殷於是費昌徙族歸殷  
〔帝王世紀〕兩日鬪蝕鬼呼於國桀醉不寤  
〔述異記〕夏桀宮中有女子化爲龍不可近俄而復爲婦人甚麗而食人桀命爲蛟妾告桀吉凶  
〔墨子〕逮至乎夏王桀天有輅命日月不時寒暑雜至五穀焦死鬼呼國鶴鳴十夕餘乃命湯于鑪宮用受夏之大命夏德大亂予旣卒其命于天矣往而誅之必使汝堪之湯焉敢奉率其衆是以豫有夏之境帝乃使陰暴以有夏之城少少有神來告曰夏德大亂往攻之予必使汝大堪之予旣受命于天天命融隆火于夏之城閒西北之隅湯奉桀衆以克有屬諸侯於薄薦章天命通于四方而天下諸侯莫敢不賓服則此湯之所以誅桀也

【呂氏春秋】湯問於伊尹曰：欲取天下若何？伊尹對曰：欲取天下不可取可，取身將先取，凡事之本必先治身。嗇其大寶用其新棄其陳，腠理遂通，精氣日新。邪氣盡去，及其天年。此之謂真人。〔尸子〕湯問伊尹曰：齊可爲邪？伊尹曰：王欲之則可，弗欲則不可爲也。

【管子】昔者桀之時，女樂三萬人，端謬晨樂聞於三衢，是無不服文繡衣裳者。伊尹以薄之游女工文繡纂組一純，得粟百鍾於桀之國。夫桀之國者，天子之國也。桀無天下憂，飾婦女鐘鼓之樂，故伊尹得其粟而奪之流。此之謂來天下之財。桀者，冬不爲杠，夏不束棺，以觀凍溺，弛牝虎充市，以觀其驚駭。至湯而不然，夷競而積粟，饑者食之，寒者衣之，不資者振之。天下歸湯若流水。此桀之所以失其天下也。女華者，桀之所愛也。湯事之以千金，曲逆者，桀之所善也。湯事之以千金，內則有女華之陰，外則有曲逆之陽，陰陽之議合而得成其天子。此湯之陰謀也。○陰謀變詐，何得以誣罔湯尹之弔伐乎？

【說苑】湯欲伐桀，伊尹曰：請阻乏貢職以觀其動。桀怒，起九夷之師以伐之。伊尹曰：未可。彼尙猶能起九夷之師，是罪在我也。湯乃謝罪請服，復入貢職。明年又不供貢職，桀怒，起九夷之師，九夷之師不起。伊尹曰：可矣。湯乃興師伐而殘之，遷桀南巢氏焉。

【呂氏春秋】桀爲無道，暴戾頑貪，天下顛恐而患之。言者不同，紛紛分分，其情難得。干辛任威，凌轢諸侯，以及兆民。賢良鬱怨，殺彼龍逢以服羣凶，衆庶泯泯，皆有遠志，莫敢直言。其生若驚，大臣同患，弗周而畔。

桀愈自賢矜過善非主道重塞國人大崩湯乃惕懼憂天下之不寧欲令伊尹往視曠夏恐其不信湯由親自射伊尹伊尹奔夏三年反報於毫曰桀迷惑於末嬉好彼琬琰不恤其衆衆志不堪上下相疾民心積怨皆曰上天弗恤夏命其卒湯謂伊尹曰若告我曠夏盡如詩湯與伊尹盟以示必滅夏伊尹又復往視曠夏聽於末嬉末嬉言曰今昔天子夢西方有日東方有日兩日相與鬪西方日勝東方日不勝伊尹以告湯商涸旱湯猶發師以信伊尹之盟故令師從東方出於國西以進未接刃而桀走逐之至大沙身體離散爲天下戮不可正諫雖後悔之將可奈何湯立爲天子夏民大說如得慈親朝不易位農不去疇商不變肆親郭如夏此之謂至公此之謂至安此之謂至信盡行伊尹之盟不避旱殃祖伊尹世世饗商

○湯值澗旱以伐夏故前編書大旱自此伐桀之年起良是〔尚書中候〕天乙在毫諸鄰國強負歸德東觀乎雒降三分璧青龍雖躍出濟于壇化爲黑玉赤勒曰玄精天乙受神福伐桀克三年天下悉合〔宋書符瑞志〕湯東至於洛觀帝堯之壇沈璧退立黃魚雙湧黑鳥隨之止于壇化爲黑玉又有黑龜並赤文成字言夏桀無道湯當代之擣机之神見於邙山有神奉白狼銜鉤而入商朝金德將盛銀自山溢湯將奉天命放桀夢及天而在野〔尚書璇璣錄〕湯受金符帝鑄白狼銜鉤入殷朝春秋演孔圖湯地七十里內懷聖明白虎獻朝其終白虎

威儀〔楚辭注〕湯常能秉持契之末德修而弘之天嘉其志出田獵得大牛之瑞白鳩成湯時來至

【書】王曰格爾衆庶悉聽朕言非台小子敢行稱亂有夏多罪天命殛之今爾有衆汝曰我后不恤我衆舍我稽事而割正夏予惟聞汝衆言夏氏有罪予畏上帝不敢不正今汝其曰夏罪其如台夏王率遏衆力率割夏邑有衆率怠弗協曰時日曷喪予及汝偕亡夏德若茲今朕必往爾尙輔予一人致天之罰予

其大賚汝爾無不信朕不食言爾不從誓言予則孥戮汝罔有攸赦

〔書序〕伊尹相湯伐桀升自陑遂與桀戰于鳴條之野作湯誓夏師敗績湯遂

從之遂伐三殷俘厥寶玉

誼仲伯仲作典寶○篇亡

**【史記】**夏桀爲虐政淫亂而諸侯昆吾氏爲亂湯乃興師率諸侯伊尹從湯湯自把鉞以伐昆吾遂伐桀作湯誓於是湯曰吾甚武號曰武王桀敗於有娀之虛桀犇於鳴條夏師敗績湯遂伐三殷俘厥寶玉義伯仲伯作典寶桀走鳴條遂放而死桀謂人曰吾悔不遂殺湯於夏臺使至此不能自非其所行而悔不

殺湯於夏臺

**【帝王世紀】**湯來伐桀以乙卯日戰于鳴條之野桀未戰而敗績乃與妹喜及諸嬖妾同舟浮海奔于南巢之山而死

○列女傳同

**【呂氏春秋】**殷湯良車七十乘必死六千人以戊子戰于郕遂禽移大犧登自鳴條乃入巢門遂有夏桀既奔走於是行大仁慈以恤黔首反桀之事遂其賢良順民所喜遠近歸之故王天下

〔山海經〕有人無首操戈盾立名曰夏耕

之戶故成湯伐夏桀于章山克之斬耕厥前耕既立無首走厥告乃降于巫山○山海經何以載及湯事其爲後人附益明矣

**【周書】**夏多罪湯將放之徵前事以戒後王也作殷祝湯將放桀于中野士民聞湯在野皆委貨扶老攜幼奔國中虛桀謂湯曰國所以爲國者以有家家所以爲家者以有人也今國無家無人矣君有人請致國君之有也湯曰否昔大帝作道明教士民今君王滅道殘政士民惑矣吾爲王明之士民復致於桀曰

以薄之居濟民之賤何必君更桀與其屬五百人南徙千里止於不齊民往奔湯於中野桀復請湯言君之有也湯曰否我爲君王明之士民復重請之桀與其屬五百人徙於魯魯士民復奔湯桀又曰國君明之士民復奔湯桀又曰國君之有也吾則外人有言彼以吾道是邪我將爲之湯曰此君王之士也君王之民也委之何湯不能止桀湯曰欲從者從君桀與其屬五百人去湯放桀而復薄三千諸侯大會湯退再拜從諸侯之位湯曰此天子位有道者可以處之天子非一家之有也有道者之有也故天下者唯有道者理之唯有道者紀之唯有道者宜久處之湯以此讓三千諸侯莫敢卽位然後湯卽天子之位與諸侯誓曰陰勝陽卽謂之變而天弗施雌勝雄卽謂之亂而人弗行故諸侯之治政在諸侯之大夫治於從

○闕疑  
有訛字

【史記】湯旣勝夏欲遷其社不可作夏社

〔書序〕湯旣勝夏欲遷其社不可作夏社疑至臣扈○三篇俱亡  
〔前漢書〕湯伐桀欲遷夏社不可作夏社乃遷烈山子柱而以周

棄代爲  
禋祠

伊尹報於是諸侯畢服湯乃踐天子位平定海內

【詩】帝命不違至于湯齊湯降不遑聖敬日躋昭假遲遲上帝是祗帝命式于九圍受小球大球爲下國綴旒何天之休不競不絀不剛不柔敷政優優百祿是適受小共大共爲下國駿厖何天之龍敷奏其勇不震不動不懸不竦百祿是總武王載旒有虔秉鉞如火烈烈則莫我敢曷苞有三蘖莫遂莫達九有有截韋顧旣伐昆吾夏桀昔在中葉有震且業允也天子降于卿士實維阿衡實左右商王〔詩序〕長發大禱也

【書】成湯放桀于南巢。惟有慙德曰：予恐來世以台爲口實。仲虺乃作誥曰：嗚呼！惟天生民有欲無主，乃亂。惟天生聰明時乂，有夏昏德，民墜塗炭。天乃錫王勇智，表正萬邦，繼禹舊服，茲率厥典。奉若天命，夏王有罪，矯誣上天，以布命于下。帝用不減，式商受命，用爽厥師，簡賢附勢，實繁有徒。肇我邦于有夏，若苗之有莠，若粟之有粃。小大戰戰，罔不懼于非辜。矧予之德言足聽聞，惟王不邇聲色，不殖貨利，德懋懋官功懋懋賞，用人惟已，改過不吝。克寬克仁，彰信兆民，乃葛伯仇餉。初征自葛，東征西夷，怨南征北狄，怨曰奚。獨後予攸徂之民，室家相慶，曰：「僕予后，后來其蘇。」民之戴商，厥惟舊哉！佑賢輔德，顯忠遂良，兼弱攻昧，取亂侮亡，推亡固存，邦乃其昌。德日新，萬邦惟懷，志自滿，九族乃離。王懋昭大德，建中于民，以義制事，以禮制心，垂裕後昆。予聞曰：能自得師者王，謂人莫己若者亡。好問則裕，自用則小。嗚呼！慎厥終，惟其始，殖有禮，覆昏暴，欽崇天道，永保天命。〔書序〕湯歸自夏，至子大堯，仲虺作誥。王歸自克夏，至于毫誕，告萬方。王曰：嗟爾萬方，有衆明聽予一人誥。惟皇上帝降衷于下民，若有恆性，克綏厥猷。惟后夏王滅德作威，以敷虐于爾萬方百姓，爾萬方百姓罹其凶害，弗忍荼毒，竝告無辜于上下神祇。天道福善禍淫，降災于夏，以彰厥罪，肆台小子，天孚佑下民，罪人黜伏。天命弗僭，賚若草木，兆民允殖。俾予一人輯寧爾邦家，茲朕未知獲戾于上下，慄栗危懼，若將隕于深淵。凡我造邦，無從匪彝，無卽慆淫，各守爾典，以承天休。爾有善，朕弗敢敵，罪當朕躬。

弗敢自赦。惟簡在上帝之心。其爾萬方有罪。在予一人。予一人有罪。無以爾萬方。嗚呼。尚克時忱。乃亦有終。〔書序〕湯既黜夏命。復歸于毫。作湯誥。

【史記】湯歸至於泰卷陶中。彫作誥。旣繢夏命還毫。作湯誥。維三月。王自至於東郊。告諸侯羣后。毋不有功於民。勤力迺事。予乃大罰殛女毋。予怨曰。古禹臯陶久勞于外。其有功乎民。民乃有安。東爲江北爲濟。西爲河南。爲淮四瀆已修。萬民乃有居。后稷降播農殖百穀。三公咸有功于民。故后有立。昔蚩尤與其大夫作亂百姓。帝乃弗予有狀。先王言不可不勉。曰。不道毋之在國。女毋我怨。以令諸侯。○誥辭與尙咎單作明居。○篇亡。 湯封夏之後。至周。封於杞也。○殷湯三月丙寅所封。

大費生子二人。一曰大廉。實烏俗氏。二曰若木。實費氏。其玄孫曰費昌。費昌當夏桀之時。去夏歸商。爲湯御。以敗桀於鳴條。大廉玄孫曰孟戲。中衍。鳥身人言。帝太戊聞而卜之。使御吉。遂致使御而妻之。自太戊以下。中衍之後。遂世有功。以佐殷國。故嬴姓多顯。遂爲諸侯。其玄孫曰中潏。在西戎。保西垂。生蜚廉。

【莊子】湯將伐桀。因卞隨而謀。卞隨曰。非吾事也。湯曰。孰可。曰。吾不知也。湯曰。伊尹何如。曰。強力忍垢。吾不知其他也。湯遂與伊尹謀伐桀。尅之。以讓卞隨。卞隨辭曰。后之伐桀也。謀乎我。必以我爲賊也。勝桀而讓我。必以我爲貪也。吾生乎亂世。而無道之人。再來漫我。以爲辱行。吾不忍數聞也。乃自投椆水而死。湯又讓晉光。曰。知者謀之。武者遂之。仁者居之。

古之道也。吾子胡不立乎。咎光辭曰：廢上非義也。殺民非仁也。人犯其難，我享其利，非廉也。吾聞之曰：非其義者不受其祿。無道之世，不踐其土。況尊我乎？吾不忍久見也。乃負石而自沈於廬水。○諸書通作務光光義至高，行事不少概見。疑未必有其人也。〔韓非子〕湯以伐桀，而恐天下言已貪也。因乃讓天下於務光，而恐務光之受之也。乃使人觀務光曰：湯殺君而欲傳惡聲於子，故讓天下於子。務光因自投於河。○肆言誣聖，非可謂無忌時。復見武丁，欲以爲相，不從，遂投浮梁山。後遊尚父山。○尤誕。

【越絕書】殷湯遭夏桀無道，殘賊天下。於是湯用伊尹行至聖之心，見桀無道，虐行，故伐夏放桀，而王道興，躍革亂補弊，移風易俗，改制作新，海內畢貢。天下承風，湯以文聖，此之謂也。

【史記】湯乃改正朔，易服色，上白，朝會以畫。孔子曰：殷路車爲善，而色尙白。

【呂氏春秋】湯之時，天先見金刃生於水。湯曰：金氣勝，金氣勝，故其色尙白。其事則金。

【帝王世紀】湯令未命之爲士者，車不得朱軒，及有飛軫，不得乘飾，車駢馬衣文繡，命然後得以順其德。【管子】殷人之王立帛牢，服牛馬以爲民利，而天下化之。

【氾勝之書】湯有旱災，伊尹作爲區田，教民糞種，負水澆稼，收至畝百石。○大紀云：伊尹言於王，發莊山之金鑄幣，通有無於四方，以賑救之。民是以不困。

【說苑】湯之時，大旱七年，雒折川竭，煎沙爛石。於是使人持三足鼎，祝山川教之，祝曰：政不節邪，使人疾邪。苞苴行邪，讒夫昌邪。宮室崇邪，女謁盛邪？何不雨之極也？蓋言未已而天大雨。○荀子：湯旱而禱曰：政不節與？使民疾與？何以不

雨至斯極也。宮室榮與。婦謁盛與。何以不雨至斯極也。  
極也。禮直行與。讒夫與與。何以不雨至斯極也。

【呂氏春秋】湯克夏而正天下。天大旱五年不收。湯乃以身禱于桑林曰。余一人有罪。無及萬夫。萬夫有罪。在余一人無以一人之不敏。使上帝鬼神傷民之命。於是翦其髮。剗其手。以身爲犧牲。用祈福於上帝。民乃甚說。雨乃大至。○諸書多言七年。則此云五年者誤也。〔帝王世紀〕湯自伐桀後。大旱七年。殷史卜曰。當以人禱。湯曰。吾所爲請雨者。民也。若必以人禱。吾請自當。遂齋戒。剪髮斷爪。以己爲牲。  
禱於桑林之社。言未已而大雨。方數千里。〔淮南子〕湯之時。七年旱。以身禱于桑林之際。而四海之雲湊。千里之雨至。〔尸子〕湯之救旱也。乘素車。白馬。著布衣。嬰白茅。以身爲牲。禱于桑林之野。當此時也。絃歌鼓舞者禁之。○按以身爲牲之說。前編不取。

【淮南子】殷人之禮。其社用石。祀門葬樹松。其樂大濩晨露。其服尚白。

【呂氏春秋】殷湯卽位。夏爲無道。暴虐萬民。侵削諸侯。不用軌度。天下患之。湯於是率六州以討桀罪。功名大成。黔首安寧。湯乃命伊尹作爲大護。歌晨露。修九招。六列以見其善。

〔春秋元命苞〕湯之時。其民大樂。其教之於患者。故樂名大濩。濩者。

也。

【韓詩外傳】湯作濩。聞其宮聲。使人溫良而寬大。聞其商聲。使人方廉而好義。聞其角聲。使人惻隱而愛仁。聞其徵聲。使人樂養而好施。聞其羽聲。使人恭敬而好禮。詩曰。湯降不遲。聖敬日躋。

【淮南子】湯之初作圃也。以奉宗廟鮮穡之具。簡士卒習射御。以戒不虞。伊尹之興土功也。修脰者使之跖鑊。強脊者使之負土。眇者使之準。偃者使之塗。各有所宜。而人性齊矣。

【鬻子】湯之治天下也。得慶。伊尹。湟里。且。東門。虛。南門。燠。北門。側。得。七大夫。佐。以治天下。而天下治。二十七世。積歲五百七十六歲。至紂。

【周書】湯問伊尹曰。諸侯來獻。或無牛馬之所生。而獻遠方之物。事實相反。不利。今吾欲因其地勢所有。獻之。必易得而不貴。其爲四方獻令。伊尹受命。於是爲四方令曰。臣請正東符婁。仇州。伊慮。漚深。九夷。十蠻。越漚。鬢髮文身。請令以魚支之。鰐之醬。鮫駁。利劍爲獻。正南甌。鄧。桂國。損子。產里。百濮。九菌。請令以珠璣。瑩瑁。象齒。文犀。翠羽。菌鶡。短狗。爲獻。正西崑崙。狗國。鬼親。枳已。闔耳。貫胸。雕題。離丘。漆齒。請令以丹青。白旄。紝羈。江歷。龍角。神龜。爲獻。正北空同。大夏。莎車。姑他。且略。貌胡。戎翟。匈奴。樓煩。月氏。熾犁。其龍。東胡。請令以橐駘。白玉。野馬。駒駘。駛驥。良弓。爲獻。湯曰。善。〔博物志〕奇肱民善爲拭扛。以殺百禽。能爲飛車。從風遠行。湯時。西風至。吹其車至豫州。湯破其車。從不以視民。十年。東風至。乃復作車遣返。而其國去玉門關四萬里。

【說苑】湯問伊尹曰。三公九卿。二十七大夫。八十一元士。知之有道乎。伊尹對曰。昔者堯見人而知。舜任人。然後知禹以成功舉之。夫三君之舉賢。皆異道而成功。然尚有失者。況無法度而任己直意用人。必大失矣。故君使臣自貢其能。則萬一之不失矣。王者何以選賢。夫王者得賢材以自輔。然後治也。雖有堯舜之明。而股肱不備。則主恩不流。化澤不行。故明君在上。慎於擇士。務於求賢。設四佐以自輔。有英俊以治官。尊其爵。重其祿。賢者進以顯榮。罷者退而勞力。是以主無遺憂。下無邪慝。百官能治。臣下樂職。恩流羣

生潤澤草木昔者虞舜左禹右臯陶不下堂而天下治此使能之効也。湯問伊尹曰三公九卿大夫列士其相去何如伊尹對曰三公者知通於大道應變而不窮辨於萬物之情通於天道者也其言足以調陰陽正四時節風雨如是者舉以爲三公故三公之事常在於道也九卿者不失四時通於溝渠修隄防樹五穀通於地理者也能通不能通能利不能利如此者舉以爲九卿故九卿之事常在於德也大夫者出入與民同衆取去與民同利通於人事行猶舉繩不傷於言言之於世不害於身通於關梁實於府庫如是者舉以爲大夫故大夫之事常在於仁也列士者知義而不失其心事功而不獨專其賞忠政強諫而無有姦詐去私立公而言有法度如是者舉以爲列士故列士之事常在於義也故道德仁義定而天下正凡此四者明王臣而不臣湯曰何謂臣而不臣伊尹對曰君之所不名臣者四諸父臣而不名諸兄臣而不名先王之臣臣而不名盛德之士臣而不名是謂大順也湯問伊尹曰古者所以立三公九卿大夫列士者何也伊尹對曰三公者所以參五事也九卿者所以參三公也大夫者所以參九卿也列士者所以參大夫也故參而有參是謂事宗事宗不失外內若一〔漢書〕道家·伊尹五十二篇

【新書】湯曰學聖王之道者譬其如日靜思而獨居譬其若火夫舍學聖之道而靜思獨居譬其若去日之明於庭而就火之光於室也然可以小見而不可以大知是故明君而君子貴尚學道而賤下獨思也故諸君得賢而舉之得賢而與之譬其若登山乎得不肖而舉之得不肖而與之譬其若下淵乎故登山

而望其何不臨而何不見。陵遲而入淵，其孰不陷溺。是以明君慎其舉，而君子慎於得舉。然後細福可必，細菑可去矣。湯曰：藥食嘗於卑，然後至於貴。藥言獻於貴，然後聞於卑。故藥食嘗於卑，然後至於貴。教也。藥言獻於貴，然後聞於卑。道也。故使人味食然後食者，其得味也多。使人味言然後聞者，其得言也少。故以是明上之於言也。必自也聽之，必自也擇之。必自也聚之，必自也藏之。必自也行之。故道以數取之爲明，以數行之爲章。以數施之萬姓爲藏。是故求道者不以目而以心，取道者不以手而以耳。致道者以言，入道者以忠。積道者以信。樹道者以人。故人主有欲治安之心，而無治安之故者，雖欲治顯榮也，弗得矣。故治安不可以虛成也。顯榮不可以虛得也。故明君敬士，察吏愛民，以參其極。非此者，則四美不附矣。

○說苑·自也之也俱作他·而無致道者以下。  
○小說家·天乙三篇·天乙·謂湯·其言依託。

〔漢〕

『呂氏春秋』成湯之時，有穀生於庭。昏而生，比旦其大拱。其吏請卜其故。湯退卜者曰：吾聞祥者，福之先者也。見祥而不爲善，則福不至。妖者，禍之先者也。見妖而爲善，則禍不至。於是早朝晏退，問疾弔喪，務鎮撫百姓，三日而穀亡。

○經史惟稱太戊時桑穀生於朝，而呂覽、韓詩皆云湯時生之。說苑又兩記於太戊武丁之世。其事皆相類，殆多舛誤。  
〔易乾鑿度〕孔子曰：自成湯至帝乙，帝乙，湯玄孫之孫也。此帝乙卽湯也。殷錄質以生日爲名，順天性也。玄孫之孫外恩絕矣。同以乙日生，疏可同名。湯以乙生，嫁妹，本天地，正夫婦，夫婦正則王教興矣。故曰：易之帝乙爲成湯。書之帝乙六世王，同名不害以明功。〔京房易傳〕湯嫁妹之辭曰：無以天子之尊而驕諸侯，陰之從陽，女之順夫，本天地之義也。往事爾夫，必以禮義。〔歸藏〕有人將來，遺我貞貝，以至有求則得，有喜將至。良人得其玉，君子得其粟，有鳬鶩鳩，有雁鶴鷗，鼎有黃耳，利取鮋鯉，瞿有瞿有鱣，宵梁爲酒，尊於兩壺，兩渝飲之。三日然後厭，土有澤，我取其魚。君子戒車，小人戒徒。上有高臺，下有離池。若以賈市，其富如河海。○周禮大史掌三易，近師以歸藏爲有白雲出自蒼梧，入於大梁，上有高臺，下有離池。若以賈市，其富如河海。

殷易之名也。其縣辭。諸書引用。多古質。錄之。以存三代遺文。〔皇覽〕湯家在濟陰毫縣北東郭。去縣三里。家四方各十步。高七尺。上平處平地。

【詩】猗與那與。置我鞞鼓。奏鼓簡簡。衍我烈祖。湯孫奏假。綏我思成。鞞鼓淵淵。鼙鼙管聲。既和且平。依我磬聲。於赫湯孫。穆穆厥聲。庸鼓有斂。萬舞有奕。我有嘉客。亦不夷憚。自古在昔。先民有作。溫恭朝夕。執事有恪。顧予烝嘗。湯孫之將。〔詩序〕那。祀成湯也。微子至于戴公。其間禮樂廢壞。有正考甫者。得商頌十二篇於周之大師。以那爲首。嗟嗟烈祖。有秩斯祐。申錫無疆。及爾斯所。旣載清酤。賚我思成。亦有和羹。旣戒旣平。饗假無言。時靡有爭。綏我眉壽。黃耇無疆。約軛錯衡。八鸞鵠鵠。以假以享。我受命溥將。自天降康。豐年穰穰。來假來饗。降福無疆。顧予烝嘗。湯孫之將。

〔詩序〕烈祖。祀中宗也。○朱子曰。詳此詩。未見其爲祀中宗。而未言湯孫。亦祭成湯之詩耳。○按那烈祖二詩。章法同。其稱烈祖湯孫亦同。則俱爲祀成湯之詩無疑。

天生民而樹之君。俾司牧之。古昔帝王。禪繼不同。神農以上。不可得而聞已。黃帝革命。實用干戈。謂堯以前。盡禪讓與。則鴻軒後之世。及可數也。謂禪授昉於堯與。則五帝官天下。又何以稱焉。竊謂聖人之興。因乎時會。順天應人。古今一揆。五帝聖君代出。頃譽起於族屬。姚姒拔自側微。揖遜而天下治矣。夏后傳子。禹之德及民者遠。卜年有永。雖有中主。享國保世。其後孔甲淫亂。夏政始衰。傳及后癸。昏暴縱恣。任威信讒。陵鑠諸侯。武傷百姓。而天下始離畔矣。湯之代夏政也。迫而後起。不得已而後取之。然有慙德何也。曰。始湯未有取天下之心。無取心而得之。湯之所以爲聖乎。自司徒敷教功業著於唐虞。賜姓胙土。作基於商。詩稱相土烈烈。記稱冥勤水官。世有明德。天所祚也。湯之篤生。當夏后之末。

造大命固有攸屬矣。初征自葛而四海歸心。民情既有攸繫矣。湯方幣聘伊尹於畎畝之中。舉而進之於桀。桀不能用。尹既醜夏。復歸于毫。湯以事桀爲心。故尹亦以湯之心爲心。五就五去。冀幸君之一悟。政之一改也。若是。則夏不亡。商不興。民免塗炭。湯守臣節。又何憾焉。及其不可訓諫。語以遷善。則不從。告以危亡。則不聽。啞然而笑曰。吾有天下。如天之有日矣。伊尹曰。是不可以救矣。吾其舍此而歸爾。湯亦曰。是必割正。不可以須矣。吾惟取此以救吾民爾。故湯之事桀。四海歸心而不貳。身拘重泉而無懟。遲之二十年。桀已耄矣。諫臣誅戮。讒邪日昌。韋顧昆吾之屬。播惡助虐。而不可止。是始出師鳴條。爲南巢之放。豈非迫而後起。不得已而後取之。然湯猶以爲慙。此聖人之用心。異乎後世之利天下者矣。至夫千金陰謀。往視曠夏。諸子之雜說。無足深辯。惟是義師弔伐。而毫衆有不恤之怨者。何也。蓋自毫衆觀之。知商邑之安。不知夏民之危。知己之有穡事。不知夏民之在水火中也。常人狃於便安。聖心公於天下。故陳師誓衆。喻以天命民心。勸以賞罰威勸。一戰而弔伐之義申。兵已輯。民已安矣。號曰武湯。不亦宜乎。

# 繹史卷十五

## 三代第五

### 伊尹輔太甲

【史記】湯崩太子太丁未立而卒於是乃立太丁之弟外丙是爲帝外丙帝外丙卽位三年崩立外丙之弟中壬是爲帝中壬帝中壬卽位四年崩伊尹乃立太丁之子太甲太甲成湯適長孫也是爲帝太甲〔紀年〕外丙名勝二年陟仲壬名庸四年陟太甲名至元年辛巳王卽位居毫命卿士伊尹○書序云成湯既沒太甲元年是無外丙仲壬之年也邵子經世亦無二君之年程子曰湯崩時外丙方二歲仲壬方四歲太甲差長故立之未知是否

【書】惟元祀十有二月乙丑伊尹祠于先王奉嗣王祇見厥祖侯甸羣后咸在百官總已以聽冢宰伊尹乃明言烈祖之成德以訓于王曰嗚呼古有夏先后方懋厥德罔有天災山川鬼神亦莫不寧暨鳥獸魚鼈咸若于其子孫弗率皇天降災假手于我有命造攻自鳴條朕哉自毫惟我商王布昭聖武代虐以寬兆民允懷今王嗣厥德罔不在初立愛惟親立敬惟長始于家邦終于四海嗚呼先王肇修人紀從諫弗咈先民時若居上克明爲下克思與人不求備檢身若不及以至于有萬邦茲惟艱哉敷求哲人俾輔于爾後嗣制官刑儆于有位曰敢有恆舞于宮酣歌于室時謂巫風敢有殉于貨色恒于遊畋時謂淫風敢

有悔聖言逆忠直遠耆德比頑童時謂亂風惟茲三風十愆卿士有一于身家必喪邦君有一于身國必亡臣下不匡其刑墨具訓于蒙士嗚呼嗣王祗厥身念哉聖謨洋洋嘉言孔彰惟上帝不常作善降之百祥作不善降之百殃爾惟德罔小萬邦惟慶爾惟不德罔大墜厥宗書序成湯既沒太甲元年伊尹作伊訓肆命徂后○後二篇亡

【史記】帝太甲既立三年不明暴虐不遵湯法亂德於是伊尹放之於桐宮三年伊尹攝行政當國以朝

諸侯據太甲居桐卽在元年史三年字皆誤伊尹作伊甲子桐乃自立

○沈約曰蓋誤以攝政爲真耳

〔紀年〕伊尹

【書】惟嗣王不惠于阿衡伊尹作書曰先王顧諟天之明命以承上下神祇社稷宗廟罔不祗肅天監厥德用集大命撫綏萬方惟尹躬克左右厥辟宅師肆嗣王丕承基緒惟尹躬先見于西邑夏自周有終相亦惟終其後嗣王罔克有終相亦罔終嗣王戒哉祇爾厥辟辟不辟忝厥祖王惟庸罔念聞伊尹乃言曰先王昧爽不顯坐以待旦旁求俊彥啓迪後人無越厥命以自覆慎乃儉德惟懷永圖若虞機張往省括于度則釋欽厥止率乃祖攸行惟朕以憚萬世有辭王未克變伊尹曰茲乃不義習與性成予弗狎于弗順營于桐宮密邇先王其訓無俾世迷王徂桐宮居憂克終允德惟三祀十有二月朔伊尹以冕服奉銅王歸于毫作書曰民非后罔克胥匡以生后非民罔以辟四方皇天眷佑有商俾嗣王克終厥德實萬世無疆之休王拜手稽首曰予小子不明于德自底不類欲敗度縱敗禮以速戾于厥躬天作孽猶可違自作孽不可逭旣往背師保之訓弗克于厥初尙賴匡救之德圖惟厥終伊尹拜手稽首曰修厥身允德

協于下。惟明后。先王子惠困窮。民服厥命。罔有不說。竝其有邦厥隣。乃曰。僕我后。后來無罰。王懋乃德。視乃烈祖。無時豫怠。奉先思孝。接下思恭。視遠惟明。聽德惟聰。朕承王之休無斁。伊尹申誥于王曰。嗚呼。惟天無親。克敬惟親。民罔常懷。懷于有仁。鬼神無常享。享于克誠。天位艱哉。德惟治否。德亂與治同道。罔不興。與亂同事。罔不亡。終始慎厥與。惟明明后。先王惟時懋敬厥德。克配上帝。今王嗣有令緒。尚監茲哉。若升高必自下。若陟遐必自邇。無輕民事。惟難無安厥位。惟危慎終于始。有言逆于汝心。必求諸道。有言遜于汝志。必求諸非道。嗚呼。弗慮胡獲。弗爲胡成。一人元良。萬邦以貞。君罔以辯言亂舊政。臣罔以寵利居成功。邦其永孚于休。〔書序〕太甲既立不明。伊尹放諸桐。三年復歸于亳。思庸。伊尹作太甲三篇。

【史記】帝太甲居桐宮三年。悔過自責。反善於伊尹。迺迎帝太甲而授之政。帝太甲修德。諸侯咸歸殷百姓以寧。伊尹嘉之。迺作太甲訓三篇。襃帝太甲稱太宗。〔刀劍錄〕殷太甲四年。歲次甲子。鑄一劍。長二尺。文曰定光。古文篆書。○前編云。太甲十七年甲子。〔紀年〕伊尹卽位於太甲。〔年〕太甲潛出自桐。殺伊尹。乃立其子伊陟。伊奮。復其父之田宅而中分之。○杜預曰。此當時雜記。未足以取審也。

【書】伊尹旣復政厥辟。將告歸。乃陳戒于德曰。嗚呼。天難譴命。靡常。常厥德。保厥位。厥德靡常。九有以亡。夏王弗克。庸德慢神。虐民。皇天弗保。監于萬方。啓迪有命。眷求一德。俾作神主。惟尹躬暨湯。咸有一德。克享天心。受天明命。以有九有之師。爰革夏正。非天私我有商。惟天佑于一德。非商求于下民。惟民歸于一德。德惟一。動罔不吉。德二三。動罔不凶。惟吉凶不僭在人。惟天降災祥在德。今嗣王新服厥命。惟新厥德。

終始惟一時乃日新任官惟賢才左右惟其人臣爲上爲德爲下爲民其難其慎惟和惟一德無常師主善爲師善無常主協于克一俾萬姓咸曰大哉王言又曰一哉王心克綏先王之祿永底烝民之生嗚呼七世之廟可以觀德萬夫之長可以觀政后非民罔使民非后罔事無自廣以狹人匹夫匹婦不獲自盡民主罔與成厥功〔書序〕伊尹作成有二德

【史記】太宗崩子沃丁立帝沃丁之時伊尹卒旣葬伊尹於毫咎單遂訓伊尹事作沃丁〔紀年〕沃丁名絶元年命卿士告單遂訓伊尹事作沃丁○篇亡

【帝王世紀】沃丁八年伊尹卒百有餘歲大霧三日沃丁葬之以天子之禮祀以大牢親自臨喪三年以報大德○孔子曰以三公禮葬伊尹之子毫告單遂訓伊尹事作沃丁○篇亡

書序曰太甲既立不明伊尹放諸桐三年復歸于亳思庸公孫丑曰賢者之爲人臣也其君不賢則固可放與孟子曰有伊尹之志則可無伊尹之志則篡也昔伊尹佐湯以有天下經營繕造之艱難也親見夏所以亡商所以興嗣王不令丕基將覆故使之去深宮而親丘墓蒼蒿悽愴以發其哀慕之思歎粥服衰以消其驕溢之氣久之怨艾自悔夫是以克終允德焉第桐宮之放事屬創聞其志誠公而其名則弗順元聖忠愛出自至誠不得已而爲之旣而冕服奉歸復政厥辟主臣一心綿祚永世然後伊尹之志天下後世無不共見矣人臣有其志而無其德且不可效伊尹之事苟無其志而懷覬覦以窺

神器當主少危疑之際操弄國柄如莽操懿裕輩借伊尹爲口實此篡奪之患不絕於史策孟子固已灼見而遏絕之矣抑嘗考羅泌之論曰周公之抱沖子太甲之居桐皆在諒陰時也古者君薨太子諒陰百官總已以聽冢宰三年膝之父兄曰吾先君莫之行魯先君亦莫之行則此禮之廢已久太甲之事宜後世弗及知也元祐十二月王始居陰百官聽於冢宰此喪之常紀非攝也嗣王不明故因其諒陰處之於桐謂之放者自內而外之辭抗世子之謂云爾非廢也三年奉歸于毫是起復之時爾非再立也廢立之說蓋起於漢霍光將廢昌邑告田延年曰古有之乎對曰有之昔伊尹廢太甲以安社稷後世稱爲忠臣將軍誠能行之亦漢室之伊尹也光計遂決夫以光之不學而投以延年循俗無稽之言使後世信之以爲伊尹嘗擅廢立矣考太甲三篇曷嘗有廢立之一言哉前有伊訓以始事後有咸有一德以終義且其復甲也曰惟王克終厥德實萬世無疆之休其喜至矣及其告歸也曰臣罔以寵利居成功豈亦將因以爲利哉故曰廢立之說本無其事惟概以舜禹君臣之義則有愧爾羅氏之言如此竊以爲伊尹之在當日於志無愧則於義亦無愧方唐虞夏后之世君明臣良奚由用放三聖授受安事征誅尹之事商也伐暴君以救民輔闡主以允德匹夫不內於溝中厥后克俾爲堯舜適如其莘野之所樂見諸親身而止因時會以變通舜禹君臣之義易地皆然又何愧哉故有假禪受以爲篡奪者非堯舜之過也有託征誅以行叛亂者非湯武之過也有擅廢立以危社稷者亦非伊尹之過也



# 繹史卷十六

## 三代第六

### 太戊盤庚之賢

【史記】沃丁崩弟太庚立是爲帝太庚。

〔紀年〕小庚名辨五年陟

○帝太庚崩子帝小甲立

○世表甲名高

○元年丁巳十七年陟

帝小甲崩弟雍己立是爲帝雍己殷道衰諸侯或不至

〔紀年〕雍己名辰

○前編元年甲

○帝太戊立伊陟爲相毫有祥桑穀共生於朝一暮大拱

帝太戊懼問伊陟伊陟曰臣聞妖不勝德帝之政其有闕與帝其修德太戊從之而祥桑枯死而去

○伊陟贊于巫咸巫咸巫咸治王家有成作咸艾作太戊帝太戊贊伊陟于廟言弗臣伊陟讓作原命殷復興諸侯歸之故

○伊陟贊于巫咸

○中宗作咸入四篇

○太戊贊于伊陟

○作伊陟

○原命

○篇俱亡

【史記】中宗崩子帝仲丁立帝仲丁遷于歟仲丁書闕不具

〔紀年〕仲丁名莊九年陟

○書序仲丁遷于歟作

之曰桑穀野木不合生于朝意者朝亡乎太戊懼修先王之政明養老之禮三年而遠方重譯而至者七

十六國

【史記】中宗崩子帝仲丁立帝仲丁遷于歟仲丁書闕不具

〔紀年〕仲丁名莊九年陟

○書序仲丁遷于歟作

之曰桑穀野木不合生于朝意者朝亡乎太戊懼修先王之政明養老之禮三年而遠方重譯而至者七

十六國

自是或服或叛。

帝仲丁崩。弟外壬立。是爲帝外壬。

(紀年)外壬名援。元年。葬人。佚人服。十年。陟。

帝外壬崩。弟河亶甲立。是爲

帝河亶甲。

河亶甲居相。河亶甲時殷復衰。

(書序)河亶甲居相。作河亶甲。○篇亡。五年。彭伯克郊。四年。征藍夷。

(紀年)河亶甲名鑿。三年。彭伯草伯伐班方。僥人來賓。

九年。河亶甲崩。子帝祖乙立。

帝祖乙立。殷復興。巫咸任職。祖乙遷於邢。

(書序)祖乙圯于耿。作祖乙。○篇亡。五年。彭伯草伯伐班方。僥人來賓。

自相遷于耿。

二年。圯于耿。自耿遷于

庇。

(紀年)二年。陳。○史巫咸宜作巫賢。五年。彭伯草伯伐班方。僥人來賓。

十九年。陟。○史巫咸宜作巫賢。祖乙崩。子帝祖辛立。

(紀年)祖辛名旦。十四年。陟。帝祖辛崩。弟沃甲立。是爲帝

(紀年)祖丁名新。九年。陟。帝祖丁崩。立

沃甲。

(紀年)開甲名踰。五年。陟。帝沃甲崩。立沃甲兄祖辛之子祖丁。是爲帝祖丁。

(紀年)祖丁名新。九年。陟。帝祖丁崩。立

帝沃甲之子南庚。是爲帝南庚。

(紀年)南庚名更。三年。遷于奄。六年。陟。帝南庚崩。立帝祖丁之子陽甲。是爲帝陽甲。帝陽

(紀年)陽甲名和。四年。帝陽甲崩。弟盤庚立。是爲帝盤庚。帝盤庚之時。殷已都河北。盤庚渡河南。復居成湯之故居。迺五遷無

定處。殷民咨胥皆怨。不欲徙。

盤庚乃告諭諸侯大臣曰。昔高后成湯與爾之先祖俱定天下法則可修舍

(紀年)陽甲名和。四年。自奄遷于北蒙。曰殷。○前編。庚子。盤庚元祀。遷都

而弗勉。何以成德。乃遂涉河南。治毫行湯之政。然後百姓由寧。殷道復興。諸侯來朝。以其遵成湯之德也。

(紀年)盤庚名旬。元年丙寅。十四年。自奄遷于北蒙。曰殷。○前編。庚子。盤庚元祀。遷都

(紀年)盤庚名旬。元年丙寅。十四年。自奄遷于北蒙。曰殷。○前編。庚子。盤庚元祀。遷都

于殷。改國號曰殷。按紀年近代人僥作。固非汲冢原本。而所載殷王之名及年數。不知何據也。

(紀年)盤庚名旬。元年丙寅。十四年。自奄遷于北蒙。曰殷。○前編。庚子。盤庚元祀。遷都

卜稽曰。其如台先王有服。恪謹天命。茲猶不常寧。不常厥邑。于今五邦。今不承于古。罔知天之斷命。矧曰

其克從先王之烈。若顛木之有由斃。天其永我命于茲新邑。紹復先王之大業。底綏四方。盤庚敷于民。由

乃在位以常舊服正法度曰無或敢伏小人之攸箴王命衆悉至于庭王若曰格汝衆予告汝訓汝猷黜汝聒聒起信險膚予弗知乃所訟非予自荒茲德惟汝含德不惕予一人予若觀火予亦拙謀作乃逸若綱在綱有條而不紊若農服田力穡乃亦有秋汝克黜乃心施實德于民至于婚友不乃敢大言汝有積德乃不畏戎毒于遠邇惰農自安不昏作勞不服田畝越其罔有黍稷汝不和吉言于百姓惟汝自生毒乃敗禍姦宄以自災于厥身乃旣先惡于民乃奉其恫汝悔身何及相時儉民猶胥顧于箴言其發有逸口矧予制乃短長之命汝曷弗告朕而胥動以浮言恐沈于衆若火之燎于原不可嚮邇其猶可撲滅則惟爾衆自作弗靖非予有咎遲任有言曰人惟求舊器非求舊惟新古我先王暨乃祖乃父胥及逸勤予敢動用非罰世選爾勞予不掩爾善茲予大享于先王爾祖其從與享之作福作災予亦不敢動用非德予告汝于難若射之有志汝無侮老成人無弱孤有幼各長于厥居勉出乃力聽予一人之作猷無有遠邇用罪伐厥死用德彰厥善邦之臧惟汝衆邦之不臧惟予一人有佚罰凡爾衆其惟致告自今至于後日各恭爾事齊乃位度乃口罰及爾身弗可悔盤庚作惟涉河以民遷乃詰民之弗率誕告用亶其有衆咸造勿饗在王庭盤庚乃登進厥民曰明聽朕言無荒失朕命嗚呼古我前后罔不惟民之承保后胥感鮮以不浮于天時殷降大虐先王不懷厥攸作視民利用遷汝曷弗念我古后之聞承汝俾汝惟喜康

其非汝有咎。比于罰予若鞭撻茲新邑亦惟汝故以丕從厥志今予將試以汝遷安定厥邦汝不憂朕心之攸困乃咸大不宣乃心欽念以忱動予一人爾惟自鞠自苦若乘舟汝弗濟臭厥載爾忱不屬惟眚以沈不其或稽自怒曷瘳汝不謀長以思乃災汝誕勑憂今其有今罔後汝何生在上今予命汝一無起穢以自臭恐人倚乃身迂乃心予迓續乃命于天予豈汝威用奉畜汝衆予念我先神后之勞爾先予丕克羞爾用懷爾然失于政陳于茲高后丕乃崇降罪疾曰曷虐朕民汝萬民乃不生生暨予一人猷同心先后丕降與汝罪疾曰曷不暨朕幼孫有比故有炎德自上其罰汝汝罔能迪古我先后既勞乃祖乃父汝共作我畜民汝有戕則在乃心我先后綏乃祖乃父乃祖乃父乃斷棄汝不救乃死茲予有亂政同位具乃貝玉乃祖乃父丕乃告我高后曰作丕刑于朕孫迪高后丕乃崇降弗祥嗚呼今予告汝不易永敬大恤無胥絕遠汝分猷念以相從各設中于乃心乃有不吉不迪顛越不恭暫遇姦宄我乃劓殄滅之無遺育無俾易種于茲新邑往哉生生今予將試以汝遷永建乃家盤庚既遷奠厥攸居乃正厥位綏爰有衆曰無戲怠懋建大命今予其敷心腹腎腸歷告爾百姓于朕志罔罪爾衆爾無共怒協比讒言予一人古我先王將多于前功適于山用降我凶德嘉績于朕邦今我民用蕩析離居罔有定極爾謂朕曷震動萬民以遷肆上帝將復我高祖之德亂越我家朕及篤敬恭承民命用永地于新邑肆予冲人非廢厥謀弔由靈各非敢違卜用宏茲責嗚呼邦伯師長百執事之人尙皆隱哉予其懋簡相爾念敬我衆朕不肩

好貨敢恭生生鞠人謀人之保居敍欽今我旣告羞爾于朕志若否罔有弗欽無總于貨寶生生自庸式

敷民德永肩一心

〔書序〕盤庚五遷將治毫。作盤庚三篇。

【帝王世紀】耿在河北迫近山川自祖辛以來民皆奢侈故盤庚遷於殷

○鄭康成云·祖乙居耿以後·奢侈踰禮·土地迫近山川·常圯焉·亟

陽甲立·盤庚爲之臣·乃謀徙居湯舊都·民居耿久·奢淫成俗·故不樂徙·王肅云·自祖乙五世至盤庚元兄陽甲·宮室奢侈·下民邑居墾隘·水泉瀉漏·不可以行政化·故徙都於殷·○金仁山曰·鄭氏當必有據·至謂上篇作於陽甲之世·則誤爾·

【史記】帝盤庚崩弟小辛立是爲帝小辛帝小辛立殷復衰百姓思盤庚迺作盤庚三篇

〔紀年〕小辛名頌三年·陟·○

索隱云·此以盤庚崩小辛立·百姓思之·乃作盤庚·由不見古文也·

殷商之時代有令辟史稱雍己立殷道衰太戊復興故稱中宗河亶甲時殷復衰祖乙立復興陽甲之時殷又衰盤庚遷都殷道復興小辛立殷復衰武丁復興廟號高宗傳帝甲淫亂復衰帝乙益衰至紂而亡軼衰軼興是之謂作故曰賢聖之君六七作六七云者湯也太甲也太戊也祖乙也盤庚也武丁也而帝甲一君史以爲淫亂書又以爲保惠者也書稱無逸之主曰自殷王中宗及高宗及祖甲而不及盤庚庚不幸而享國未久也君奭曰成湯受命時則有若伊尹太甲有保衡太戊有伊陟臣扈巫咸祖乙有巫賢武丁有甘盤而亦不及盤庚庚不幸而無賢佐也故自賢賢也用賢亦賢也太戊有桑穀之妖蓋初政有闕焉感伊陟之言側身修行遠方慕義重譯而至商人作頌以祀之廟號中宗由太戊

見妖而懼又有陟扈巫咸羣賢以輔之也至於盤庚則極難矣自仲丁以來諸弟子爭立比九世亂諸侯莫朝且祖乙圮耿至陽甲君民奢侈邑居墾隘水泉瀉鹵不可以行政化庚欲遷都于殷毫復湯故居而世家大族各有黨與嗜利忘患皆動浮言以蠱惑百姓百姓怨盤庚於此不挾尊高之威無震怒迫急之意反覆開諭藹然溫厚之言淪浹肺腑臣民咸悅浮言息行怨解涉河治毫復肯湯政豈不善哉昔湯之興也八遷而後都毫以七十里王天下此本根之地弗可去也子孫無遠慮往往輕徙若謫若相若耿若邢皆際河數遭水患爲政者以厚利奪其避患之心自盤庚遷殷以來不獨民奠厥居而理以祖制參以新民化行黨消傳之十世無復爭奪之禍矣其後世去殷遷沫國內衰弊比至於亡百姓猶思盤庚之政於戲可謂賢矣

# 繹史卷十七

## 三代第七

### 武丁中興

【史記】帝小辛崩弟小乙立是爲帝小乙。〔紀年〕小乙名斂十年。〔元年〕武丁名昭陵。○前編二十八祀。帝小乙崩子帝武丁立。

〔紀年〕武丁名昭陵。○元年丁未命

卿士甘盤。帝武丁卽位思復興殷而未得其佐三年不言政事決定於冢宰以觀國風武丁夜夢得聖人名

曰說以夢所見視羣臣百吏皆非也於是迺使百工營求之野得說於傅險中是時說爲胥靡築於傅險見於武丁武丁曰是也得而與之語果聖人舉以爲相殷國大治故遂以傅險姓之號曰傅說。〔水經注〕沙澗水北嘵沙

〔經傳嚴傳說隱室前俗名聖人窟〕傳說轉鬻。〔荀子〕傳說轉鬻。〔韓非子〕傳說轉鬻。

〔荀子〕傳說轉鬻。〔韓非子〕傳說轉鬻。

【帝王世紀】高宗夢天賜賢人胥靡之衣蒙而來曰我徒也姓傅名說武丁寤而推之曰傅者相也說者歡說也天下豈有傅我而說民者哉乃使百工寫其形象求諸天下果見築者胥靡衣褐帶索執役於虞虢之間傅巖之野名說以其得之傅巖謂之傅說。〔墨子〕傳說居北海之洲圓土之上衣褐帶索庸築於傅巖之城武丁得而舉之立爲三公。〔拾遺記〕傳說貢爲赭衣者春於深巖以自給夢乘雲繞日而行筮得利建侯之卦歲餘湯以玉帛聘爲阿衡也○此外譏伊尹之事何無稽之甚

【書】王宅憂亮陰三祀既免喪其惟弗言羣臣咸諫于王曰嗚呼知之曰明哲明哲實作則天子惟君萬

邦百官承式。王言惟作命不言。臣下罔攸稟令。王庸作書以誥曰。以台正于四方。台恐德弗類。茲故弗言。恭默思道。夢帝賚予良弼。其代予言。乃審厥象。俾以形旁求于天下。說築傅巖之野。惟肖爰立。作相。王置諸其左右。命之曰。朝夕納誨。以輔台德。若金用汝作礪。若濟巨川。用汝作舟楫。若歲大旱。用汝作霖雨。啓乃心沃朕心。若藥弗瞑眩。厥疾弗瘳。若跣弗視地。厥足用傷。惟暨乃僚。罔不同心。以匡乃辟。俾率先王。迪我高后。以康兆民。嗚呼。欽予時命。其惟有終。說復于王曰。惟木從繩則正。后從諫則聖。臣不命其承疇。敢不祇若王之休命。惟說命總百官。乃進于王曰。嗚呼。明王奉若天道。建邦設都。樹后王君公。承以大夫師長。不惟逸豫。惟以亂民。惟天聰明。惟聖時憲。惟臣欽若。惟民從乂。惟口起羞。惟甲冑起戒。惟衣裳在笥。惟干戈省厥躬。王惟戒茲。允茲克明。乃罔不休。惟治亂在庶官。官不及私昵。惟其能爵罔及惡德。惟其賢慮善以動。動惟厥時。有其善喪厥善。矜其能喪厥功。惟事事。乃其有備。有備無患。無啓寵納侮。無恥過作。非惟厥攸居。政事惟醇。黷于祭祀。時謂弗欽。禮煩則亂。事神則難。王曰。旨哉。說乃言。惟服。乃不良于言。予罔聞于行。說拜稽首曰。非知之艱。行之惟艱。王忱不艱。允協于先王成德。惟說不言有厥咎。王曰。來汝說。台小子舊學于甘盤。旣乃遯于荒野。入宅于河。自河徂毫。暨厥終罔顯。爾惟訓于朕志。若作酒醴。爾惟麴蘖。若作和羹。爾惟鹽梅。爾交修于罔。予棄予惟克邁。乃訓說曰。王人求多聞。時惟建事。學于古訓。乃有獲。事不師古。以克永世。匪說攸聞。惟學遜志。務時敏。厥修乃來。允懷于茲。道積于厥躬。惟數學半。

念終始典于學厥德修罔覺監于先王成憲其永無愆惟說式克欽承旁招俊乂列于庶位王曰嗚呼說四海之內咸仰朕德時乃風殷肱惟人良臣惟聖昔先正保衡作我先王乃曰予弗克俾厥后惟堯舜其心愧恥若撻于市一夫不獲則曰時予之辜佑我烈祖格于皇天爾尚明保予罔俾阿衡專美有商惟后非賢不乂惟賢非后不食其爾克紹乃辟于先王永綏民說拜稽首曰敢對揚天子之休命

〔書序〕高宗夢得誨使百工

營求諸野得諸傅巖作說命三篇○序意未盡

【說苑】成湯之後先王道缺刑法違犯桑穀俱生乎朝七日而大拱武丁召其相而問焉其相曰吾雖知之吾弗得言也問諸祖己桑穀者野草也而生於朝意者國亡乎武丁恐駭飭身修行思先王之政興滅國繼絕世舉逸民明養老三年之後蠻夷重譯而朝者七國〔尚書大傳〕湯之後武丁之前王道不振桑穀俱生於朝七日而大拱武丁懼側身修行三年之後重譯而朝者六國○劉向云高宗承商敝而起肅諒陰之哀天下靡之既復安定而意於政乃有桑穀之異○按桑穀見於太戊時矣豈又復見於武丁之時事語相類其舛誤必矣

【書】高宗彊日越有雊雉祖己曰惟先格王正厥事乃訓于王曰惟天監下民典厥義降年有永有不永非天天民民中絕命民有不若德不聽罪天既孚命正厥德乃曰其如台嗚呼王司敬民罔非天胤典祀無豐于昵〔書序〕高宗祭成湯有飛雉升鼎耳而雊祖己訓諸王作高宗彊日高宗之制○後篇亡

【史記】帝武丁祭成湯明日有飛雉登鼎耳而响武丁懼祖己曰王勿憂先修政事武丁修政行德天下咸驩殷道復興

【尚書大傳】武丁祭成湯有雉飛升鼎耳而雊。祖己曰：雉者野鳥升於鼎者欲爲用也。無則遠方將有來朝者。故武丁內反諸己以思先王之道。三年編髮重譯來朝者六國。孔子曰：吾於高宗彫日見德之有報之疾也。〔古今注〕雉尾扇起於殷世。高宗時有雉雉之祥。服章多用翟羽。

【詩】撻彼殷武。奮伐荆楚。采入其阻。裒荆之旅。有截其所。湯孫之緒。維女荆楚。居國南鄉。昔有成湯。自彼氐羌。莫敢不來享。莫敢不來王。曰商是常。天命多辟。設都于禹之績。歲事來辟。勿予禍。適稼穡。匪解天命。降監下民。有嚴不僭。不濫。不敢怠遑。命于下國。封建厥福。商邑翼翼。四方之極。赫赫厥聲。濯濯厥靈。壽考且寧。以保我後生。陟彼景山。松柏丸丸。是斷是遷。方斲是虔。松桷有梴。旅楹有閑。寢成孔安。〔易乾鑿度〕孔子曰：既濟九三。高宗伐鬼方。三年克之。殷道中衰。王道陵遲。至于高宗。內理其國。以得民心。扶救衰微。伐征遠方。三年而惡消滅。王道成。殷人高而宗之。文王挺以校易勸德也。○朱子疑鬼方即荆楚也。〔帝王世紀〕武丁有賢子孝己。其母蚤死。高宗感後妻之言。放之而死。天下哀之。

【史記】帝武丁崩。子帝祖庚立。祖己嘉武丁之以祥雉爲德。立其廟爲高宗。遂作高宗彫日及訓。○前編據高宗彫日。祖庚祭高宗也。〔紀年〕祖庚名曠。十一年。陟。

【禮記】書曰：高宗諒闇三年不言。善之也。王者莫不行此禮。何以獨善之也。曰：高宗者武丁。武丁者殷之賢王也。繼世卽位。而慈良於喪。當此之時。殷衰而復興。禮廢而復起。故善之。善之。故載之書中。而高之。故謂之高宗。三年之喪。君不言。書曰：高宗諒闇三年不言。此之謂也。然而曰言不文者。謂臣下也。喪服四制。

【詩】天命玄鳥降而生商。宅殷土芒芒。古帝命武湯。正域彼四方。方命厥后。奄有九有。商之先后。受命不殆。在武丁孫子武丁孫子武王靡不勝。龍旂十乘。大旛是承。邦畿千里。維民所止。肇域彼四海。四海來假。來假祈。景員維河。殷受命咸宜。百祿是何。〔詩序〕玄鳥。祀高宗也。

【史記】帝祖庚崩。弟祖甲立。是爲帝甲。帝甲淫亂。殷復衰。〔紀年〕庚丁名竈。八年。陵。帝甲淫亂。無逸稱祖甲爲迪哲之王。而史謂其淫亂。必史之誤也。國語云。玄王勤商。十有四世。帝甲亂之。七世而墮。蓋據此爲言耳。帝甲崩。子帝廩辛立。〔紀年〕馮辛名先。四年。陵。○古今人表。帝王世紀。俱作憑辛。帝廩辛崩。弟庚丁立。是爲帝庚丁。〔紀年〕庚丁名竈。八年。陵。帝庚丁崩。子帝武乙立。殷復去毫。徙河北。帝武乙無道。爲偶人。謂之天神。與之博。令人爲行。天神不勝。乃僇辱之。爲革囊盛血。仰而射之。命曰射天。武乙獵於河渭之間。暴雨雷震。死。〔紀年〕武乙名瞿。三年。大雷震死。子帝文丁立。〔紀年〕武丁名託。十三年。陵。帝文丁崩。子帝乙立。〔紀年〕帝乙名羨。九年。陵。

盤庚沒而殷衰。及武丁之爲太子也。舊勞於外。具明哲之資。卽位之初。甘盤爲相。王居亮陰。百官總已以聽。冢宰三年免喪。而猶弗言。是時甘盤告老歸政。以高宗之賢。可以言而不言。敬畏慎重。必求聖佐。以隆殷道。至誠所動。夢得良弼。總百官。資穀學用。能興起禮樂。嘉靖殷邦。朝諸侯。而有天下也。夫惟傳說之相業。比於阿衡。故武丁之君德。光於烈祖。商人尊而高之。是謂高宗。書載說命。以紀其始。易繫鬼方。以志其功。詩錄玄鳥殷武。以歌咏稱頌其德。蓋商自中葉衰微。戎狄交侵。荆楚之梗化尤甚。高宗奮伐有截。勳莫隆焉。豈楚俗家爲巫祝。神民雜糅。是所謂鬼方者邪。抑獯鬻方爲西北患。古公猶遷都避

之是卽高宗所伐而詩易各載其事與非高宗修德行政剛以用師則不能三年勝此勞故旣濟之九三高宗以之非傳說柔而能剛貞固不撓則不能三年終此役故未濟之九四傳說以之用以表極商邑肇域四海成中興之業而祔享祖廟也詎不宜哉若夫惑後妻而殺孝己豐昵廟而致雉異豈耄荒之年亦有失德乎然彤日之篇據書序以爲祖己爲高宗作也史記以爲爲祖庚作也自君而稱廟號果若追書之辭寧知非祖庚繹於高宗而有此祥乎史必別有所考而又牽於書序故兩存之而無所擇云

# 繹史卷十八

## 三代第八

### 周室始興

【史記】周后稷名弃。其母有邰氏女，曰姜原。姜原爲帝嚳元妃。姜原出野，見巨人蹟，心欣然說，欲踐之。踐之而身動如孕者，居期而生子，以爲不祥，弃之隘巷。馬牛過者皆辟不踐，徙置之林中，適會山林多人，遷之而弃渠中冰上，飛鳥以其翼覆薦之。姜原以爲神，遂收養長之。初欲弃之，因名曰弃。弃爲兒時，屹如巨人之志。其游戲好種樹麻菽。麻菽美，及爲成人，遂好耕農，相地之宜，宜穀者稼穡焉。民皆法則之。帝堯聞之，舉弃爲農師。天下得其利，有功。帝舜曰：「弃，黎民始飢爾。」后稷播時百穀，封弃于邰。號曰后稷，別姓姬氏。〔吳越春秋〕棄爲兒時，好種樹禾黍桑麻五穀。相五土之宜，青赤黃黑，陵水高下，粢穣黍禾，蕡麥豆稻，各得其理。堯遭洪水，人民泛濫，逐高而居，堯聘棄，使教民山居，隨地造區，妍整樹之術。三年餘，行人無飢乏之色。乃拜棄爲農師。封之邰。〔春秋元命苞〕稷岐顛自求，是謂好農。〔蓋象角亢〕載土食穀。

【詩】厥初生命，時維姜嫄。生民如何，克禋克祀。以弗無子。履帝武敏歆，攸介攸止。載震載夙，載生載育。時維后稷，誕彌厥月。先生如達，不拆不副。無菑無害，以赫厥靈。上帝不寧，不康禋祀。居然生子，誕寘之隘巷。牛羊腓字之，誕寘之平林。會伐平林，誕寘之寒冰。鳥覆翼之，鳥乃去矣。后稷呱矣，實覃實訏。厥聲載路，誕

實匍匐。克岐克嶷。以就口食。蓀之荏菽。荏菽旆旆。禾役穟穟。麻麥幪幪。瓜瓞唪唪。誕后稷之穡。有相之道。茀厥豐草。種之黃茂。實方實苞。實種實裹。實發實秀。實堅實好。實穎實栗。卽有邰家室。誕降嘉種。維秬維秬。維糜維芑。恆之秬秬。是稷是畝。恆之糜芑。是任是負。以歸肇祀。誕我祀如何。或春或揄。或簸或蹂。釋之叟叟。烝之浮浮。載謀載惟。取肅祭脂。取瓶以軾。載燔載烈。以興嗣歲。卬盛于豆。于豆于登。其香始升。上帝居歆。胡臭亶時。后稷肇祀。庶無罪悔。以迄于今。〔詩序〕生民。尊祖也。后稷生於姜嫄。文武之功起於后稷。故推以配天焉。○詩作於後王之世。而所述者后稷之功德。故錄於此。

•以證其事•  
餘倣此。

【史記】后稷之興。在陶唐虞夏之際。皆有令德。后稷卒。子不窶立。〔山海經〕西南黑水之間。有廣都之野。后稷葬焉。爰有膏蒼膏稻。膏黍膏稷。百穀自生。冬夏播琴。鸞鳥自歌。鳳鳥自儻。靈壽寶華。草木所聚。爰有百獸。相羣爰處。此草也。冬夏不死。后稷是播百穀。稷之孫曰叔均。是始作牛耕。稷之弟曰台璽。生叔均。叔均是代其父。及稷播百穀。始作耕。〔帝王世紀〕后稷納姞氏。生不窶。不窶末年。夏后氏政衰。去稷不務。不窶以失其官。而犇戎狄之間。不窶卒。子鞠立。鞠卒。子公劉立。○周按國語云。世后稷以服虞夏。言世稷官。是失其世數也。若以不窶親棄之子。至文王千餘歲。惟十五代。實不合事情。又歐陽公。洪容齋。羅長源。皆辯其非。

【吳越春秋】公劉慈仁。行不履生草。運車以避葭葦。公劉避夏桀於戎狄。變易風俗。民化其政。〔漢書〕周之先。自后稷

【詩】篤公劉。匪居匪康。迺場迺疆。迺積迺倉。迺裹餓糧。于橐于囊。思輯用光。弓矢斯張。干戈戚揚。爰方啓行。篤公劉。于胥斯原。旣庶旣繁。旣順迺宣。而無永歎。陟則在巘。復降在原。何以舟之。維玉及瑤。韁琫容刀。

篤公劉。逝彼百泉。瞻彼溥原。迺覩于京。京師之野。于時處處。于時廬旅。于時言言。于時語語。篤公劉。于京斯依。踰踰濟濟。俾筵俾几。旣登乃依。乃造其曹。執豕于牢。酌之用匏。食之飲之。君之宗之。篤公劉。旣溥旣長。旣景迺岡。相其陰陽。觀其流泉。其軍三單。度其隰原。徹田爲糧。度其夕陽。豳居允荒。篤公劉。成王也。成王將治政。戒以民事。  
美公劉之厚於民。而獻是詩也。

〔詩序〕公劉

【史記】公劉雖在戎狄之間。復修后稷之業。務耕種。行地宜。自漆沮度渭。取材用。行者有資。居者有畜。積民賴其慶。百姓懷之。多徙而保歸焉。周道之興自此始。故詩人歌樂思其德。公劉卒。子慶節立。國於豳。慶節卒。子皇僕立。皇僕卒。子差弗立。差弗卒。子毀隃立。毀隃卒。子公非立。公非卒。子高圉立。高圉卒。子亞圉立。亞圉卒。子公叔祖類立。公叔祖類卒。子古公亶父立。

〔世本〕公劉。慶節。皇僕。差弗。爲渝。公非。辟方。高圉。侯卒。亞圉。靈都。太公。組紝。諸懿。亶父。

〔漢書〕靈都。亞圉弟。〔紀年〕殷祖乙十五年。命鄧侯高圉。盤庚十九年。命

鄧侯亞圉。祖甲十三年。命鄧侯組紝。○宋忠云。高圉能率稷者也。周人報之。古公亶父。復修后稷公劉之業。

積德行義。國人皆戴之。薰育戎狄攻之。欲得財物。予之已。復攻。欲得地。與民。民之在我。與其在彼。何異。民欲以我故戰。殺人父子而君之。君將以利之。今戎狄所爲攻戰。以吾地與民。民之在我。與其在彼。何異。民欲以我故戰。殺人父子而君之。予不忍爲。乃與私屬遂去。豳渡漆沮。踰梁山。止於岐下。豳人舉國扶老攜弱。盡復歸古公於岐下。及他旁國。聞古公仁。亦多歸之。於是古公乃貶戎狄之俗。而營築城郭室屋。而邑別居之。作五官有司。民皆歌樂。

之頌其德。

【莊子】太王亶父居邠。狄人攻之事之以皮帛而不受。事之以犬馬而不受。事之以珠玉而不受。狄人之所求者土地也。太王亶父曰：與人之兄居而殺其弟。與人之父居而殺其子。吾不忍也。子皆勉居矣。爲吾臣與爲狄人臣奚以異？且吾聞之不以所用養害所養。因杖策而去之。民相連而從之。遂成國於岐山之下。

【吳越春秋】古公杖策去邠。踰梁山而處岐周。曰：彼君與我何異？邠人父子兄弟相帥負老攜幼。揭釜甑而歸古公。居三月成城郭。一年成邑。二年成都。而民五倍其初。〔琴苑要錄〕岐山操。周太王之所作也。曰：狄兮。誰者知。嗟嗟奈何兮。予命遭斯。

【詩】緜緜瓜瓞。民之初生。自土沮漆。古公亶父。陶復陶穴。未有家室。古公亶父來朝走馬。率西水滸。至于岐下。爰及姜女。聿來胥宇。周原膴膴。堇荼如饴。爰始爰謀。爰契我龜。曰止曰時。築室于茲。迺慰迺止。迺左迺右。迺疆迺理。迺宣迺畝。自西徂東。周爰執事。乃召司空。乃召司徒。俾立室家。其繩則直。縮版以載。作廟翼翼。捄之陁陁。度之薨薨。築之登登。削屢馮馮。百堵皆興。鼙鼓弗勝。迺立臯門。臯門有伉。迺立應門。應門將將。迺立冢土。戎醜攸行。肆不殄厥愾。亦不隕厥問。柞棫拔矣。行道兑矣。混夷駢矣。維其喙矣。〔詩序〕緜緜由大王也。皇矣上帝。臨下有赫。監觀四方。求民之莫。維此二國。其政不獲。維彼四國。爰究爰度。上帝眷之。憎

其式廓乃眷西顧。此維與宅。作之屏之。其蓄其翳。修之平之。其灌其枿。啓之辟之。其檼其椐。攘之剔之。其  
鑿其柘。帝遷明德。串夷載路。天立厥配。受命既固。○皇矣前二章。〔列女傳〕太姜首有呂氏之女。大王娶以事遷徙。必與太姜。

【史記】古公有長子曰太伯。次曰虞仲。太姜生少子季歷。季歷娶太任。皆賢婦人。生昌。有聖瑞。古公曰。我世當有興者。其在昌乎。長子太伯虞仲知古公欲立季歷以傳昌。乃二人亡如荆蠻。文身斷髮。以讓季歷。古公卒。季歷立。是爲公季。〔論衡〕太王薨。太伯還。王季避之。太伯再讓。王季不聽。三讓。曰。吾之吳越。吳越之俗。斷髮文身。吾刑餘之人。不可爲宗廟社稷之主。王季知不可。權而受之。〔韓詩外傳〕太王賢昌。而欲季爲後也。太伯去之吳。太王將死。謂曰。我死。汝往讓兩兄。彼即不來。汝有義而安。太王薨。季之吳。告伯仲。伯仲從季而歸。羣臣欲伯之立季。季又讓。伯謂仲曰。何以處之。仲曰。刑有所謂矣。要於扶微者可。以立季。季遂立而養文王。文王果受命而王。孔子曰。太伯獨見。王季獨知。伯見父志。季知父心。故太王太伯王季。可謂見始知終。而能承志矣。王季獨知。公季修古公遺道。篤行仁義。諸侯順之。

【詩】帝省其山。柞棫斯拔。松柏斯兌。帝作邦作對。自大伯王季。維此王季。因心則友。則友其兄。則篤其慶。載錫之光。受祿無喪。奄有四方。維此王季。帝度其心。貊其德音。其德克明。克明克類。克長克君。王此大邦。克順克比。比于文王。其德靡悔。既受帝祉。施于孫子。○皇矣三章四章。

【後漢書】武乙暴虐。犬戎寇邊。周公踰梁山而避於岐下。及子季歷。遂伐西落鬼戎。太丁之時。季歷復伐燕京之戎。戎人大敗周師。後二年。周人克余無之戎。於是太丁命季歷爲牧師。自是之後。更伐始呼驩。

徒之戎皆克之。〔紀年〕武乙二十四年·周公季歷來朝·王賜地三十里·五十殷·馬十四匹·三十五年·周王季伐西落王季命爲殷牧師·七年·周人伐始呼之戎·克之·十一年·周人伐驕徒之戎·捷其三大夫·王嘉季歷之功·賜之圭瓚秬鬯·九命爲伯·既而執諸塞庫·季歷困而死·〔孔叢子〕羊容問子思曰·古之帝王·中分天下·使二公治之·謂之二伯·周自后稷·封爲王者後·子孫據國·至太王王季文王·此固世爲諸侯矣·焉得爲四伯乎·子思曰·吾聞諸子夏·殷王帝乙之時·王季以功·九命作伯·受圭瓚秬鬯之賜·故文王因之得專征伐·此以諸侯爲伯·猶周召之君爲伯也·

周室以仁厚始基·開國承家·世有令德·歷夏商千有餘載·王業始成·祚年八百·本固者其枝茂·原深者其流長也·后稷在陶唐虞夏之際·播時百穀·受封有邰·功誠偉矣·使其世嗣農官·守土保邦·俾無廢先人之業·宜足以報其厚德矣·顧不數傳而不啻失官·竄於戎翟·公劉際夏桀之虐·亶父遭獯鬻之逼·轉徙播遷·如是其艱難也·曰·非憂患無以啓賢聖·非積累無以基崇高·史稱公劉修后稷之業·生聚再繁·邦家再盛·周道之興自此·故詩人歌思其德·當其相宜取材·行有資而居有積·可想而知其度地建國·和輯人民之規焉·篤公劉之所以列於大雅也·務勤耕桑·占天時·察物候·可想其重農力本·孝慈忠愛之俗焉·七月之所以錄於豳風也·傳曰·厲山氏有子曰杜·能殖百穀·故祀以爲稷·周棄亦爲稷·自商以來祀之·蓋商有天下·變置社稷·以周棄之功多·廢柱立棄·以報有德·而豳侯亦承公劉新造之國·蒙業而安者十有餘世·逮殷衰而狄人內訌·豳於是不遑寧處矣·方獯鬻之來侵也·太王曰·狄人之所求者土地也·吾不忍以所用養害所養·遂杖策而去之·夫國之所以爲國者·以有土·土之所以爲土者·以有人也·棄人與土·寧必其有以立吾國者·惟太王弗欲以土地之故·殘民於鋒鏑·國之存亡不計焉·於是豳人

相帥負老攜幼而從之，遂居於岐山之下。一年成邑，二年成都，旁國亦多歸之。其民五倍。詩所謂爰契我龜，憎其式廓者也。惟時太王之少子季歷生昌，實有聖瑞。太王曰：興吾世者，其在昌乎。長子泰伯及弟仲雍，望風知指，相率而逃荆蠻。泰伯讓國於季歷，季歷傳文王，文王傳武王，終有天下。是所讓者國，而所以讓者天下也。故曰：三以天下讓，民無得而稱焉。傳曰：太王有翦商之志，泰伯不從，是以不嗣。說詩者可謂以文害辭矣。詩稱至于太王，實始翦商。謂太王避狄遷岐，百姓歸其仁，周家代商之業，實始基於此云爾。文王猶勤服事之節，豈太王遽有圖商之志？且是時受辛未作，商命未改，太王方棄國於可禦之狄，乃欲取天下於未亂之商，豈不厚誣哉？至如泰伯，不過一亡公子，採藥荆蠻，而人心歸之，遂啓吳國，假令因岐山之舊邦，他日商周之際，寧不足以朝諸侯而有天下？則謂之以天下讓也，其誰曰不然。



# 繹史卷十九

## 三代第九

### 文王受命

【列女傳】太任者，摯任氏中女也。王季娶爲妃。太任之性，端一誠莊，惟德之行，及其有娠，目不視惡色，耳不聽淫聲，口不出惡言。能以胎教，洩於豕牢而生文王。文王生而明聖。太任教之以一而識百，君子謂太任爲能胎教。古者婦人妊子，寢不側坐，不邊立，不躡，食不邪味，割不正，不食席，不正不坐，目不視於邪色，耳不聽於淫聲。夜則令瞽誦詩道正事。如此，則生子形容端正，才必過人矣。〔宋書符瑞志〕初黃帝之世，讖言命發行誅，旦行道及公劉之後，十三世而生季歷。季歷之十年，飛龍盤於殷之牧野。此蓋聖人在下位將起之符也。季歷之妃曰太任，夢長人感己，淡于豕牢而生昌。是爲周文王。龍顏虎肩，身長十尺，胸有四乳。〔白虎通〕文王四乳，是謂含良。蓋法酒旗，布恩舒明。〔春秋元命苞〕文王四乳，是謂含良。蓋法酒旗，布恩舒明。〔文王龍顏柔肩望羊〕昌制言是謂至仁。天下所歸，百姓所親。〔春秋合誠圖〕昌制言是謂至仁。天下所歸，百姓所親。〔雜書蠻準聽〕蒼帝姬昌，日角鳥鼻，長八尺二寸，聖智慈祥也。〔春秋合誠圖〕蒼帝姬昌，日角鳥鼻，長八尺二寸，聖智慈祥也。帝之爲人，望之廣視之專，而長九尺一寸。

【詩】摯仲氏任，自彼殷商來嫁于周。曰嬪于京，乃及王季。維德之行，大任有身。生此文王，小心翼翼，昭事上帝。聿懷多福，厥德不回。以受方國。○大明二章三章

【禮記】文王之爲世子，朝於王季。日三雞初鳴而衣服，至於寢門外，問內豎之御者曰：今日安否？何如？內

豎曰安文王乃喜及日中又至亦如之及莫又至亦如之其有不安節則內豎以告文王文王色憂行不能正履王季復膳然後亦復初食上必在視寒煖之節食下問所膳命膳宰曰未有原應曰諾然後退文王世子〔亢倉子〕文王之爲太子也其孝大矣寺人言疾太子肅冠而齋膳宰之饌必敬視之湯液之貢必親嘗之嘗饌善則太子亦能食嘗饌寡則太子亦不能飽以至於復初然後亦復初君后有過怡聲以諷君后所愛雖小物必嚴翼是以孝成於身道洽天下

【史記】公季卒子昌立是爲西伯西伯曰文王遵后稷公劉之業則古公公季之法篤仁敬老慈少禮下賢者日中不暇食以待士士以此多歸之

【墨子】文王封於岐周絕長繼短方地百里與其百姓兼相愛交相利則是以近者安其政遠者歸其德聞文王者皆起而趨之罷不肖股肱不利者處而願之曰奈何乎使文王之地及我吾則吾利豈不亦猶文王之民也哉文王之治西土若日若月乍光于四方于西土不爲大國侮小國不爲衆庶侮鰥寡不爲暴勢奪穡人黍稷狗彘天屑臨文王慈是以老而無子者有所得終其壽連獨無兄弟者有所雜於生人之間少失其父母者有所放依而長

○有脫誤

【呂氏春秋】周文王立國八年歲六月文王寢疾五日而地動東西南北不出國郊百吏皆請曰臣聞地之動爲人主也今王寢疾五日而地動四面不出周郊羣臣皆恐曰請移之文王曰若何其移之也對曰興事動衆以增國城其可以移之乎文王曰不可夫天之見妖也以罰有罪也我必有罪故天以此罰我

也。今故興事動衆以增國城是重吾罪也不可。文王曰：「昌也請改行重善以移之其可以免乎？」於是謹其禮秩皮革以交諸侯，飾其辭令幣帛以禮豪士，頒其爵列等級田疇以賞羣臣，無幾何疾乃止。文王卽位八年而地動已動之後四十三年凡文王立國五十一年而終此文王之所以止殃翦妖也。

【列女傳】太姒者有嫗姒氏之女仁而明道文王嘉之親迎於渭造舟爲梁及入太姒思媚太姜太任旦夕勤勞以進婦道太姒號曰文母文王理陽道以治外文母理陰道以治內太姒生有十男長伯邑考次則武王發次則周公旦次則管叔鮮次則蔡叔度次則曹叔振鐸次則霍叔武次則成叔處次則康叔封次則聃季載太姒教誨十子自少及長未嘗見邪辟之事卒成武王周公之德○管叔周公之兄也大絕云周公爲世子此誤有莘氏曰太姒太姒不妒忌而西伯有內行此德政之所以流布而風化之所以大興也。

【詩】天監在下有命旣集文王初載天作之合在洽之陽在渭之涘文王嘉止大邦有子大邦有子俛天之妹文定厥祥親迎于渭造舟爲梁不顯其光有命自天命此文王于周于京纘女維莘長子維行篤生武王保右命爾燮伐大商○大明四五六年章思齊大任文王之母思媚周姜京室之婦大姒嗣徽音則百斯男惠于宗公神罔時怨神罔時恫刑于寡妻至于兄弟以御于家邦雔雔在宮肅肅在廟不顯亦臨無射亦保肆戎疾不殄烈假不瑕不聞亦式不諫亦入肆成人有德小子有造古之人無斁譽髦斯士○詩序思齊文王所以聖也關關雎鳩在河之洲窈窕淑女君子好逑參差荇菜左右流之窈窕淑女寤寐求之求之不得寤寐思服

悠哉悠哉。輾轉反側。參差荇菜。左右采之。窈窕淑女。琴瑟友之。參差荇菜。左右芼之。窈窕淑女。鐘鼓樂之。  
〔詩序〕關雎。后妃之德也。風之始也。所以風天下而正夫婦也。故用之鄉人焉。用之邦國焉。嗣。風也。教也。風以動之。教以化之。詩者。志之所之也。在心爲志。發言爲詩。情動於中。而形於言。言之不足。故嗟歎之。嗟歎之不足。故永歌之。永歌之不足。不知手之舞之。足之蹈之也。情發於聲。聲成文。謂之音。治世之音安以樂。其政和。亂世之音怨以怒。其政乖。亡國之音哀以思。其民困。故正得失。動天地。感鬼神。莫近乎詩。先王以是經夫婦。成孝敬。厚人倫。美教化。移風俗。故詩有六義焉。一曰風。二曰賦。三曰比。四曰興。五曰雅。六曰頌。上以風化下。下以風刺上。主文而諧諫。言之者無罪。聞之者足以戒。故曰風。至於王道衰。禮義廢。政教失。國異政。家殊俗。而變風變雅之作矣。國吏明乎得失之迹。傷人倫之廢。哀刑政之苛。吟詠情性。以風其上。達於事變。而憫其舊俗者也。故變風發乎情。止乎禮義。辨乎情。民之性也。止乎禮義。先王之澤也。是以一國之事。繫一人之本。謂之風。言天下之事。形四方之風。謂之雅。雅者。正也。言王政之所由廢興也。政有小大。故有小雅焉。有大雅焉。頌者。美盛德之形容。以其成功告於神明者也。是謂四始。詩之至也。然則關雎麟趾之化。王者之風。故繫之周公。南。言化自北而南也。鵲巢鶡虞之德。諸侯之風也。先王之所以教。故繫之召公。周南召南。正始之道。王化之基。是以關雎樂得淑女以順君子。憂在進賢不淫其色。哀窈窕思賢才。而無傷善之心焉。是關雎之義也。○朱子以詩者志之所之也。至詩之至也爲大序。其餘首尾爲本篇。

葛之覃兮。施于中谷。維葉萋萋。黃鳥于飛。集于灌木。其鳴喈喈。葛之覃兮。施于中谷。維葉莫莫。是刈是濩。爲緺爲紩。服之無斁。言告師氏。言告言歸。薄汚我私。薄澣我衣。害澣害否。歸寧父母。采采卷耳。不盈頓筐。嗟我懷人。寘彼周行。陟彼崔嵬。我馬虺隕。我姑酌彼金罍。維以不永懷。陟彼高岡。我馬玄黃。詵詵兮。宜爾子孫振振兮。螽斯羽。薨薨兮。宜爾子孫繩繩兮。螽斯羽。揖揖兮。宜爾子孫蟄蟄兮。螽斯羽。子云。在父母家一句未安。卷耳。后妃之志也。又當轉佐君子。求賢審官。知臣下之勤勞。內有進賢之志。而無諱謬。朱后妃在父母家。則志在於女功之事。躬儉節用。服澣濯之衣。尊敬師傅。則可以歸安父母。化天下以婦道也。○朱后妃之本

嫉妬之心焉。朝夕思念。至於憂勤也。樛木。后妃逮下也。言能逮下。而無

桃之夭夭。灼灼其華。之子于歸。宜其

〔詩序〕桃夭。妃之所以致也。

室家桃之夭夭。有蕡其實。之子于歸。宜其家室。桃之夭夭。其葉蓁蓁。之子于歸。宜其

〔詩序〕后妃之所致也。

姻以時。則男女以正。婚肅肅兔罝。施于中林。赳赳武夫。公侯腹心。〔詩序〕兔罝。后妃之化也。關雎之化行。則莫不好德。賢人衆多也。朱子曰。此序首句非是。金仁山曰。按墨子書。文王舉闢天泰顚於罝網之中。此事於兔罝之詩最爲暗合。

采采芣苢。薄言掇之。采采芣苢。薄言擣之。采采芣苢。薄言茹之。

〔詩序〕芣苢。后妃之美也。和平。則婦人樂有子矣。

〔列女傳〕宋人之女嫁於蔡。而夫有惡疾。其母將改嫁之。女曰。夫之不幸。乃妾之不幸也。女

奈何去之。且夫采芣苢之草。雖其臭惡。猶始於將采之。終於擣之。沒以益親。況於夫婦之道乎。終不聽其母。乃作芣苢之詩。〔韓詩內傳〕芣苢。傷夫也。

南有喬木。不可休息。漢有游女。

不可求思。漢之廣矣。不可泳思。江之永矣。不可方思。翹翹錯新言。刈其楚之子于歸。言秣其馬。漢之廣矣。不可求思。漢之廣矣。不可泳思。江之永矣。不可方思。翹翹錯新言。刈其蕡。之子于歸。言秣其駒。漢之廣矣。不可泳思。江之永矣。不可方思。之域。無思犯禮。求而不可得也。〔韓詩內傳〕漢廣。說人也。

〔韓詩內傳〕漢廣。說人也。

遵彼汝墳。伐其條枚。未見君子。惄如

調饑。遵彼汝墳。伐其條肄。旣見君子。不我遐棄。鯀魚頰尾。王室如燬。雖則如燬。父母孔邇。

〔詩序〕汝墳。道化行也。文王之道

化。行乎汝墳之國。婦人能閨其君子。猶勉之以正也。〔韓詩內傳〕汝墳。辭家也。

〔韓詩內傳〕汝墳。辭家也。

賴亦也。焜烈火也。言勸魚鯀。則尾亦。君子勞苦。則顏色變。以王室政教如烈火矣。猶觸冒而往者。以父母甚道近無。飢寒之憂。爲此祿仕。〔列女傳〕周南大夫。受命平治水土。過時不來。長恐其懈於王事。言國家多難。惟勉強之。

無有譴怒。遺父母憂。夫鳳皇不罹於蔚羅。麒麟不入於陷穽。蛟龍不反於枯澤。鳥獸猶知避害。而況於人乎。生於亂世。迫於暴虐。不得行義。然而仕者。爲父母在故也。乃作詩曰。勸魚頷尾。王麟之趾。振振公子。于嗟麟兮。麟之室如毀。雖則如毀。父母孔邇。蓋不得已也。君子是以知周南之妻能匡夫也。王

定振振公姓于嗟麟兮麟之角振振公族于嗟麟兮〔詩序〕麟之趾·闢唯之應也·闢唯之化行·則天下無犯非禮維鵠有巢維鳩居之之子于歸百兩御之維鵠有巢維鳩方之之子于歸百兩將之維鵠有巢維鳩盈之之子于歸百兩成之于以采繁于沼于沚于以用之公侯之事于以采繁于澗之中于以用之公侯之宮被之僮僮夙夜在公被之祁祁薄言還歸喫喫草蟲趯趯阜螽未見君子憂心忡忡亦旣見止亦旣觀止我心則降陟彼南山言采其蕨未見君子憂心惙惙亦旣見止亦旣觀止我心則說陟彼南山言采其薇未見君子我心傷悲亦旣見止亦旣觀止我心則夷于以采蘋南澗之濱于以采藻于彼行潦于以盛之維筐及筥于以奠之宗室牖下誰其尸之有齊李女〔詩序〕鵠巢·夫人之德也國君積行累功以致爵位·夫人起家居而有之·德如鳴鳩乃可以配焉·采蘋·夫人不失職也·夫人可以奉祭祀則不失職矣·草蟲·大夫妻能以禮自防也·采蘋·大夫妻能循法度也·能循法度則可以承先祖共祭祀矣·羔羊之皮素絲五紵退食自公委蛇委蛇羔羊之革素絲五緘委蛇委蛇自公退食羔羊之縫素絲五總委蛇委蛇退食自公殷其靁在南山之陽何斯違斯莫敢或遑振振君子歸哉歸哉殷其靁在南山之下何斯違斯莫或遑處振振君子歸哉歸哉〔詩序〕羔羊·鵠巢之功致也·召南之國化文王之政·在位皆節儉正直·德如羔羊也·殷其靁·勸以義也·不遑寧處其室家·能閔其勤勞·勸以義也·〔薛君章句〕小者曰羔·大者曰羊·素·喻潔白·絲·喻屈柔·紵·敷名也·詩人賢仕爲大夫者·言其德能稱有潔白之性·屈柔之行·進退有度數也·疇彼小星三五在東肅肅宵征夙夜在公寔命不同疇彼小星維參與昴肅肅宵征抱衾與裯寔命不猶江有汜之子歸不我以不我以其後也悔江有渚之子歸不我與

不我與其後也。處江有沱之子歸。不我過。不我過。其嘯也歌。〔詩序〕小星·惠及下也。夫人無妒忌之行。惠及妾。進御於君。知其命有貴賤。能盡其心矣。

江有汜·美麟也。勤而無怨。嫡能悔過也。文王之時。江有汜

之間。有嫡不以其踰備敬。踰遇勞而無怨。嫡亦自悔也。

三兮求我庶士。迨其今兮。標有梅頃筐暨之。求我庶士。迨其吉兮。標有梅其實。

誘之林有樸。楸野有死鹿。白茅純束。有女如玉。舒而脫脫兮。無感我帨兮。無使尨也吠。

〔詩序〕標有梅。男

女及時也。召南之

國。被文王之化。男女得以及時也。野有死麕。懲無禮也。天下大亂。彊暴相陵。遂成淫風。被文王之化。雖當亂世。猶惡無禮也。

彼苗者葭。壹發五穀。于嗟乎騶虞。彼苗者

蓬。壹發五穢。于嗟乎騶虞。〔詩序〕騶虞。鵠集之應也。鵠集之化行。人倫既正。朝廷既治。天下純被文王之化。則庶

獸者也。天子佐與十乘。以明貴也。一牲而食。以優飽也。虞人翼五祀以待一發。所以復中也。

〔齊詩章句〕騶虞爲天子掌鳥獸官。〔儀禮注〕射義曰。騶虞者。樂官備也。其詩有一發五穀五穢者。

嗟騶虞之言。樂得賢者衆多。嘆思至仁之人。以充其官。○朱子曰。至成王時。周公制禮作樂。乃采文王之世。風化所

及。民俗之詩。以爲房中之樂。推之以及於鄉黨邦國。所以著明先王風俗之盛。使天下後世皆得以取法焉。

〔詩傳〕文

王之妃姬氏。思得淑女以共內職。賦關雎。太姐將歸寧而賦葛覃。文王得良臣于野。周人美之。賦兔罝。受辛無

道。商人慕文王而歸之。賦汝墳。小臣奉使。而勤勞于公。賦小星。虞人克舉其職。國史美之。賦騶虞。○詩傳近世爲作。然采集舊說。多有合者。

【史記】伯夷、叔齊在孤竹。聞西伯善養老。盍往歸之。太顚、閼夭、散宜生、鬻子、辛甲、大夫之徒。皆往歸之。

〔荀子〕閼夭之狀。面無見膚。〔鬻子〕昔文王見鬻子。年九十。文王曰。嘻。老矣。鬻子曰。若使臣捕虎逐麋。臣已矣。坐策國事。臣年尚少。○意林引。〔劉向別錄〕辛甲。故殷之臣。事紂。蓋七十五。諫而不聽。去至周。召公與語。賈之。告文王。文王親自迎之。以爲公卿。封長子。〔漢書〕道家。鬻子二十二篇。辛甲二十九篇。小說家。鬻子說十九篇。〔帝王世紀〕太顚。閼夭。散宜生。南宮适。之屬咸至。是爲四臣。文王雖在諸侯之位。襲父爲西伯。

【新書】周文王問於鬻子曰。敢問君子將入其職。則其於民也。何如。鬻子對曰。唯疑。請以上世之政。詔於

君王政曰。君子將入其職。則其於民也。旭旭然如日之始出也。文王曰。受命矣。曰。君子既入其職。則其於民也。何若。對曰。君子既入其職。則其於民也。曠曠然如日之正中也。文王曰。受命矣。曰。君子既去其職。則其於民也。何若。對曰。君子既去其職。則其於民也。暗暗然如日之已入也。故君子將入而旭旭者。義先聞也。既入而曠曠者。民保其福也。既去而暗暗者。民失其教也。文王曰。受命矣。

【鬻子】政曰。昔者文王問於鬻子。敢問人有大忘乎。對曰。有。文王曰。敢問大忘奈何。鬻子曰。知其身之惡而不改也。以賊其身。乃喪其軀。其行如此。是謂之大忘。政曰。君子不與人謀之。則已矣。若與人謀之。則非道無由也。故君子之謀。能必用道。而不能必見受。能必忠。而不能必入。能必信。而不能必見信。君子非人者。不出之於辭。而施之於行。故非非者行見惡。惡者行善。而道諭矣。不肖者不自謂不肖也。而不肖見於行。雖自謂賢人。猶謂之不肖也。愚者不自謂愚。而愚見於言。雖自謂智人。猶謂之愚。夫國者。卿相世賢者有之。有國無國智者治之。智者非一日之謀。治者非一日之治。志治謀在於帝王。然後民知所保。而知所避。發教施令爲天下福者。謂之道。上下相親。謂之和。民不求而得。所欲謂之信。除去天下之害。謂之仁。仁與信和與道。帝王之器。凡萬物皆有器。故欲有爲不行其器者。雖欲有爲不成。諸侯之欲王者亦然。不用帝王之器者不成。天地闢而萬物生。萬物生而人爲政焉。無不能生而無殺也。唯天地之所以殺人不能生。人化而爲善。獸化而爲惡。人而不善者。謂之獸。有天然後有地。有地然後有別。有別然後

有義，有義然後有教。有教然後有道。有道然後有理。有理然後有數。日有冥有旦。有晝有夜。然後以爲數。月一盈一虧。月合月離。以數紀。四者皆陳。以爲數治政者。衛也。始終之謂衛。昔之帝王所以爲明者。以其吏也。昔之君子。其所以爲功者。以其民也。力生於神。而功最於吏。福歸於君。昔者五帝之治天下也。其道昭昭。若日月之明。然若以晝代夜。然故其道若首。然萬世爲福。萬世爲教者。唯從黃帝以下。舜禹以上而已矣。君王欲緣五帝之道而不失。則可以長久。政曰。民者。賢不肖之杖也。賢不肖皆具焉。故賢人得焉。不肖人休焉。杖能側焉。忠信飾焉。民者。積愚也。雖愚。明王選吏焉。必使民興焉。士民與之。明上舉之。士民苦之。明上去之。故王者取吏不忘必使。民唱然後和。民者。吏之程也。察吏於民。然後隨政。曰。民者。至卑也。而使之取吏焉。必取所愛。故十人愛之。則十人之吏也。百人愛之。則百人之吏也。千人愛之。則千人之吏也。萬人愛之。則萬人之吏也。故萬人之吏選卿相矣。卿相者。諸侯之丞也。故封侯之士秩出焉。卿相。君侯之本也。聖人在上。賢士百里而有一人。則猶無有也。王道衰微。暴亂在上。賢士千里而有一人。則猶比肩也。○今鬻子書篇名次第殘缺。非全書也。子書莫先於此。

【列子】鬻熊語文王曰。自長非所增。自短非所損。算之所亡。若何。鬻子曰。欲剛必以柔守之。欲強必以弱保之。積於柔必剛。積於弱必強。觀其所積。以知禍福之鄉。強勝不若已。至於若己者。剛柔勝出於己者。其力不可量。鬻熊曰。運轉無已。天地密移。疇覺之哉。故物損於彼者盈於此。成於此者虧於彼。損益成

虧隨生隨死往來相接聞不可省疇覺之哉。○此所以列於道家也

【史記】帝乙立殷益衰。帝乙長子曰微子啓。啓母賤。不得嗣。少子辛。辛母正后。辛爲嗣。帝乙崩。子辛立。是爲帝辛。天下謂之紂。

【呂氏春秋】紂之同母三人。其長曰微子啓。其次曰仲衍。其次曰受德。受德乃紂也。甚少矣。紂母之生微子啓與仲衍也。尙爲妾已而爲妻。而後生紂。紂之父。紂之母。欲置微子啓以爲太子。太史據法而爭之。曰。有妻之子而不可置妾之子。紂故爲後。用法若此。不若無法。○據史記·微子蓋紂異母庶兄。

【史記】帝紂資辨捷疾。聞見甚敏。材力過人。手格猛獸。知足以距諫。言足以飾非。矜人臣以能。高天下以聲。以爲皆出己之下。○論衡·紂方能索鐵申鉤·撫梁易柱·長巨姣美·天下之傑也·筋力越勁·百人之敵也·然而身死國亡·爲天下大僇·後世貽惡·則必稽焉。〔新書〕紂自謂天王。

【周書】昔在文王。商紂竝立。困於虐政。將弘道以弼無道。作度訓。天生民而制其度。度小大以正權。輕重以極明。本末以立中。立中以補損。補損以知足。口爵以明等。極極以正民。正中外以成命。正上下以順政。政以內。口。自邇彌興。自遠遠邇備。極終也。口。微補在。口。分微在。明。明王是以敬微而順分。分次以知和。知和以知樂。知樂以知哀。哀樂以知慧。內外以知人。凡民生而有好有惡。小得其所好則善。大得其所好則樂。小遭其所惡則憂。大遭其所惡則哀。凡民之所好惡。生物是好。死物是惡。民至有好而不讓。不

從其所好必犯法無以事上民至有惡不讓不去其所惡必犯法無以事上偏行於此尙有頑民而況曰以可去其惡而得其所好民能居乎若不口力何以求之力爭則力政力政則無讓無讓則無禮無禮雖得所好民樂乎若不樂乃所惡也凡民不忍好惡不能分次不次則奪奪則戰戰則何以養老幼何以救痛疾死喪何以胥役也明王是以極等以斷好惡教民次分力竟任壯養老長幼有報民是以胥役也夫力竟非衆不尅衆非和不衆和非中不立中非禮不慎禮非樂不履明王是以無樂非人無哀非人人是以衆人衆賞多罰少政之美也罰多賞少政之惡也罰多則困賞多則乏乏則無醜教乃不至是以民主明醜以長子孫子孫習服鳥獸仁德士宜天時百物行治治之初廢初哉治化則順是故無順非厲長幼成而生曰順極上失其道民失其業口口凶年作糴匡成年年穀足賓祭祭以盛大馴鐘絕服美義淫阜畜約制餘子務藝宮室城廓修爲備洪有嘉菜於是日滿年儉穀不足賓祭以中盛樂唯鐘鼓不服美三牧五庫補攝凡美不修餘子務穡於是糴秩年饑則勤而不賓舉祭以薄樂無鐘鼓凡美禁書不早羣車不雕攻兵備不制民利不淫征當商旅以救窮乏聞隨卿下鬻塾分助有匡以綏無者於是救困大荒有禱無祭國不稱樂企不滿壑刑罰不修舍用振穹君親巡方卿參告糴餘子倅運開口同食民不藏糧樂宮不幃嫁娶不以時賓旅設位有賜○冢宰制國用大司徒荒政成周規模已略具於此矣

【禮記】文王之祭也。事死者如事生。思死者如不欲生。忌日必哀。稱諱如見親祀之忠也。如見親之所愛。如欲色然。其文王與。詩云。明發不寐。有懷二人。文王之詩也。祭之明日。明發不寐。饗而致之。又從而思之。祭之日。樂與哀半。饗之必樂。已至必哀。○〔紀年〕紂六

〔祭義〕祀周文王初輸于畢。

【史記】好酒淫樂。嬖於婦人。愛妲己。妲己之言是從。

〔紀年〕帝辛九祀。伐有蘇。獲妲己以歸。○前編在八祀。

之。誅。於是使師涓作新淫聲。北里之舞。靡靡之樂。

〔釋名〕空侯。師延所作靡靡之樂也。後出於梁間。上之地。蓋空國之侯所存也。

〔列女傳〕如已嬖辛於紂。妲己之所譽。歲之。妲己之所憎。

世遵此職。至師延。精述陰陽。曉明象緯。莫測其爲人。世載達絕。

〔拾遺記〕師延者。殷之樂人也。設樂以來禱修三皇五帝之樂。攜一絃琴。則地祇皆升。吹玉律。則天神俱降。當軒轅之時。年已數百歲。聽表國樂聲。以審興亡之兆。至夏末。抱樂器以奔殷。而紂淫於聲色。乃拘師延於陰宮。欲極刑戮。師延旣被囚繫。

〔帝王世紀〕紂造風宮。作瓊室。飾以美玉。七年乃成。其大十里。其高

免炮烙之害。周武王興師。乃越濮流而逝。或云死於水府。○荒誕之說。

〔竹譜〕淇園。殷紂竹箭園也。〔淮南子〕紂爲天子。賦斂無度。鞭撻無

沙丘苑臺。多取野獸蜚鳥置其中。慢於鬼神。大最樂戲於沙丘。以酒爲池。縣肉爲林。使男女裸相逐其閒。

〔論衡〕紂沈湎於酒。以酒爲丘。十三年。史不徒都。紂時。稍大其邑。

爲長夜之飲。百姓怨望。而諸侯有畔者。於是紂乃重辟刑。有炮烙之法。

〔紀年〕自盤庚徙殷。至紂之滅。二百七十年。史不徒都。紂時。稍大其邑。

沙丘苑臺。多取野獸蜚鳥置其中。慢於鬼神。大最樂戲於沙丘。以酒爲池。縣肉爲林。使男女裸相逐其閒。

〔論衡〕紂沈湎於酒。以酒爲丘。十三年。史不徒都。紂時。稍大其邑。

南距朝歌。北據鄆鄆及沙丘。皆爲離宮別館。

〔竹譜〕淇園。殷紂竹箭園也。〔淮南子〕紂爲天子。賦斂無度。鞭撻無

止。康梁沈湎。宮中成市。天下同心而苦之。

〔帝王世紀〕紂造風宮。作瓊室。飾以美玉。七年乃成。其大十里。其高

千丈。多發美女以充傾宮之室。婦人衣綵紈者三百人。紂宮九市。車行酒。馬行炙。

〔論衡〕紂沈湎於酒。以酒爲丘。十三年。史不徒都。紂時。稍大其邑。

以酒爲池。牛飲者三千人。長夜之飲。忘其甲子。車行酒。騎行炙。百二十日爲一夜。

〔新序〕紂爲鹿臺。七年而成。其大一里。高千尺。臨望雲雨。作炮烙之刑。戮無辜。奪民力。冤暴施於百姓。慘毒加於大臣。天下叛之。願臣文王作

大製斗。以火熱之。使人舉。不能勝。輒爛手。與妲己爲戲笑。

〔論語比考證〕殷惑妲己。玉馬走。○宋均注。玉馬。喻賢臣奔去也。

【韓非子】紂爲長夜之飲，懼以失日，問其左右，盡不知也。乃使問箕子。箕子謂其徒曰：「爲天下主，而一國皆失日，天下其危矣。一國皆不知，而我獨知之，吾其危矣。辭以醉而不知。」

【史記】箕子者，紂親戚也。紂始爲象箸，箕子歎曰：「彼爲象箸必爲玉杯。爲玉杯則必思遠方珍怪之物而御之矣。與馬宮室之漸自此始，不可振也。」人。〔纏子〕紂熊蹯不熟而殺庖。

【韓非子】昔者紂爲象箸，而箕子怖。以爲象箸必不加於土鉶，必將犀玉之杯、象箸玉杯，必不羹菽藿，則必旄象豹胎，旄象豹胎，必不衣短褐而食於茅屋之下。則錦衣九重，廣室高臺，吾畏其卒，故怖其始。居五年，紂爲肉圃，設炮烙，登糟丘，臨酒池。紂遂以亡。故箕子見象箸以知天下之禍，故曰見小曰明。

【潛夫論】昔紂好色，九侯聞之，乃獻厥女。紂乃大喜，以爲天下之麗莫若此也。以問妲己。妲己懼，進御而奪己愛也。乃僞俯而泣曰：「君之年卽耆邪？明旣衰邪？何貌惡之若此？而復謂之好也？」紂於是渝而以爲惡。妲己恐天下之愈進美女者，因白九侯之不道也。乃欲以此惑君王也。王而弗誅，何以革後？紂則大怒，遂脯厥女而烹九侯。自此之後，天下之有美女者，乃皆重室晝閉，唯恐紂之聞也。

【史記】以西伯昌九侯鄂侯爲三公。九侯有好女，入之紂。九侯女不喜淫，紂怒殺之，而醢九侯。鄂侯爭之，彊辯之疾，并脯鄂侯。西伯昌聞之，竊歎崇侯虎知之，以告紂。紂囚西伯於羑里。崇侯虎譖西伯於殷紂曰：「西伯積善累德，諸侯皆嚮之。將不利於帝。」帝紂乃囚西伯於羑里。〔淮南子〕文王砥德修政，三年而天下三分歸之。紂聞而患之，曰：「余夙興夜寐，與之兢行。」

則苦心勞形。縱而置之。恐伐余一人。崇侯虎曰。周伯昌行仁義而善謀。太子發勇敢而不疑。中子旦恭儉而知時。若與之從。則不堪其殃。縱而赦之。身必危亡。冠雖弊必加於頭。及未成。請圖之。屈商乃拘文王於羑里。(帝王世紀)紂既囚文王。文王長子曰伯邑考。質於殷。爲紂御。紂烹以爲羹。賜文王。曰。聖人常不食其子羹。文王得而食之。紂曰。誰謂西伯聖者。食其子羹。尚不知也。其囚羑里。蓋益易之八卦爲六十四卦。按易正義。伏羲制卦。文王卦辭。周公爻辭。孔子十翼。文王始益爲六十四也。史說誤。(李操文王在羑里奏炎之虐。使我煎兮。幽閉牢犴。由其言兮。遭我四人。憂勤勤兮。)

**【易】乾元亨利貞 坤元亨利牝馬之貞。君子有攸往。先迷後得主利。西南得朋。東北喪朋。安貞吉。屯元亨利貞。勿用有攸往。利建侯。蒙亨匪我求童蒙。童蒙求我。初筮告。再三瀆瀆。則不告。利貞。需。有孚光亨貞吉利。涉大川。訟。有孚惠心。惕中吉。終凶。利見大人不利涉大川。師。貞丈人吉。无咎。比吉。原筮元永貞。无咎。不寧方來。後夫凶。小畜。亨密雲不雨。自我西郊。履虎尾。不咥人。亨。泰。小往大來。吉。亨。否。之匪人。不利君子貞。大往小來。同人于野。亨利。涉大川。利君子貞。大有。元亨。謙。亨君子有终。豫。利建侯行師。隨。元亨利貞。无咎。蠱。元亨利涉大川。先甲三日。後甲三日。臨。元亨利貞。至于八月。有凶。觀盥而不薦。有孚惠心。噬嗑。亨利用獄。賁。亨。小利有攸往。剝。不利有攸往。復。亨。出入无疾。朋來无咎。反復其道。七日來復。利有攸往。无妄。元亨利貞。其匪正有眚。不利有攸往。大畜。利貞。不家食。吉利。涉大川。頤。貞吉。觀頤。自求口實。大過。棟樑。利有攸往。亨。習坎。有孚。維心。亨。行有尚。離。利貞。亨畜牝牛吉。○右上篇。咸亨利貞。取女吉。恆。亨无咎。利貞。利有攸往。遯。亨小利貞。大壯。利貞。**

晉康侯用錫馬蕃庶。晝日三接。明夷利艱貞。家人利女貞。睽小事吉。蹇利西南不利東北。利見大人貞吉。解利西南无所往。其來復吉。有攸往夙吉。損有孚元吉。无咎可貞。利有攸往曷之用。二簋可用享。益利有攸往。利涉大川。夬揚于王庭。孚號有厲。告自邑不利卽戎。利有攸往。姤女壯。勿用取女。萃亨。王假有廟。利見大人。亨利貞。用大牲吉利。有攸往。升元亨用見大人。勿恤。南征吉。困亨貞。大人吉。无咎。有言不信。井改邑不改井。无喪无得。往來井井。汔至亦未繙井。羸其瓶凶。革已日乃孚。元亨利貞悔亡。鼎元吉亨。震亨。震來虩虩。笑言啞啞。震驚百里。不喪匕鬯。艮其背。不獲其身。行其庭。不見其人。无咎。漸女歸吉利貞。歸妹貞凶。无攸利。豐亨王假之。勿憂。宜日中。旅小亨。旅貞吉。巽小亨利有攸往。利見大人。兌亨利貞。渙亨。王假有廟。利涉大川利貞。節亨苦節不可貞。中孚豚魚吉利。利涉大川利貞。小過亨利貞可小事。不可大事。飛鳥遺之音。不宜上。宜下大吉。旣濟亨小利貞初吉終亂。未濟亨小狐汔濟濡其尾。无攸利。○右下

【史記】閼天之徒患之。乃求有莘氏美女。驪戎之文馬。有熊九駟。他奇怪物。因殷嬖臣費仲而獻之紂。紂

大說曰。此一物足以釋西伯。況其多乎。乃赦西伯。賜之弓矢斧鉞。使西伯得征伐。曰譖西伯者。崇侯虎也。

〔古今樂錄〕文王囚於羑里。太顛閼天散宜生南宮括之屬。往見文王。文王爲曠右目者。言紂之好色。拊擗其腹者。言欲得其實也。蹠蹠其足者。使迅疾也。於是周流求之以獻紂。〔六韜〕商王拘周伯昌於羑里。太公與散宜生。以金千鎰。求下珍物。以免君之罪。於是得犬戎氏文馬。駁身朱鬣。目如黃金。項下雞毛。名曰雞斯之乘。以獻周王。○今本無〔淮南子〕散宜生。乃以千金求天下之珍怪。得驕虞雞斯之乘。玄玉百工。大貝百朋。玄豹黃鼴。青犴白虎。文皮千合。●

以獻於紂。因賛仲而通。紂見而說之。乃免其身。殺牛而賜之。文王歸。乃爲玉門。築靈臺。相女童。擊鐘鼓。以待紂之失也。紂聞之。曰。西伯昌改道易行。吾無憂矣。乃爲炮烙。剖比干。剔孕婦。殺諫者。文王乃遂其謀。○小說家之妄談。〔琴操〕文王備修道德。百姓親附。是時。崇侯虎與文王列爲諸侯。德不及文王。常嫉妒之。乃諳文王於羑里。將欲殺之。於是文王四臣散宜生等。周流海內。經歷豐土。得美女二人。水中大貝。白馬朱鬚。以獻於紂。陳於中庭。紂立出西伯。〔尚書大傳〕散宜生之夫戎氏。取美馬驥身朱鬚雞目者。陳於紂之庭。紂出見之。還而觀之。曰。此何人也。散宜生遠趨而進曰。吾西蕃之臣。昌之使者。○注云。散宜生。文王四臣之一也。

呂尚有勇謀。而爲將。散宜生有文德。而爲相。

【呂氏春秋】昔者紂爲無道。殺梅伯而醢之。殺鬼侯而脯之。以禮諸侯於廟。文王流涕而咨之。紂恐其叛。欲殺文王而滅周。文王曰。父雖無道。子敢不事父乎。君雖不惠。臣敢不事君乎。孰王而可畔也。紂乃赦之。天下聞之。以文王爲畏上而哀下也。詩曰。惟此文王。小心翼翼。昭事上帝。聿懷多福。○此雜說之。

【新書】紂作桔數千。睨諸侯之不諂已者。杖而桔之。文王桎桔於羑里。七年而後得免。及武王克殷既定。令殷之民投撒桎桔而流之於河。民輸桔者。以手撒之。弗敢墜也。跪入之水。弗敢投也。曰。昔者文王常擁此。故愛思文王。猶敬其桔。況其法教乎。

【史記】西伯出而獻洛西之地。以請除炮烙之刑。紂乃許之。賜弓矢斧鉞。使得征伐。爲西伯。而用費中爲政。費中善諛好利。殷人弗親。紂又用惡來。惡來善毀讟。諸侯以此益疏。西伯歸。乃陰修德行善。諸侯多叛紂。而往歸西伯。西伯滋大。紂由是稍失權重。

【呂氏春秋】文王處岐。事紂冤悔。雅遜朝夕必時。上貢必適。祭祀必敬。紂喜。命文王稱西伯。賜之千里之

地文王再拜稽首而辭曰願爲民請炮烙之刑文王非惡千里之地以爲民請炮烙之刑必欲得民心也得民心則賢於千里之地故曰文王智矣

〔韓非子〕昔者文王侵孟克莒舉鄆三舉事而紂惡之文王乃懼請入洛西之地赤壤之國方千里以請解炮烙之刑天下皆說仲尼聞之曰仁哉文王輕千里之國而請解炮烙之刑智哉文王出千里之地而得天下之心○誣文又復無孔其曰千里亦謬○越絕書文王以務爭者紂爲天下殘賊奢佚不顧邦政文王百里見紂無道誅殺無刑賞賜不當文王以聖事紂下皆盡誠知其賢聖從之此謂文王以務爭也紂以惡刑爭文王行至聖以仁義爭此之謂也○史云陰修德行善諸家稱智稱爭皆非文王之心也〔韓非子〕費仲說紂曰西伯昌賢百姓說之諸侯附焉不可不誅不誅必爲殷患紂曰子言義主何可誅費仲曰冠雖穿弊必戴於頭履雖五采必踐之於地西伯昌人臣也修義而人向之卒爲天下患其必昌乎人人欲以其賢爲其主非可不誅也且主而誅臣焉有過紂曰夫仁義者上所以勸下也今昌好仁義誅之不可三說不用故已周有玉版紂令膠鬲索之文王不予以費仲來求因予之是膠鬲賢而費仲無道也周惡賢者之得志也故予費仲文王舉太公於渭濱者貴之也而資費仲玉版者愛之也故曰不貴其師不愛其資雖知大迷是謂要妙○文王資費仲而遊於紂之旁令之閒紂而亂其心○抵牾

【詩】采薇采薇薇亦作止曰歸曰歸歲亦莫止靡室靡家玁狁之故不遑啟居玁狁之故采薇采薇薇亦柔止曰歸曰歸心亦憂止憂心烈烈載飢載渴我戍未定靡使歸聘采薇采薇薇亦剛止曰歸曰歸歲亦陽止王事靡鹽不遑啓處憂心孔疚我行不來彼爾維何維常之華彼路斯何君子之車戎車旣駕四牡業業豈敢定居一月三捷駕彼四牡四牡骙骙君子所依小人所腓四牡翼翼象弭魚服豈不日戒玁狁孔棘昔我往矣楊柳依依今我來思雨雪霏霏行道遲遲載渴載飢我心傷悲莫知我哀我出我車于彼牧矣自天子所謂我來矣召彼僕夫謂之載矣王事多難維其棘矣我出我車于彼郊矣設此旐矣建彼旄矣彼旛旐斯胡不旆旆憂心悄悄僕夫況瘁王命南仲往城于方出車彭彭旂旐央央天子命我城

彼朔方。赫赫南仲。玁狁于襄。昔我往矣。黍稷方華。今我來思。雨雪載塗。王事多難。不遑啓居。豈不懷歸。畏此簡書。嘒嘒草蟲。趯趯阜螽。未見君子。憂心忡忡。旣見君子。我心則降。赫赫南仲。薄伐西戎。春日遲遲。卉草萋萋。倉庚喈喈。采蘩祁祁。執訊獲醜。薄言還歸。赫赫南仲。玁狁于夷。有杕之杜。有睆其實。王事靡盬。繼嗣我日。日月陽止。女心傷止。征夫遑止。有杕之杜。其葉萋萋。王事靡盬。我心傷悲。卉木萋止。女心悲止。征夫歸止。陟彼北山。言采其杞。王事靡盬。憂我父母。檀車轔轔。四牡瘖瘖。征夫不遠。匪載匪來。憂心孔疚。期逝不至。而多爲恤。卜筮偕止。會言近止。征夫邇止。〔詩序〕采薇。遣戍役也。文王之時。西有昆夷之患。北有玁狁之難。以天子之命。命將率。遣戍役。以守衛中國。故歌出車。勞還率也。秋杜以勤歸也。秋杜。勞還役也。○大紀曰。是時西有昆夷之患。北有玁狁之難。紂乃召昌穡之。因獻洛西之地。請除炮烙之刑。紂大喜。許之。賜之弓矢鉄鎚。使專征伐。爲西方諸侯伯必文王之詩。朱子曰。此未

【周書】文王立。西距昆夷。北備玁狁。謀武以昭威。懷作武稱。大國不失其威。小國不失其卑。敵國不失其權。岠嶮伐夷。并小奪亂。口強攻弱而襲不正。武之經也。伐亂伐疾。伐疫。武之順也。賢者輔之。亂者取之。作者勸之。怠者沮之。恐者懼之。欲者趣之。武之用也。美男破老。美女破舌。淫圖破口。淫巧破時。淫樂破正。淫言破義。武之毀也。赦其衆。遂其咎。撫其口。助其囊。武之閒也。餌敵以分。而照其儲。以伐輔德。追時之權。武之尚也。春達其農。秋伐其穡。夏取其麥。冬寒其衣服。春秋欲舒。冬夏欲亟。武之時也。長勝短。輕勝重。直勝曲。衆勝寡。強勝弱。飽勝饑。肅勝怒。先勝後。疾勝遲。武之勝也。追戎無恪。窮寇不格。力倦氣竭。乃易克。武之

追也。旣勝人，舉旗以號令，命吏禁掠，無取侵暴，爵位不謙，田宅不虧，各寧其親，民服如化，武之撫也。百姓咸服，偃兵興德，夷厥險阻，以毀其服，四方咸服，奄有天下，武之定也。○奇謀制勝，恢成王業，盛矣。然而非文王事也。

**【史記】**太公望呂尚者，東海上人。其先祖嘗爲四嶽，佐禹平水土，甚有功。虞夏之際，封於呂，或封於申。姓姜氏。夏商之時，申呂或封枝庶子孫，或爲庶人。尚，其後苗裔也。本姓姜氏，從其封姓，故曰呂尚。呂尚蓋嘗窮困，年老矣，以漁釣奸周西伯。西伯將出獵，卜之曰：「所獲非龍非鷹，非虎非熊。」所獲霸王之輔。於是周西伯獵，果遇太公於渭之陽，與語大說，曰：「自吾先君太公曰：『當有聖人適周，周以興。』子真是邪？」吾太公望子久矣，故號之曰太公望。載與俱歸，立爲師。〔水經注〕蟠谿中有茲泉，泉水潭積，自成淵渚，東南隅有石室，蓋太公所居也。水流次平石釣處，太公垂釣之所也。其投竿蹕餌，兩側遺跡猶存。是有磻谿之稱也。〔說苑〕呂望年七十，釣於渭濱，三日三夜，魚無食者。望卽忿，脫其衣冠，上有農人者，古之異人。謂望曰：「子姑復釣，必紳其綸。」芳其餌，徐徐而投，無令魚駭。望知其言，初下得鮒，次得鯉，刺魚腹得書，書文曰：「呂望封於齊。」望知其異。○〔史注引〕〔符子〕太公涓釣隱溪，五十六年矣，不得一魚。季連往見之，太公涓蹕石隱崖，不餌而釣，仰詠脩吟，暮則釋竿，其蹕所處，石皆如白，其蹕觸石若路。季連曰：「釣本在魚，無魚何釣？」公曰：「不見康王父之釣乎？涉蓬萊，釣巨海，搖岸投綸，五百年矣，未嘗得一魚。方吾猶一朝耳。」果得大鯉，有兵鈴在其中。〔列仙傳〕呂尚，冀州人，生而內智，豫知存亡，避紂亂，遼東三十年，西適，隱於南山，釣於下谿，三年不獲魚。或曰：「可已止矣。」尚曰：「非爾所及也。」果得大鯉，有兵鈴在腹中，服澤芝地衣石髓，二百年而尚亡，葬之，無屍，唯有玉鈴六篇，在棺中。〔宋書符瑞志〕文王至於磻谿之水，呂尚釣於涯，王下趨拜，曰：「望公七年，乃今見光景於斯。」尚立變名，名曰「望鈴」，其文要曰：「姬受命，昌來提。」撰爾雒鈴報在齊，尚出遊，見赤人自雒出，授尚書，曰：「命曰呂，佐昌者子。」〔楚辭注〕或言周文王夢立令狐之津，太公在後，帝曰：「昌，賜汝名師。」文王再拜，太公夢亦如此。文王出田，見識所夢，載與俱歸，以爲太師。參〔鼎錄〕太公於渭水得玉璜，載與俱歸，以爲太師。參〔鼎錄〕太公。

**【六韜】**文王將田，史編布卜曰：「田於渭陽，將大得焉。非龍非鷹，非虎非熊，兆得公侯，天遺汝師，以之佐昌。」

施及三王。文王曰：兆致是乎？史編對曰：編之太祖史疇爲禹占得臯陶，兆比於此。文王乃齋三日，乘田車，駕田馬，田於渭陽。卒見太公坐茅以漁。文王勞而問之，曰：子樂漁邪？太公曰：君子樂得其志，小人樂得其事。今吾漁甚有似也。文王曰：何謂其似也？太公曰：釣有三權，祿等以權死，等以權官，等以權求得也。其情深，可以觀大矣。文王曰：願聞其情。太公曰：源深而水流，水流而魚生之情也。根深而木長，木長而實生之情也。君子情同而親合，親合而事生之情也。言語應對者，情之飾也；言至情者，事之極也。今臣言至情，不諱君其惡之乎？文王曰：唯仁人能受正諫，不惡至情。何爲其然？太公曰：縉微餌明，小魚食之，縉綢餌香，中魚食之。縉隆餌豐，大魚食之。夫魚食其餌，乃牽於縉，人食其祿，乃服於君。故以餌取魚，魚可殺；以祿取人，人可竭；以家取國，國可拔；以國取天下，天下可畢。嗚呼！曼曼綿綿，其聚必散，嚙嚙昧昧，其光必遠。微哉聖人之德！誘乎獨見，樂哉聖人之慮！各歸其次，而立斂焉。文王曰：立斂何若？而天下歸之。太公曰：天下非一人之天下，乃天下之天下也。同天下之利者，則得天下；擅天下之利者，則失天下。天有時，地有財，能與人共之者，仁也；仁之所在，天下歸之。免人之死，解人之難，救人之患，濟人之急者，德也。德之所在，天下歸之。與人同憂，同樂，同好，同惡者，義也；義之所在，天下赴之。凡人惡死而好生，好德而歸利，能生利者，道也。道之所在，天下歸之。文王再拜曰：允哉！敢不受天之詔命乎？乃載與俱歸，立爲師。○辭理  
俱淺

【史記】或曰：太公博聞嘗事紂，紂無道去之，游說諸侯，無所遇，而卒西歸周。西伯或曰：呂尚處士隱海濱。

周西伯拘羑里。散宜生閔天素知而招呂尚。呂尚亦曰：吾聞西伯賢，又善養老，盍往焉。三人者爲西伯求美女奇物，獻之於紂，以贖西伯。西伯得以出反國，言呂尚所以事周雖異，然要之爲文武師。

〔易林〕太公適紂，七十隱處。

天下有餘治。〔驪鐵論〕太公屠牛於朝歌，利不及妻子。

〔說苑〕太公田不足以償種，漁不足以償網，治

屠牛上屠屠國，文王喜載與俱歸也。

〔楚辭注〕呂望鼓刀在列肆，文王親往問之。

呂望對曰：

下屠

紛紛酌酒切脯，約爲朋友。望曰：嗟乎！西伯賢君也。

四子遂見西伯於羑里。

○太公出處，自史遷已不能定矣。

宜諸說之

也。

周西伯昌之脫羑里歸，與呂尚陰謀修德，以傾商政，其事多兵權與奇計，故後世之言兵及周之陰

權，皆宗太公爲本謀。周西伯政平，及斷虞芮之訟，而詩人稱西伯受命曰：文王伐崇密須犬夷，大作豐邑。

○後世之爲權謀者，託之太公耳，非太公本色也。

〔漢書〕道家

天下三分其二歸周者，太公之謀計居多。

○太公二百三十七篇，謀八十一篇，言七十一篇，兵八十五篇。

〔潛夫論〕文王游畋，遇姜尚於渭濱，察言觀志，而見其心不諧，羣臣遂載反歸，委之以政，用能

造用，故堯參鄉黨以得舜，文王參己以得呂尚。

〔抱朴子〕文王之接呂尚，柔陰未移，而知其可

〔韓詩外傳〕文王非無便辟，親比己者超然，乃舉太公於舟人而用之，豈私之哉？以爲親邪？既異族之人

也，以爲故邪？卽未嘗相識也，以爲嫁好邪？卽太公年七十二，顰然而齒墮矣，然而用之者，文王欲立貴道。

欲白貴名，兼制天下，以惠中國，而不可以獨，故舉是人而用之。

〔搜神記〕文王以太公爲灌壇令，期年，風不鳴

條。文王夢一婦人甚麗，當道而哭，問其故

曰：吾泰山之女，嫁爲東海婦，欲歸，今爲灌壇令，當道，有德，廢我行，我行必有大風疾雨，是毀其德也。

文王覺。

召太公問之，是日果有疾雨暴風，從太公邑外而過。文王乃令太公爲大司馬。

○博物志云：西海神女，嫁於東海神童。

〔按〕凡言神怪者，多附

會太公，其來久矣。

〔按〕凡言神怪者，多附

【六韜】文王問太公曰：守土奈何。太公曰：無疏其親，無怠其衆，撫其左右，御其四旁，無借人國柄，借人國柄，則失其權。無掘壑而附丘，無舍本而治末，日中必彗，操刀必割，執斧必伐，日中不彗，是謂失時，操刀不利，失利之期，執斧不伐，賊人將來，涓涓不塞，將爲江河，熒熒不救，炎炎奈何，兩葉不去，將用斧柯，是故人君必從事於富，不富無以爲仁，不施無以合親，疏其親則害，失其衆則敗，無借人利器，借人利器，則爲人所害，而不終其世。文王曰：何謂仁義？太公曰：敬其衆，合其親，敬其衆則和，合其親則喜，是謂仁義之紀，無使人奪汝威，因其明順其常，順者任之以德，逆者絕之以力，敬之勿疑，天下和服。文王問太公曰：王者何上何下，何取何去，何禁何止？太公曰：上賢，下不肖，取誠信，去詐僞，禁暴亂，止奢侈，故王者有六賊七害。文王曰：願聞其道。太公曰：夫六賊者，一曰臣有大作宮室池榭，遊觀倡樂者，傷王之德；二曰民有不事農桑，任氣游俠，犯歷法禁，不從吏教者，傷王之化；三曰臣有結朋黨，蔽賢智，障主明者，傷王之權；四曰士有抗志高節，以爲氣勢，外交諸侯，不重其主者，傷王之威；五曰臣有輕爵位，賤有司，羞爲上犯難者，傷功臣之勞；六曰強宗侵奪，陵侮貧弱，傷庶人之業；七害者，一曰無智略，權謀而重賞尊爵之，故強勇輕戰，僥倖於外；王者謹勿使爲將；二曰有名無實，出入異言，掩善揚惡，進退爲巧；王者謹勿與謀；三曰朴其身，躬惡其衣服，語無爲而求名，言無欲而求利，此僞人也；王者謹勿近；四曰奇其冠帶，偉其衣服，博聞辯辭，虛論高議，以爲容美，窮居靜處，而誹時俗，此姦人也；王者謹勿寵；五曰讒佞苟得以求官爵，果敢輕死，以

貪祿秩不圖大事。貪利而動以高談虛論說於人主。王者謹勿使。六曰爲雕文刻鏤技巧華飾而傷農事。王者必禁。七曰僞方異技巫蠱左道不祥之言幻惑良民。王者必止之。故民不盡力非吾民也。士不誠信非吾士也。臣不忠諫非吾臣也。吏不平潔愛人非吾吏也。相不能富國強兵調和陰陽以安萬乘之主正羣臣定名實明賞罰樂萬民非吾相也。夫王者之道如龍首高居而遠望深視而審聽示以形隱其情若天之高不可極也。若淵之深不可測也。故可怒而不怒姦臣乃作可殺而不殺大賊乃發兵勢不行敵國乃強文王曰善哉○時語非當

【詩】虞芮質厥成文王蹶厥生予曰有疏附予曰有先後予曰有奔走予曰有禦侮○緜九章

【史記】西伯陰行善諸侯皆來決平於是虞芮之人有獄不能決乃如周入界耕者皆讓畔民俗皆讓長虞芮之人未見西伯皆慙相謂曰吾所爭周人所恥何往爲祇取辱耳遂還俱讓而去諸侯聞之曰西伯蓋受命之君家語虞芮二國爭田而訟連年不決乃相謂曰西伯仁人也盍往質之入其境則耕者讓畔行者讓路入其朝士讓爲大夫大夫讓於卿虞芮之君曰嘻吾儕小人也不可以入君子之朝遂自相與而退咸以所爭之田爲閒田也孔子曰以此觀之至矣哉詩人道西伯蓋受命之年稱王而斷虞芮之訟後十年而崩謚爲文王改法度制正朔矣追尊古公爲太王公季爲王季蓋王瑞自太王興○史於西伯崩後重敍辭耳文王實無稱王改元事也正義曰若文王稱王改正朔則是功業成矣武王何復云大勳未集也禮記云牧之野武王成大事退而追王太王王季文王據此文乃是追王爲王也易緯文王受命改正朔有王號於天下文王更爲受命之元年始稱王○皆妄說

【呂氏春秋】文王之時天先見火赤鳥銜丹書集於周社文王曰火氣勝火氣勝故其色尚赤其事則火  
(尚書帝命驗)季秋之月甲子赤雀銜丹書止于昌戶民踰山穿穴老幼相扶歸者八十萬戶  
(尚書中候)季秋赤雀銜丹書入豐止于昌戶昌拜稽首受最曰姬昌蒼赤子  
(墨子)赤鳥銜珪降周之岐社曰天命周文王伐殷有國泰顛來賓河出綠闢地出乘黃  
(琴操)受命者謂文王受天命而王文王以時爲岐侯躬修道德執行仁義百姓親附是時紂爲無道剖胎斷涉廢壞仁人天統易運諸侯瓦解皆歸文王其後有鳳皇銜書於文王之郊  
神連精合謀於房兮○一本未有二句云興我之業望來羊兮○易通卦驗文王得赤鳥而演易  
之時五星聚於房房者蒼神之精周據而興宋符瑞志文王夢日月著其身又鸞鶠鳴於岐山孟春六旬五緯聚房後有鳳凰銜書遊文王之都書文曰殷帝無道虐亂天下皇命已移不得復久靈祇遠離百神吹去五星東夷歸焉○諸子雜譏所載複穢抵牾

【史記】明年伐犬戎明年伐密須明年敗耆國殷之祖伊聞之懼以告帝紂紂曰不有天命乎是何能爲  
明年伐邘明年伐崇侯虎而作豐邑自岐下而徙都豐  
(尚書大傳)文王受命一年斷虞芮之訟二年伐邘三年伐密須四年伐犬戎五年伐耆六年伐崇七年而崩○大傳與史記年不同當從史記但史以祖伊告紂之晉載伐耆之下者非也詳見下卷

【詩】帝謂文王無然畔援無然歆羨誕先登于岸密人不恭敢距大邦侵阮徂共王赫斯怒爰整其旅以按徂旅以篤周祜以對于天下依其在京侵自阮疆陟我高岡無矢我陵我陵我阿無飲我泉我泉我池度其鮮原居岐之陽在渭之濱下民之王○皇矣五章六章曾文王伐密帝謂文王予懷明德不大聲以色不長夏以革不識不知順帝之則帝謂文王詢爾仇方同爾兄弟以爾鉤援與爾臨衝以伐崇墉臨衝閑閑崇墉言言執訊連連攸馘安安是類是禡是致是附四方以無侮臨衝茀茀崇墉仡仡是伐是肆是絕

是忽四方以無拂也。○七章八章·言文王伐崇。〔詩序〕皇矣·美周。

〔韓非子〕文王伐崇·至鳳黃虛·讒鑿解·因自結·太公望曰·何爲也·王曰·君與處皆

其師·中皆其友·下盡其使也·今皆先君之臣·故無可使也。○武王晉文公事相類。

【周書】維周王宅程三年遭天之大荒作大匡以詔牧其方三州之侯咸率王乃召冢卿三老三吏大夫百執事之人朝于大庭問罷病之故政事之失刑罰之戾哀樂之尤賓客之盛用度之費及關市之征山林之匱田宅之荒溝渠之害怠墮之過驕頑之虐水旱之菑曰不穀不德政事不時國家罷病不能皆匡二三子尙助不穀官考厥職鄉間其人因其耆老及其總害慎問其故無隱乃情及某日以告于廟有不用命有常不赦王旣發命入食不舉百官質方口不食饗及期日賓明王麻衣以朝朝中無采衣官考其職鄉問其利因謀其蓄旁匡於衆無敢有違詰退驕頑方收不服慎惟怠墮什伍相保勸游居事節時茂農夫任戶戶盡夫出農廩分鄉鄉命受糧程課物徵躬競比藏藏不粥糴糴不加均賦酒其幣鄉正保貸成年不償信誠匡助以輔殖財財殖足食克賦爲征數口以食食均有賦外食不贍開闢通糧糧窮不

轉孤寡不廢。滯不轉畱。戍城不留。足以守。出旅分均。馳車送逝。旦夕運糧。於是告四方遊旅。旁生忻通。津濟道宿。所至如歸。幣租輕。乃作母以行其子。易資貴賤。以均遊旅。無使滯。無粥熟。無室市。權內外。以立均。無蚤暮。閭次。均行。均行衆從。積而勿。以罰助均。無使之窮。平均。無乏利。民不淫。無播蔬。無食種。以數度。多少省用。祈而不賓。祭服漱不制。車不雕飾。人不食肉。畜不食穀。國不鄉射。樂不牆合。牆屋有補。無作資農。不敗務。非公卿不賓。賓不過具。哭不畱日。登降一等。庶人不獨葬。伍有植。送往迎來亦如之。有不用命。有常不違。(紀年)周大饑。西伯自程遷于豐。○前編云。按逸周書。稱周王宅程三年。遭天之大荒。此文王所以都豐與。

**【詩】**文王有聲。遹駿有聲。遹求厥寧。遹觀厥成。文王烝哉。文王受命。有此武功。旣伐于崇。作邑于豐。文王烝哉。築城伊淢。作豐伊匹。匪棘其欲。遹追來孝。王后烝哉。王公伊濯。維豐之垣。四方攸同。王后維翰。王后烝哉。(文王有聲)前四章。○詩序靈臺。民始附也。文王受命。而民樂其有靈德。以及鳥獸昆蟲焉。○朱子曰。民之歸周久矣。非至此始附也。○新書詩曰。王在靈囿。鹿鹿攸伏。麀鹿濯濯。白鳥鶡鶡。王在靈沼。於初魚躍。虞業維櫛。賁鼓維鏞。於論鼓鐘。於樂辟靡。於論鼓鐘。於樂辟靡。鼈

鼓逢逢。蹠蹠奏公。(詩序)靈臺。民始附也。文王受命。而民樂其有靈德。以及鳥獸昆蟲焉。○朱子曰。民之歸周久矣。非至此始附也。○新書詩曰。王在靈囿。鹿鹿攸伏。麀鹿濯濯。白鳥鶡鶡。王在靈沼。於初魚躍。虞業維櫛。賁鼓維鏞。於論鼓鐘。於樂辟靡。於論鼓鐘。於樂辟靡。初魚躍。言德至也。聖主所在。魚鼈禽獸。猶得其所。況於人民乎。故仁人行其禮。則天下安而萬理得矣。逮至德澤洽。調和大暘。則天清澈。地富燠。物時熟。民心不挾詐。賊氣脈淳化。鼈鼈搏擊之獸鮮。毒蟲猛虵之虫密。毒山不蕃草木少薄矣。○錄平大仁之化也。○易乾鑿度。昌二十九年。伐崇侯。作靈臺。○禮疏引周本記云。文王立靈臺。於時年九十六。

**【新序】**周文王作靈臺。及爲池沼。掘地得死人之骨。吏以聞於文王。文王曰。更葬之。吏曰。此無主矣。文王

曰有天下者天下之主也有一國者一國之主也寡人固其主又安求主遂令吏以衣冠更葬之天下聞之皆曰文王賢矣澤及枯骨又況於人乎或得寶以危國文王得枯骨以喻其意而天下歸心焉

○呂覽同

〔新書〕文王葬臥夢人登城而呼已曰我東北陬之棄骨也速以王禮葬我文王曰諾覺召吏視之信有焉文王曰速以人君葬之吏曰此無主矣請以五大夫禮文王曰吾夢中已許之矣奈何其倍之也士民聞之曰我君不以夢之故而倍焉骨況於生人乎於是下信其上○

此說荒誕○淮南子文王葬死人之骸而九夷歸之

〔詩〕芃芃棫樸薪之槱之濟濟辟王左右趣之濟濟辟王左右奉璋奉璋峩峩髦士攸宜淠彼涇舟烝徒楫之周王于邁六師及之倬彼雲漢爲章于天周王壽考遐不作人追琢其章金玉其相勉勉我王綱紀四方

〔詩序〕棫樸文王能官人也○〔詩說〕以訓嗣王瞻彼旱麓榛楛濟濟豈弟君子千祿豈弟瑟彼玉瓚黃流在中

豈弟君子福祿攸降鳶飛戾天魚躍于淵豈弟君子遐不作人清酒旣載駢牡旣備以享以祀以介景福瑟彼柞棫民所燎矣豈弟君子神所勞矣莫莫葛藟施于條枚豈弟君子求福不回

〔詩序〕旱麓周之先祖世修后稷公

劉之業大王王季申以百福千祿焉○朱子序大誤〔詩說〕旱麓詠嘆文王之德

呦呦鹿鳴食野之苹我有嘉賓鼓瑟吹笙吹笙鼓簧承筐是將人之好我示我周行呦呦鹿鳴食野之芩我有嘉賓鼓瑟鼓琴鼓瑟鼓琴和樂且湛我有旨酒以燕樂嘉賓之式燕以敖呦呦鹿鳴食野之芩我有嘉賓鼓瑟鼓琴鼓瑟鼓琴和樂且湛我有旨酒以燕樂嘉賓之心四牡騤騤周道倭遲豈不懷歸王事靡盬我心傷悲四牡騤騤啴啴駱馬豈不懷歸王事靡盬不遑啓處翩翩者離載飛載下集于苞杞王事靡盬不遑將母翩翩者離載飛載止集於苞杞王事靡盬不遑將母

駕彼四駟。載驥騁騁。豈不懷歸。是用作歌。將母來諗。皇皇者華。于彼原隰。駢駢征夫。每懷靡及。我馬維駒。六轡如濡。載馳載驅。周爰咨諭。我馬維駢。六轡如絲。載馳載驅。周爰咨謀。我馬維駘。六轡沃若。載馳載驅。周爰咨度。我馬維駟。六轡既均。載馳載驅。周爰咨詢。〔詩序〕鹿鳴。燕羣臣嘉賓也。既飲食之。又實幣帛筐篚。以將其厚意。然後忠臣嘉賓得盡其心矣。四牡勞使臣之來也。有功而見知。則說矣。皇皇者華。君遣使臣也。送之以禮樂。言遠而有光華也。○鄭譜。俱文王之詩。朱子云。燕禮。工歌鹿鳴三詩。鄉飲酒用樂亦然。學記。宵雅肄三。亦謂此三詩。然則又爲上下通用之樂矣。〔琴操〕鹿鳴者。周大臣之所作也。王道衰。大臣知賢者幽隱。故彈弦諷諫。〔史記〕仁義陵遲。鹿鳴刺焉。○按此以鹿鳴爲刺衰世。其說大異。

伐木丁丁。鳥鳴嚶嚶。出自幽谷。遷于喬木。

嚶其鳴矣。求其友聲。相彼鳥矣。猶求友聲。矧伊人矣。不求友生。神之聽之。終和且平。伐木許許。釀酒有蕡。

既有肥羾。以速諸父。寧適不來。微我弗顧。於粲洒埽。陳饋八簋。既有肥牡。以速諸舅。寧適不來。微我有咎。迨我暇矣。飲此湑矣。

〔詩序〕伐木。燕朋友故舊也。自天子至于庶人。未有不須友。以成者。親親以睦。友賢不棄。不遺故舊。則民德歸厚矣。天保定爾。亦孔之固。俾爾單

厚。何福不除。俾爾多益。以莫不庶。天保定爾。俾爾戕穀。磬無不宜。受天百祿。降爾遐福。維日不足。天保定爾。以莫不興。如山如阜。如岡如陵。如川之方至。以莫不增。吉蠲爲餚。是用孝享。祿祠烝嘗。于公先王。君曰

卜爾。萬壽無疆。神之弔矣。詒爾多福。民之質矣。日用飲食。羣黎百姓。偏爲爾德。如月之恆。如日之升。如南

山之壽。不羈不崩。如松柏之茂。無不爾或承。〔詩序〕天保。下報上也。君能下下。以成其政。臣能歸美。以報其上。以鹿鳴等九篇屬之文王。而魚麗屬之武王。其實未必然也。常棣之序。旣言閔管蔡失道矣。何得又屬之文王。觀見本篇。

【周書】文王告武王以序德之行作文傳。文王受命之九年時，維暮春在鄗。太子發曰：「吾語汝所保所守，守之哉？」厚德廣惠忠信愛人。君子之行，不爲驕侈，不爲靡泰，不淫於美。栝柱茅茨爲愛費，山林非時不升斤斧，以成草木之長。川澤非時不入網罟，以成魚鼈之長。不廢不卵，以成鳥獸之長。畋漁以時，童不夭胎，馬不馳騖，土不失宜，土可犯，材可蓄，潤溼不穀，樹之竹葦莞蒲，礲石不可穀，樹之葛藟以爲絲絡，以爲材料，故凡土地之間者，聖人裁之，竝爲民利。是魚鼈歸其泉，鳥歸其林，孤寡辛苦咸賴以生。山以養其材，工匠以爲其器，百物以平其利，商賈以通其貨，工不失其務，農不失其時，是謂和德。土多民少，非其土也。土少人多，非其人也。是故土多發政，以漕四方，四方流之。土少安帑，而外其務，方輸夏箴曰：「中不容利，民乃外次。」開望曰：「土廣無守，而襲伐。」土狹無食，可圍竭，二禍之來，不稱之災。天有四殃，水旱饑荒，其至無時，非務積聚，何以備之？夏箴曰：「小人無兼年之食，遇天饑，妻子非其有也。」大夫無兼年之食，遇天饑，臣妾與馬非其有也。戒之哉！弗思弗行，至無日矣。不明閭塞禁舍者，其如天下何？人各修其學，而尊其名，聖人制之，故諸橫生盡以養從，從生盡以養一丈夫，無殺天胎，無伐不成材，無墮四時。如此者十年，有十年之積者，王有五年之積者，霸無一年之積者，亡。生十殺一者，物十重生，一殺十者，物頓空。十重者，王頓空者，亡。兵強勝人，人強勝天，能制其有者，則能制人；之有不能制其有者，則人制之。令行禁止，王始也。出一曰神明，出二曰分光，出三曰無適異，出四曰無適與，無適與者亡。○典瞻奇古，至兵強工霸等，謂則列國人之靈府也。

【六韜】文王在鄆，召太公曰：嗚呼！商王虐極，罪殺不辜。公尙助予憂民如何？太公曰：王其修德，以下賢惠民，以觀天道。天道無殃，不可先倡；人道無災，不可先謀。必見其陽，又見其陰，乃知其心；必見其外，又見其內，乃知其意。必見其疏，又見其親，乃知其情。行其道，道可致也；從其門，門可入也。立其禮，禮可成也。爭其強，強可勝也。全勝不<sub>利</sub>，大兵無創。與鬼神通微哉！微哉！與人同病相救，同情相成，同惡相助，同好相趨。故無甲兵而勝，無衝機而攻，無溝塹而守。大智不智，大謀不謀，大勇不勇，大利不利。利天下者，天下啓之；害天下者，天下閉之。天下者，非一人之天下，乃天下之天下也。取天下者，若逐野獸，而天下皆有分肉之心。若同舟而濟，濟則皆同其利，敗則皆同其害。然則皆有以啓之，無有以閉之也。無取於民者，取民者也。無取民者，民利之；無取國者，國利之；無取天下者，天下利之。故道在不可見，事在不可聞，勝在不可知。微哉！微哉！鶩鳥將擊，卑飛斂翼；猛獸將搏，弭耳俯伏。聖人將動，必有愚色；今彼有商衆口，相惑紛紛，渺渺好色無極。此亡國之證也。吾觀其野，草菅勝穀；吾觀其衆，邪曲勝直。吾觀其吏，暴虐殘賊，敗法亂刑，上下不覺。此亡國之時也。大明發而萬物皆照，大義發而萬物皆利。大兵發而萬物皆服。大哉聖人之德！獨聞獨見，樂哉！○六韜僞書  
故不多錄

【說苑】文王問於呂望曰：爲天下若何？對曰：王國富民，霸國富士。僅存之國富大夫，亡道之國富倉府。是謂上溢而下漏。文王曰：善。對曰：宿善不祥。是日也，發其倉府，以振鰥寡孤獨。

【莊子】文王觀於臧。見一丈人釣。而其釣莫釣。非持其釣。有釣者也。常釣也。文王欲舉而授之政。而恐大臣父兄之弗安也。欲終而釋之。而不忍百姓之無天也。於是旦而屬諸大夫曰。昔者寡人夢見良人。黑色而穎。乘駿馬而偏朱蹄。號曰。寓而政於臧丈人。庶幾乎民有瘳乎。諸大夫蹴然曰。先君王也。文王曰。然則卜之。諸大夫曰。先君之命。王其無他。又何卜焉。遂迎臧丈人而授之政。典法無更。偏令無出。三年。文王觀於國。則列士壞植散羣。長官者不成德。鍊斛不敢入於四境。列士壞植散羣。則尚同也。長官者不成德。則同務也。鍊斛不敢入於四境。則諸侯無二心也。文王於是焉以爲太師。北面而問曰。政可以及天下乎。臧丈人昧然而不應。泛然而辭。朝令而夕遁。終身無聞。顏淵問於仲尼曰。文王其猶未邪。又何以夢爲乎。仲尼曰。默女無言。夫文王盡之也。而又何論刺焉。彼直以循斯須也。○寓言非實

【詩】文王在上。於昭于天。周雖舊邦。其命維新。有周不顯。帝命不時。文王陟降。在帝左右。亹亹文王。令聞不已。陳錫哉。周侯。文王孫子。文王孫子。本支百世。凡周之士。不顯亦世。世之不顯。厥猶翼翼。思皇多士。生此王國。王國克生。維周之楨。濟濟多士。文王以寧。穆穆文王。於緝熙敬止。假哉天命。有商孫子。商之孫子。其麗不億。上帝旣命。侯于周服。侯服于周。天命靡常。殷士膚敏。裸將于京。厥作裸將。常服黼冔。王之薦臣。無念爾祖。無念爾祖。聿修厥德。永言配命。自求多福。殷之未喪。師克配上帝。宜鑒于殷。駿命不易。命之不易。無遏爾躬。宣昭義問。有虞殷自天。上天之載。無聲無臭。儀刑文王。萬邦作孚。〔詩序〕文王。文王受命作周也。〔呂氏春秋〕周文王處周

岐。諸侯去殷三淫而翼文王。散宜生曰。殷可伐也。文王弗許。周公旦乃作詩曰。文王在上。於昭于天。周雖舊邦。則命維新。以綱文王之德。○文王之篇。蓋周有天下之後。追述文德。以見天命所由集。王業所由隆。譜謂文王時詩。則非矣。朱子曰。周公追述文王之德。以成文王。〔禮稽命徵〕文王見禮壞樂崩。道孤無主。故設禮經三百。威儀三千。○注云。蓋文王本有此意。周公述而成之。

文王之爲西伯。舊矣。紂十三年。乃賜弓矢鉄鉞。得專征伐。詩曰。文王受命。有此武功。書曰。文王受命。惟中身受命云者。一受殷命而征諸侯。一受天命而興周室。蓋天眷有德。命之去留。介在微茫。以文王之至聖。受辛之至愚。雖文王小心昭事。無失臣節。然而殷命已違。天意民心。俱歸於有周矣。故曰周雖舊邦。其命維新。茲受命之實也。明年。虞芮質成。明年。伐犬戎。明年。伐密須。明年。敗耆國。明年。伐邘。明年。伐崇侯虎。遂作豐邑。立靈臺。建辟雍。逾年而薨。蓋自羑里之出。至是九年矣。當是時。國有三仁。猶冀殷命之長也。故其言曰。父雖無道。子不敢不孝。君雖無道。臣不敢不忠。率畔國以事紂。守臣禮以終身。誠所謂至德哉。而說者以爲西伯於受命之年。稱王改元。斷虞芮之訟。後十年而崩。武王立。不改元。居喪二年。伐紂。泰誓稱十有三年者。因文王之年也。吁。何其言之妄邪。詩書所稱文王。皆後世追述之辭。武王追王三王。實在牧野既事之後。且元年者。人君卽位之始年也。古未有一君而再元者。若文王之中年。不宜改元而改。武王之初年。宜改元而不改。不幾於秦漢之蔽惑。五季之簡陋乎。故泰誓所稱。卽武王十三年也。史記周本紀云。武王卽位九年。祭文王之墓於畢。然後觀兵盟津。而伯夷列傳復有父死不葬之說。進退無據。俾後世俗儒。不本經而信傳記。以厚誣聖人。紛紛異端之說。所由來矣。

